


GODIŠNJI IZVJEŠTAJ OPĆINE
STARI GRAD SARAJEVO

2024



Razvoj i
odgovornost



2024

Godina stabilizacije stanja u Općini Stari Grad Sarajevo, odgovornog upravljanja i početka razvojnih projekata

UVODNO OBRAĆANJE

Općina Stari Grad Sarajevo kontinuirano teži poboljšanju kvaliteta života svojih građana kroz brojne inicijative i projekte, koji se zasnivaju na principima održivog razvoja, socijalne pravde i odgovornosti prema lokalnoj zajednici. Tokom prethodne godine, realizovani su brojni projekti koji obuhvataju različite oblasti života, od infrastrukturnih projekata i ekoloških inicijativa, do unapređenja obrazovnog sistema, kulture, privrede i socijalnih usluga.

Društveno odgovorne politike, koje su osnova djelovanja Općine, postavljaju prioritete prema potrebama građana, uz poseban fokus na **transparentnost u radu**, borbu **protiv korupcije**, te pružanje podrške svim društvenim grupama, uključujući boračku populaciju, mlade, osobe sa invaliditetom i druge osjetljive kategorije. Kroz implementaciju **komunalnih i cestovnih infrastrukturnih projekata**, Općina je unaprijedila kvalitet življenja, čineći Stari Grad funkcionalnijim, pristupačnijim i sigurnijim za sve.

Snažno se podržavaju i **zelene politike**, sa ciljem očuvanja okoliša i unapređenja života u skladu s održivim razvojem. Projekti u oblasti **kapitalnih investicija, privrede i turizma** doprinose ekonomskom razvoju i stvaranju novih radnih mjesta, dok se u isto vrijeme čuvaju kulturne baštine i promoviše **kultura sjećanja**, čime se osigurava očuvanje identiteta i tradicije.

Općina Stari Grad Sarajevo posebno posvećuje pažnju **odnosu prema mladima**, pružanju kvalitetnog obrazovanja, kao i razvoju **sportskih aktivnosti**, što je ključ za zdrav i uspješan razvoj lokalne zajednice.

Kroz ulaganje u službe zaštite i spašavanja Općine Stari Grad Sarajevo, Općina osigurava sigurnost i efikasnost u kriznim situacijama, dok se kroz **međunarodnu i domaću saradnju** proširuju horizonti i jačaju veze sa drugim zajednicama i institucijama.

Kroz sve naprijed navedene procese i aktivnosti, nismo zanemarili saradnju sa vjerskim zajednicama kroz ulaganje u objekte od značaja za vjerske zajednice, ali i različite manifestacije kojima se obilježavaju značajni datumi za vjernike.

Ova publikacija pruža pregled svih realizovanih projekata, koji pokrivaju sve naprijed navedene oblasti, a koji su ostvareni uz cilj da se Stari Grad učini još boljim mjestom za život, u kojem se uvažavaju potrebe svih građana i građanki.

Nastavljamo odgovorno raditi i u 2025. godini, prioritet nam je završiti započete milionske projekte i započeto nove velike kapitalne projekte, ali i društveno odgovorne politike. Vraćanjem milionskih dugova bez novih zaduživanja, stabilizovali smo stanje i spremili preduslove za dalji razvoj naše zajednice.

**NAČELNIK
IRFAN ČENGIĆ**

U demokratskim zajednicama važno je redovno polagati račune onima koji su vam dali povjerenje.

Građanima i Općinskom vijeću podnosimo Izvještaj o urađenom u 2024. godini koji je podijeljen u 13 dijelova.

Naš rad se zasniva na usvojenoj Strategiji razvoja Općine do 2027. godine i tri strateška cilja:

Unaprijediti konkurentnost privrede i povećati zaposlenost;
Kreirati prosperitetan i inkluzivan društveni razvoj;
Odgovorno upravljati infrastrukturom, prostorom i okolišem.



PREGLED OBLASTI



**DRUŠTVENO ODGOVORNE
POLITIKE**



**KOMUNALNA I CESTOVNA
INFRASTRUKTURA**



KAPITALNI PROJEKTI



ZELENE POLITIKE



**TRANSPARENTNOST I
ANTI-KORUPCIONE MJERE**



PRIVREDA I TURIZAM



**KULTURA I KULTURA
SJEĆANJA**



**POLITIKE PREMA
VETERANIMA**



**OBRAZOVANJE, MLADI I
SPORT**



**RAD SA VJERSKIM
ZAJEDNICAMA**



**MEĐUNARODNA I
DOMAĆA SARADNJA**



**CIVILNA ZAŠTITA I SLUŽBE
SPAŠAVANJA**

DRUŠTVENO ODGOVORNE POLITIKE

Općina Stari Grad Sarajevo od početka 2024. godine ulaže značajna sredstva u podršku socijalno ugroženim građanima, kroz različite programe pomoći. U protekloj godini, Općina je donijela i niz novih pravilnika i raspisala javne pozive kako bi uredila i omogućila bolju i transparentniju dostupnost pomoći onima kojima je to najpotrebnije, te je kroz javni poziv osigurala finansijska sredstva za mnogobrojna udruženja i fondacije čiji je primarni cilj briga o ranjivim i osjetljivim kategorijama društva.

SOCIJALNA POMOĆ U FOKUSU OPĆINE

Od početka ove godine, Općina Stari Grad Sarajevo u saradnji sa drugim nivoima vlasti je kroz različite programe pružila značajnu podršku socijalno ugroženim građanima.

Za razne vidove pomoći izdvojeno je približno 8 miliona konvertibilnih maraka, kako iz budžeta Kantona Sarajevo i Federacije Bosne i Hercegovine, tako i iz Budžeta Općine Stari Grad Sarajevo.

Tendencija Općine je bila da uz poštivanje relevantnih zakonskih i podzakonskih akata donese pravilnike kojima će utvrditi pravo na jednokratnu pomoć za socijalno ugrožene kategorije, pomoć u liječenju celijakije, novčana pomoć djeci sa hroničnim oboljenjima i slično, a što nije predviđeno kroz programe pomoći Kantona i Federacije.



<u>Dječiji dodatak</u>	1.049.713,71 KM
<u>Dodatak za djecu</u>	972.899,76 KM
Jednokratna pomoć za opremu novorođenog djeteta	14.275,00 KM
Dodatna novčana pomoć na ime prehrane djeteta do 6 mjeseci i dodatna ishrana za majku	13.260,00 KM
Dodatna pomoć na ime brige i njege djeteta (nezaposlena porodilja)	1.236.630,07 KM
<u>Novčana pomoć nezaposlenoj porodilji</u>	475.944,01 KM
<u>Naknada umjesto plaće ženi - majci u radnom odnosu za vrijeme dok odsustvuje sa posla radi trudnoće, porođaja i njege djeteta</u>	925.125,37 KM
Dodatna pomoć na ime brige i njege djeteta (zaposlena porodilja)	1.096.439,50 KM
Porez od nesreće (zaposlene porodilje)	4.625,64 KM
<u>Doprinosi (Zaposlene porodilje)</u>	556.433,38 KM
Civilne žrtve rata (korisnici prava na porodičnu i ličnu invalidninu, te mjesečno lično novčano primanje)	978.353,90 KM
<u>Zdravstvena zaštita za korisnike dodatka na djecu/dječijeg dodatka</u>	1.440,00 KM
Zdravstvena zaštita za civilne žrtve rata	1.440,00 KM
Zdravstvena zaštita raseljenim licima i povratnicima u Kantonu Sarajevo	540,00 KM
<u>Zdravstvena zaštita za korisnike od 0-18 godina</u>	24.940,00 KM
Zdravstvena zaštita za lica preko 65 godina	51.120,00 KM
Zdravstvena zaštita za socijalno ugrožena lica	38.480,00 KM
Jednokratna novčana pomoć kao socijalna pomoć licima u socijalne potrebe	335.200,00 KM
Jednokratna novčana pomoć za plaćanje troškova liječenja u Bosni i Hercegovini	152.400,00 KM
Obezbjedenje ogrjeva licima u stanju socijalne potrebe za 2024. godinu	120.940,56 KM
<u>Jednokratna novčana pomoć oboljelim od celijakije</u>	11.900,00 KM
<u>Novčana pomoć djeci sa hroničnim oboljenjima i djeci sa poteškoćama u razvoju</u>	141.450,00 KM
Novčana sredstva za sufinansiranje troškova medicinski potpomognute oplodnje	7.500,00 KM
<u>Jednokratna novčana naknada porodiljama</u>	121.750,00 KM
Jednokratna novčana naknada ratnim vojnim invalidima - paraplegičarima	7.200,00 KM



Jednokratna novčana pomoć za porodice šehida i poginulih boraca, ratne vojne invalide i demobilisane borce	20.000,00 KM
<u>Porodična i lična invalidnina</u>	3.322.204,00 KM
Egzistencijalna novčana naknada za osobe preko 57 godina	602.728,00 KM
Egzistencijalna novčana naknada za osobe do 57 godina	591.754,00 KM
Dječiji dodatak za djecu RVI od 20% do 80%	95.841,00 KM
Najveća ratna priznanja i tuđa njega i pomoć	61.740,00 KM
<u>Personalna asistencija</u>	40.842,00 KM

SANACIJA STAMBENIH OBJEKATA SOCIJALNO UGROŽENIH KATEGORIJA STANOVNIŠTVA U STAROM GRADU

Općina Stari Grad Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo udružili su snage kako bi pružili pomoć najugroženijim građanima. Osigurana su sredstva za poboljšanje životnih uslova onih kojima je pomoć najpotrebnija, doprinoseći njihovoj socijalnoj inkluziji i dostojanstvenom životu. Naime, sredstva su dodjeljena po raspisanom javnom pozivu uz prethodno usvojeni Pravilnik kojim su utvrđeni uvjeti i kriteriji od strane Općinskog vijeća Stari Grad Sarajevo. Shodno naprijed navedenom Općina je dodjela sredstva za ukupno 119 osoba za sanaciju stambene jedinice u kojoj žive.

S.O.S. DJEČIJEM SELU DODIJELJEN OBJEKAT U LOGAVINI: DOM ZA MLADE U PRIPREMI ZA SAMOSTALAN ŽIVOT

Na 34. sjednici Općinskog vijeća Stari Grad, zgrada u ulici Čadordžina, smještena u mjesnoj zajednici Logavina, službeno je dodijeljena S.O.S. dječijem selu. Ovaj objekt će postati dom za studente i mlade ljude koji se pripremaju za samostalan život.

Izgradnju objekta je donirala Općini Stari Grad Sarajevo Fondacija Hemias privrednika Hajriza Brčvaka. Zgrada, koja se sastoji od suterena, prizemlja, sprata i potkrovlja, uključuje sedam dvosobnih stanova i izgrađena je u periodu od aprila 2022. godine.

PODRŠKA ZA "RACE FOR THE CURE"

Općina Stari Grad pružila je podršku humanitarnoj manifestaciji "Race for the Cure", koja se održava s ciljem podizanja svijesti o borbi protiv karcinoma dojke. Ova značajna akcija okupila je brojne učesnike, a Općina je svojim angažmanom još jednom pokazala posvećenost zdravlju i dobrobiti zajednice.





OPĆINA STARI GRAD PODRŽALA RAD UDRUŽENJA

Općina Stari Grad Sarajevo kontinuirano pruža podršku građanima kroz različite inicijative i projekte, a posebno je posvećena udruženjima i fondacijama koje igraju ključnu ulogu u pružanju socijalne, zdravstvene i humanitarne pomoći. Ovaj put, Općina je obezbijedila finansijsku podršku za nekoliko važnih organizacija koje se bave unapređenjem kvaliteta života u zajednici.



PODRŠKA CRVENOM KRIŽU OPĆINE STARI GRAD

Crveni križ Općine Stari Grad već dugi niz godina pruža humanitarnu pomoć građanima, naročito u kriznim situacijama. Općina Stari Grad obezbijedila je sredstva za unapređenje njihovih programa pomoći, uključujući hitnu pomoć u nesrećama, s ciljem jačanja kapaciteta za pružanje podrške ugroženim kategorijama stanovništva.



FINANSIJSKA PODRŠKA UDRUŽENJU "POMOZI.BA"

Općina Stari Grad upriličila je 4. septembra 2024. godine potpisivanje ugovora o finansijskoj podršci za Udruženje „Pomozi.ba“, organizaciju koja kontinuirano pokazuje svoju posvećenost pomaganju najosjetljivijim kategorijama društva. Ova podrška omogućit će proširenje njihovih aktivnosti u pomoći onima kojima je najpotrebnija.



SARADNJA SA "SOS-KINDERDORF"

Dana, 4. septembra 2024. godine, potpisan je ugovor o finansijskoj podršci Predstavništvu humanitarne organizacije „SOS-Kinderdorf International“. Ova saradnja nastavila se kroz zajednički rad na projektu koji osigurava stanove za mlade osobe bez roditeljskog staranja, čime se doprinosi njihovom boljem i sigurnijem životu.

PODRŠKA UDRUŽENJU "GENERACIJA"

Udruženje „Generacija“ dobilo je sredstva za sprovođenje aktivnosti usmjerenih na prevenciju bolesti i promociju zdravih životnih navika. Sredstva će biti iskorištena za organizaciju edukativnih kampanja, zdravstvenih pregleda i radionica za građane, čime se doprinosi poboljšanju zdravlja i kvaliteta života lokalne zajednice.



UDRUŽENJE „KALI SARA“ – ROMSKI INFORMATIVNI CENTAR

Udruženje „Kali Sara“ dobilo je podršku za organizaciju „Prvog kongresa Roma svijeta“, povodom obilježavanja Međunarodnog dana Roma. Ovaj kongres ima za cilj unapređenje prava i položaja Roma u društvu, kao i promociju romske kulture i identiteta.

UDRUŽENJE PENZIONERA STARI GRAD

Udruženje penzionera Stari Grad fokusirano je na pružanje pomoći socijalno ugroženim penzionerima. Kroz različite socijalne i zdravstvene usluge, ovo udruženje pomaže penzionerima da poboljšaju kvalitet svog života. Općina Stari Grad finansijski je podržala ovaj projekt, a kroz ove aktivnosti, Udruženje se bori protiv socijalne izolacije i osigurava bolju brigu o starijim građanima.



UDRUŽENJE ZA PSIHOSOCIJALNU PROMOCIJU I AFIRMACIJU HUMANIH VRIJEDNOSTI „MOMENTUM“

Udruženje „Momentum“ dobilo je sredstva za realizaciju projekta zaštite prava žena. Glavni cilj projekta je prevencija rodno zasnovanog nasilja nad ženama i jačanje svijesti građana o ovom važnom društvenom pitanju. Ovaj projekat doprinosi borbi protiv nasilja nad ženama i promoviše rodnu ravnopravnost u lokalnoj zajednici.

UDRUŽENJE ZA POMOĆ I EDUKACIJU „ALDEN S.46“

Udruženje „ALDEN S.46“ realizovalo je projekat osnivanja prve dječije javne kuhinje u Kantonu Sarajevo, koja pruža besplatne obroke djeci iz socijalno ugroženih porodica. Sredstva koja je Općina Stari Grad obezbijedila biće iskorištena za izgradnju i opremanje kuhinje, kao i za organizaciju svakodnevne podjele obroka. Ova inicijativa pruža ključnu podršku djeci koja se nalaze u teškoj socijalnoj situaciji, obezbjeđujući im osnovne prehrambene potrebe.



JU DOM ZDRAVLJA KS, OJ STARI GRAD

JU Dom zdravlja KS, OJ Stari Grad, dobio je sredstva za organizaciju zdravstvenih projekata koji će unaprijediti uslove zdravstvene zaštite u lokalnoj zajednici. Sredstva će se koristiti za obnavljanje opreme i infrastrukture zdravstvenih objekata na području općine Stari Grad, čime će se poboljšati pristup zdravstvenoj zaštiti svim građanima.

UDRUŽENJE MAJKI „BRIŽNE RUKE“

Udruženje majki „Brižne ruke“ realizuje projekt „Djeca-čuvaju tradiciju“, koji ima za cilj očuvanje kulturnog naslijeđa i tradicije među mladima. Kroz razne edukativne aktivnosti, radionice, i manifestacije, djeca su imala priliku da se upoznaju sa kulturnim običajima i tradicijama svog naroda. Ovaj projekat doprinosi očuvanju identiteta i vrijednosti, kao i jačanju međugeneracijske solidarnosti.



UDRUŽENJE STANOVNIKA MEDRESE I OKOLNIH NASELJA

Udruženje stanovnika Medrese i okolnih naselja dobilo je sredstva za projekat koji se bavi socijalnom uključenosti i poboljšanjem kvaliteta života građana kroz pružanje različitih socijalnih usluga. Ovaj projekt obuhvata pomoć starijim osobama, djeci iz socijalno ugroženih porodica, kao i podršku za osobe sa invaliditetom. Kroz ove aktivnosti, nastoji se poboljšati životni standard građana u ovom naselju, kao i osigurati socijalnu jednakost i integraciju.

„WOMAN.COMM KONFERENCIJA 2024“

Agencija Prefix d.o.o. dobila je podršku za organizaciju „Woman.Comm konferencije 2024“, koja ima za cilj povezivanje žena u poslovnom svijetu i podršku njihovom profesionalnom razvoju. Kroz ovu inicijativu, nastoji se osnažiti pozicija žena na tržištu rada i promovisati jednakost među spolovima.

UDRUŽENJE „ZAJEDNO SMO JEDNO“

Udruženje „Zajedno smo jedno“ dobilo je sredstva za projekt osnaživanja žena suočenih sa karcinomom dojke i ginekološkim karcinomima. Projekt uključuje organizaciju edukacija, psihosocijalnu podršku i savjetovanja za žene koje se bore sa ovom teškom bolešću. Također, pruža pomoć i podršku u svim fazama liječenja, olakšavajući ženama proces oporavka i integracije u društvo.



UDRUŽENJE „SRCE ZA DJECU OBOLJELU OD RAKA“

Udruženje „Srce za djecu oboljelu od raka“ dobilo je sredstva za rad „Roditeljske kuće Sarajevo“, koja omogućava boravak roditeljima djece oboljele od raka dok su na liječenju u Sarajevu.

UDRUGA ZA PROMOVIRANJE DRUŠTVENIH SOLIDARNOSTI, „SRCE ZA BLIŽNJE“

Realizovan je projekt „Solidarnost u zajednici: Volontiranje za starije osobe“, kroz koji su volonteri pomagali starijim osobama u obavljanju svakodnevnih zadataka i organizovali društvene aktivnosti. Ovaj projekt je ojačao međugeneracijsku solidarnost i doprinio poboljšanju kvaliteta života starijih sugrađana.



Podrška poduzetništvu i zapošljavanju ranjivih kategorija u Starom Gradu

Općina Stari Grad Sarajevo, putem Službe za lokalni razvoj, pokazala je posvećenost razvoju poduzetništva i podršci ranjivim kategorijama društva raspisivanjem Javnog poziva u maju, koji je bio usmjeren na finansiranje i sufinansiranje najboljih poslovnih planova. U augustu su potpisani ugovori sa pet korisnika koji su ostvarili pravo na sredstva Budžeta Općine, namijenjena mladima, nezaposlenim osobama, ženama i osobama s invaliditetom. Ova inicijativa naglašava važnost pružanja podrške onima kojima je najpotrebnija, stvarajući nove poslovne prilike i jačajući poduzetnički duh u zajednici. Cilj ovog projekta je unapređenje ekonomske situacije kroz otvaranje novih radnih mjesta i promociju samoodrživosti, što doprinosi ravnopravijem i inkluzivnijem društvu.

Općina Stari Grad Sarajevo pružila je finansijsku podršku različitim udruženjima i organizacijama koja imaju ključnu ulogu u poboljšanju kvaliteta života građana. Podrška obuhvata širok spektar oblasti, od socijalnih i humanitarnih inicijativa, preko zdravstva i obrazovanja, do očuvanja kulture i rodne ravnopravnosti.



Vraćen MUP u prostorije Općine Stari Grad Sarajevo

Društveno odgovorne politike prvenstveno se temelje na stvarnim potrebama građana i građanki, stoga je realizovan zahtjev građana da u prostorijama Općine Stari Grad Sarajevo ponovno bude smješten MUP, a što je i učinjeno zaključenjem ugovora o dodjeli u zakup poslovnih prostorija, u ulici Zelenih Beretki broj 4, administrativno sjedište Općine Stari Grad Sarajevo, lamela B, Ministarstvu unutrašnjih poslova Kantona Sarajevo.



KOMUNALNA I CESTOVNA INFRASTRUKTURA



Općina Stari Grad Sarajevo realizovala je veliki broj značajnih infrastrukturnih projekata koji će unaprijediti kvalitet života u ovoj starogradskoj Općini. Sanacija saobraćajnica i rekonstrukcija vodovodne mreže samo su neki od projekata koji su završeni, dok su mnogi drugi još u toku.

Ovi projekti, koji obuhvataju ključne ulice, predstavljaju veliki korak u modernizaciji infrastrukture, a realizovani su zahvaljujući saradnji s Direkcijom za puteve Kantona Sarajevo i drugim relevantnim institucijama.



ZAVRŠENI RADOVI NA SANACIJI ULICA U TOKU 2024. GODINE

RADOVI NA SANACIJI ULICE PAJE SOKAK

U okviru šireg projekta modernizacije saobraćajnih površina, u Općini Stari Grad završeni su radovi na sanaciji ulice Paje sokak, dužine 170 metara.

RADOVI U ULICI BISTRİK BASAMACI

Jedan od važnih dijelova ovog velikog infrastrukturnog projekta jeste završetak radova na sanaciji ulice Bistrik basamaci. Radovi su obuhvatili obnovu 120 metara duge saobraćajnice, čime je poboljšana kvaliteta saobraćaja u ovom dijelu Starog Grada.



RADOVI U ULICI ZA BEGLUKOM

Okončani su radovi na sanaciji dijela ulice Za Beglukom – plato Širokača, čija je površina radova obuhvatala oko 1.450 m². Ovi radovi obuhvatali su niz aktivnosti usmjerenih ka osiguranju stabilnosti i dugotrajnosti ceste, kao i njenom optimalnom funkcionisanju u svim vremenskim uslovima. Među tim aktivnostima su uklanjanje dijelova asfalta i zamjena granitne kocke, čišćenje šahtova i slivnika, te izrada poprečne drenaže.

RADOVI U ULICI PODDŽEBHANA NA VRATNIKU

U ulici Poddžebhana u starogradskom naselju Vratnik, gdje je urađena sanacija i asfaltiranje makadamskog puta. Sanirana je ulica dužine oko 145 metara.



RADOVI U ULICI ABLAGIJIN SOKAK NA MOŠĆANICI

Na inicijativu mještana i u skladu s usvojenim Godišnjim planom i programom održavanja i zaštite, kao i programom rekonstrukcije, izgradnje i obnove saobraćajnica za 2024. godinu, Općina Stari Grad Sarajevo provela je sanaciju pristupnog makadamskog puta na ulici Ablagijin sokak, dužine oko 150 metara.



RADOVI U ULICI BALIBEGOVICA ČIKMA NA BISTRIKU

Završena je sanacija dijela ulice Balibegovica čikma na Bistriku. Stanovnici lokaliteta su se u više navrata obraćali sa zahtjevom za sanaciju ove ulice, na kojoj se nalazio ispucani i pohabani asfalt. Stanje ove ulice posebno je otežavalo kretanje stanovnicima prilikom zimskih mjeseci, a posebno onima starije životne dobi.

RADOVI U ULICI TALE LIČANINA

U proteklom periodu urađena je i sanacija dijela ulice Tale Ličanina do broja 12. Ovaj lokalni put je smješten u mjesnoj zajednici Širokača i saniran je u dužini od oko 35 metara. Radovi u ulici Tale Ličanina uključivali su sljedeće: uklanjanje oštećenog asfalta, uređenje podloge, te podizanje i nivelisanje postojećih šahtova.



RADOVI U ULICAMA NIŽE BANJE I DŽENETIĆA ČIKMA

Završen je projekat sanacije ulica Niže banje i Dženetića čikma. U sklopu sanacije provedeni su radovi poput uklanjanja oštećenog asfalta, zamjene ivičnjaka te izrade drenaže. Također, podignuto je i nivelisano 10 postojećih šahtova radi sigurnosti u saobraćaju.



RADOVI U ULICI POD HRIDOM

Završen je projekat sanacije ulice Pod Hridom, kao jedne od ulica za koju su građani ukazali da je neophodna sanacija.

RADOVI U ULICI HADŽIJSKA RAVAN

Završena je sanacija ulice Hadžijska ravan na kojoj se nalazio ispucani i pohabani asfalt. Stanje ove ulice posebno je otežavalo kretanje stanovnicima prilikom zimskih mjeseci.





RADOVI U ULICI KARPUZOVA I ČADORDŽINA

Završena je sanacija ulica Karpuzova i Čadordžina nakon što je KJKP "Vodovod i kanalizacija" završilo saniranje vodovodne i kanalizacione mreže.

RADOVI NA CESTI M5

Sanacija kolovoza na cesti M5, Azize Šaćirbegović-Korija, predstavlja važan korak u održavanju infrastrukture Općine Stari Grad Sarajevo. Projekt vrijedan pola miliona KM, realizovan je zahvaljujući saradnji JP Ceste Federacije Bosne i Hercegovine i Sarajevo puteva d.d. Sarajevo.

RADOVI U ULICAMA MOČILA I MOČILA TEREZIJE

Općina Stari Grad Sarajevo uspješno je realizovala projekat sanacije dijelova ulica Močila i Močila Terezije, a koje se nalaze na području mjesne zajednice Hrid-Jarčedoli. Zbog nelegalnih priključaka na kanalizacionu mrežu, a usljed velikih padavina i ilegalnih pregrada u kanalizacionoj mreži došlo je do propadanja i urušavanja dijela ulice Močila u dužini od oko 80 metara. S obzirom da se i obližnji dio ulice Močila Terezije nalazio u lošem stanju, Općina Stari Grad pokrenula je i realizaciju projekta sanacije oko 175 metara ove saobraćajnice.





ZAPOČETI RADOVI NA SANACIJI ULICA U 2024. GODINI

RADOVI U ULICI BISTRİK

Općina Stari Grad u saradnji s Ministarstvom saobraćaja Kantona Sarajevo realizuje još jedan važan infrastrukturni projekat – obnovu ulice Bistrić. Ovaj projekat ima za cilj poboljšanje sigurnosti i kvaliteta saobraćajne infrastrukture u Starom Gradu. Radovi obuhvataju obnovu 700 metara saobraćajnice, uz potpunu rekonstrukciju trotoara i modernizaciju odvodnog sistema, uključujući ugradnju novih slivnika i rešetki.

RADOVI U ULICI NEVJESTINA

Započeti su radovi na sanaciji ulice Nevjestina, te će se isti nastaviti po sticanju vremenskih uvjeta. Riječ je o projektu koji Općina realizuje u saradnji sa Direkcijom za puteve Općine Stari Grad Sarajevo.



RADOVI U ULICI GRLICA

Započeti su radovi na sanaciji ulice Grlica, te će se isti nastaviti po sticanju vremenskih uvjeta. Riječ je o projektu koji Općina realizuje u saradnji sa Direkcijom za puteve Općine Stari Grad Sarajevo.

RADOVI U ULICI MAGUDA

Započeti su radovi na sanaciji ulice Maguda, cijeneći da je isti bio zahtjev građana navedene ulice tokom trajanja javne rasprave za Budžet 2024. godine.





RADOVI NA LOKALNOJ CESTI BARICE

Započeti su radovi na rekonstrukciji dijela lokalne ceste Sedrenik – Barice dužine 3.500 metara. Riječ je o projektu koji Općina realizuje u saradnji sa Direkcijom za puteve Općine Stari Grad Sarajevo, a čija je vrijednost približno 3.000.000 KM.

RADOVI NA GLAVNOJ SAOBRAĆAJNICI OD DRVENIJE DO ČUMURIJE

Radovi na glavnoj gradskoj saobraćajnici od Drvenije do Čumurije su započeti u toku 2024. godine i isti su u toku. Ukupna dužina saobraćajnice koju će Ministarstvo saobraćaja i Direkcija za puteve KS obnoviti je oko 2,8 kilometara. Projektom je predviđena potpuna obnova saobraćajnice i trotoara sa obje strane. Pored obnove saobraćajnice i trotoara, bit će izvršena ugradnja novih ivičnjaka na kompletnoj dužini, poboljšanje sistema odvodnje, ugradnja nove vertikalne saobraćajne signalizacije, te iscrtavanje nove horizontalne saobraćajne signalizacije od plastične materije. Bit će postavljena i nova gumena izolacija tramvajskih šina.





KOMUNALNA INFRASTRUKTURA



UZ
SARADNJU
SA DRUGIM
NIVOIMA
VLASTI

REKONSTRUKCIJA VODOVODNE MREŽE U STAROM GRADU

Kroz projekat koji realizuje KJKP “Vodovod i kanalizacija” i Vlada Kantona Sarajevo, uz finansijsku podršku Evropske banke za obnovu i razvoj (EBRD), uspješno je završena rekonstrukcija vodovodnih cjevovoda i priključaka u nekoliko ulica Starog Grada.

Do sada je završena rekonstrukcija u **ulicama Alajbegovića, Isevića sokak, Karpuzova, Čadordžina, Adžemovića, Sedrenik, Čemerlina, Hrgića, Toromanova** i druge. Ove mjere predstavljaju jedno od značajnijih ulaganja u vodovodnu infrastrukturu ove Općine, s ciljem smanjenja gubitaka vode i poboljšanja snabdijevanja, a radovi su iznosili približno 4.7 miliona konvertibilnih maraka, te će biti nastavljeni i u toku 2025. godine.

Bitno je naglasiti da naprijed navedene aktivnosti su provedene, uprkos činjenici da na početku godine nismo imali gotove projekte, koji su bili spremni u toku 2023. godine, a što je rezultat turbulentnih dešavanja tokom iste. Stoga, cijeneći da smo u toku 2024. godine morali pripremiti projekte, provesti postupke javnih nabavki, započeti i okončati pojedine radove, ulaganje u cestovnu infrastrukturu približno u iznosu od 15.500.000 KM smatramo iznim uspješom, a što smo uspjeli u saradnji sa Ministarstvom saobraćaja Kantona Sarajevo i Direkcije za ceste Kantona Sarajevo.

AKTIVNOSTI NA DODATNOM UNAPREĐENJU USLOVA ŽIVOTA

Iako se u kontekstu velikih projekata, koji su bili u fokusu u 2024. godini, pojedine aktivnosti čine kao sitnice, za svakodnevni život građana čine ozbiljnu razliku, a što smo se uvjerali i tokom sastanaka sa savjetima mjesnih zajednica i zborova građana.

SFERNA OGLEDALA

Shodno navedenom i osluškajući potrebe građana, zamjenjena su sferna ogledala na lokacijama na kojima su bila uništena, dok je paralelno urađen elaborat za određivanje novih saglasnosti, i isti je prosljeđen Ministarstvu saobraćaja na saglasnost, te će se tokom 2025. godine realizirati nabavka novih sfernih ogledala i postavljanje istih.

SANACIJA UDARNIH RUPA NA KOLOVOZIMA

U ulicama i putevima, koji nisu bili predmetom sanacije tokom 2025. godine, a imali su oštećena, ista su sanirana, te su utrošena sredstva u iznosu od približno 60.000 KM za sanaciju udarnih rupa.

ODRŽAVANJE ČISTOĆE

Također, iako Općina Stari Grad Sarajevo nije nadležna za održavanje čistoće u cestovnom pojasu, niti za uređenje zelenih površina tokom 2024. godine namještenici Općine Stari Grad Sarajevo su kosili i uređivali zelene površine. Također izvršena je nabavka kontejnera, te kanti, koje su postavljene u užoj starogradskoj jezgri.



AKCIJA ČIŠĆENJA IZLETIŠTA BARICE

U aprilu 2024. godine, Općina Stari Grad, predvođena načelnikom Irfanom Čengićem, pridružila se akciji čišćenja izletišta Barice, koju su organizovali KJKP Rad i Jericho Fondacija. U akciji je učestvovalo više od 100 volontera i učenika srednjih škola.

Prikupljeno je 260 kg otpada, uz primjenu odvajanja – stakleni, plastični i miješani otpad predati su na sortiranje. Akcija je obilježila 22. april – Dan planete Zemlje. Ova akcija se organizuje svake godine, a prethodnih godina na izletištu Barice prikupljeno je i do devet tona otpada.

PROLJETNA AKCIJA ČIŠĆENJA U STAROM GRADU

Proljetna akcija čišćenja u Starom Gradu, koja je trajala pet dana, uspješno je realizovana u maju 2024. godine. Tokom akcije očišćene su divlje deponije, zelene površine, ulice, kanalizacija, te je izvršena sječa stabala i rastinja. U akciji je učestvovalo oko 150 ljudi, uključujući komunalna preduzeća, civilnu zaštitu i druge nadležne službe.

Općinski načelnik Irfan Čengić istakao je da je ova akcija bila važan korak u podizanju ekološke svijesti građana, iako čišćenje nije bilo u njegovoj nadležnosti. Proljetna akcija čišćenja na nivou Kantona Sarajevo trajala je ukupno 45 dana.

RUKOHVATI I NIŠE I SANACIJA STEPENIŠTA

Uzimajući u obzir nepristupačnost terena na području Općije Stari Grad Sarajevo u brdskim dijelovima tokom 2024. godine urađeni su novi rukohvati, ali i niše za kontejnere. Tokom 2024. godine, također, sanirano je stepenište u MZ Toka džeka, te je na taj način povećan stepen sigurnost za kretanje građana.





ZELENE POLITIKE

Općina Stari Grad aktivno implementira zelene politike kroz brojne projekte, koji se odnose na energetske efikasnost, obnovu infrastrukture i korištenje obnovljivih izvora energije. Ovi projekti čine Stari Grad primjerom odgovorne zelene politike na lokalnom nivou.

PROJEKAT ENERGETSKE EFIKASNOSTI NA EKONOMSKOM FAKULTETU

U toku 2024. godine su započeli radovi na termoizolaciji vanjskih zidova, stropova i krovova, zamjeni vanjske stolarije, ugradnji termostatskih ventila i zamjeni sijalica na Ekonomskom fakultetu. Ovaj projekat, podržan sredstvima Vlade Kantona Sarajevo i Federalnog ministarstva prostornog uređenja, značajno će unaprijediti energetske održivost Fakulteta i smanjiti potrošnju energije. Također, planirana je restauracija dijela zgrade iz 1889. godine, uključujući vanjske zidove i stolariju. Ove mjere značajno će poboljšati uslove za više od 3.000 korisnika objekta, uključujući zaposlenike i studente. Potpisan je ugovor o izvođenju radova na implementaciji mjera energetske efikasnosti na Ekonomskom fakultetu Univerziteta u Sarajevu. Ugovor su 15. jula 2024. godine potpisali dekanica fakulteta Meliha Bašić i direktor izvođača radova Unigradnja DD, Mustafa Duraković. Ceremoniji potpisivanja prisustvovali su načelnik Općine Stari Grad Irfan Čengić, pomoćnik ministrice za nauku, visoko obrazovanje i mlade Kantona Sarajevo Nihad Šeta, guvernerka Centralne banke BiH Jasmina Selimović, voditeljica projekta Ekonomskog fakulteta Jasmina Mangafić i prodekanica za naučno-istraživački rad Amila Pilav-Velić.



OBNOVA JU SREDNJE ŠKOLE POLJOPRIVREDE, PREHRANE, VETERINE I USLUŽNIH DJELATNOSTI SARAJEVO

U saradnji sa Vladom Kantona Sarajevo i Gradom Sarajevo, u toku 2024. godine započeti su radovi na obnovi fasade i zamjeni vanjske stolarije na JU Srednja škola poljoprivrede, prehrane, veterine i uslužnih djelatnosti Sarajevo. Ukupna vrijednost ovog projekta je oko dva miliona KM.



ENERGETSKA EFIKASNOST ZA OŠ "ŠEJH MUHAMED EF. HADŽIJAMAKOVIĆ"

U OŠ "Šejh Muhamed ef. Hadžijamaković" u toku 2024. godine započeti su radovi na obnovi fasade, koji su dio projekta Akcionog plana EBRD-a "Zeleni gradovi". Projekt je financiran sa tri miliona eura bespovratnih sredstava od Evropske unije i osam miliona eura povoljnih kredita od EBRD-a.

Kao rezultat ovih investicija, očekuje se da će potrošnja energije u objektima i emisije karbondioksida biti prepolovljene. Ovo uključuje i viši kvalitet grijanja i hlađenja, a samim tim i bolju udobnost za korisnike ovih javnih zgrada, kao i značajne uštede u budžetu Kantona Sarajevo.

OBNOVA OŠ „EDHEM MULABDIĆ“

U Osnovnoj školi „Edhem Mulabdić“ tokom 2024. godine okončani su radovi na projektu energetske efikasnosti, koji je rezultat uspješne saradnje između Općine Stari Grad Sarajevo i Ministarstva za odgoj i obrazovanje Kantona Sarajevo. U okviru prve faze projekta energetske efikasnosti, škola je dobila 90 novih prozora, izvršena je izolacija učionica i drugih prostorija, te sanacija podrumskih prostora. Također, postavljene su nove klupice na svim ugrađenim prozorima. Sredstva za ovaj projekat je osigurala Vlada Kantona Sarajevo i Općina Stari Grad Sarajevo. Također, saniran je svjetlarnik na krovu škole, a također je završena i rekonstrukcija kupole. Uz to, završeno je i tekuće održavanje fasade, uključujući sanaciju i farbanje.





SOLARNE ELEKTRANE NA ŠKOLAMA U STAROM GRADU

Razvojni program Ujedinjenih nacija (UNDP) u Bosni i Hercegovini provodi projekt "Zeleni ekonomski razvoj" koji primarno finansira Švedska. Kroz ovaj projekt, koji ima za cilj smanjenje energetske ovisnosti i promociju obnovljivih izvora energije, a na inicijativu Općine Stari Grad Sarajevo, potpisan je sporazum kojim se uređuju međusobni odnosi u svrhu instalacija fotonaponskih solarnih elektrana na objektima tri osnovne škole u Starom Gradu - OŠ "Mula Mustafa Bašeskija" - Područna škola Sedrenik, OŠ "Vrhbosna" na Faletićima i OŠ "Hamdija Kreševljaković" na Vratniku. Projekte zajednički finansiraju Općina Stari Grad i UNDP.

POSTAVLJANJE FOTONAPONSKE ELEKTRANE NA OBJEKTU OPĆINE STARI GRAD SARAJEVO

Jedan od ključnih strateških projekata predviđenih u Strategiji razvoja Općine Stari Grad Sarajevo za period 2024. do 2027. godine, jeste nabavka i izgradnja fotonaponske elektrane na krovu administrativnog objekta Općine Stari Grad Sarajevo. Ovaj projekat ima za cilj jačanje energetske efikasnosti i korištenje obnovljivih izvora energije, što postaje sve važniji trend u Bosni i Hercegovini. Fotonaponski paneli, koji postaju sve prisutniji u elektroenergetskom sektoru, predstavljaju ključni korak ka smanjenju zavisnosti od fosilnih goriva i očuvanju okoliša. Tokom 2024. godine fotonaponska elektrana na objektu Općine Stari Grad Sarajevo je postavljena.





OPĆINA STARI GRAD SARAJEVO REALIZOVALA PROJEKT NABAVKE DVA PAMETNA RECIKLOMATATA

Općina Stari Grad Sarajevo uspješno je realizovala projekt nabavke dva pametna reciklomata, čime je značajno unaprijedila sistem selektivnog prikupljanja otpada na svom području. Ovi inovativni uređaji omogućavaju građanima jednostavno odlaganje plastičnih i aluminijumskih boca te limenki, a zauzvrat im nude nagrade u vidu popusta i drugih beneficija. Cilj ovog projekta je podizanje svijesti građana o važnosti reciklaže, smanjenje otpada na deponijama i poboljšanje ekološke situacije u općini. Ovi pametni reciklomati ne samo da olakšavaju proces reciklaže, već i motivišu građane da aktivno učestvuju u zaštiti životne sredine





KAPITALNI PROJEKTI

Općina Stari Grad Sarajevo, u saradnji s Vladom Kantona Sarajevo i Gradom Sarajevom, predstavlja niz zajedničkih projekata koji će značajno unaprijediti infrastrukturu, kvalitet života i održivost ove lokalne zajednice.

Načelnik Irfan Čengić i lokalne vlasti osmislili su sveobuhvatan plan koji obuhvata ključne sektore poput infrastrukture, obrazovanja, socijalne zaštite i zaštite okoliša, stvarajući temelje za dugoročni prosperitet Starog Grada. Ovi projekti ne samo da odgovaraju na trenutne potrebe građana, već će i osigurati održivo i moderno okruženje za buduće generacije.





OBNOVA DOMA ORUŽANIH SNAGA BIH


Dom oružanih snaga Bosne i Hercegovine, kao nacionalni spomenik i zgrada sa bogatom historijom i simbolikom je projekat kojem je posvećena posebna pažnja tokom 2024. godine. Naime, pribavljene su potrebne saglasnosti za sanaciju fasade, zamjenu kompletne vanjske stolarije, kao i za sanaciju dijela krova od strane nadležnih institucija cijeneći relevantne zakonske propise kojima se uređuju zahvati u prostoru kada su u pitanju nacionalni spomenici. Slijedom navedenog, dana 14.11.2024. godine potpisan je Ugovor o izboru izvođača za izvođenje naprijed navedenih građevinskih radova u prisustvu ministra odbrane BiH, Zukana Heleza, Komandanta EUFOR Misije u BiH, majora generala Laszlo Sticz i načelnika NATO štaba brigadira Ferenc Kiss, u vrijednosti od približno 2 miliona konvertibilnih maraka. Dio sredstava je osiguran iz sredstava Vlade Federacije Bosne i Hercegovine i Kantona Sarajevo, dok će ostatak sredstava osigurati Općina Stari Grad Sarajevo. Također, proveden je postupak javne nabavke, te je izabrana i firma koja će provoditi nadzor nad predmetnim radovima, te se početak radova očekuje tokom februara 2025. godine kada se steknu uvjeti cijeneći vremenske prilike, obzirom da je administrativni dio projekta završen, te predstoji početak izvođenja radova i praćenje istih.



IZGRADNJA MUZEJA "MERSAD BERBER"

Općina Stari Grad Sarajevo je bogata nacionalnim spomenicima, te su na njoj teritoriji smješteni mnogobrojni muzeji, stoga je prepoznata i ideja i značaj uspostave muzeja Mersada Berbera eminentnog bosansko-hercegovačko slikara, koji je priznat u cijelom svijetu, a koji nema muzej ili galeriju koja nosi njegovo ime. Uzimajući u obzir pravosnažno odobrenje za građanje, kojim su odobreni radovi rekonstrukcije dva poslovna prostora u svrhu uspostave galerije Berber, u ulici Zelenih beretki, proveden je postupak javne nabavke, te je zaključen okvirni sporazum za izvođenje predmetnih radova u vrijednosti od približno 1,5 miliona konvertibilnih maraka, dok će nadzor nad izvođenjem radova provoditi Zavod za izgradnju Kantona Sarajevo, cijeneći da je dio sredstava za realizaciju ovog projekta osiguran iz Budžeta Kantona Sarajevo. Uzimajući u obzir finansijska sredstva potrebna za realizaciju ovog projekta, Općina Stari Grad Sarajevo je zaključila sporazum sa Ministarstvom kulture i sporta Kantona Sarajevo, koje je podržalo ovaj projekat kroz dvije faze i to sredstvima u iznosu od 300.000 KM i sredstvima u iznosu od 600.000 KM, dok je i Vlada Federacije Bosne i Hercegovine prepoznala značaj ovog projekta, te isti podržala. Predmetni radovi su u toku, te se očekuje okončanje radova do kraja 2025. godine.

Uvažavajući značaj ovog projekta, kao i da je veoma bitno da po uspostavi Muzeja Mersada Berbera isti bude mjesto okupljanja ne samo građana i građanki Sarajeva i Bosne i Hercegovine, nego i turista koji dolaze u Sarajevo, kao i da je potrebno da i vanjsko uređenje zgrade u kojoj će biti smješten muzej bude u skladu sa značajem istog, pristupilo se izradi dokumentacije, koja je upućena prema relevantnim institucijama za pribavljanje saglasnosti za tekuće održavanje fasade na zgradi u kojoj će biti smješten muzej. Uređenjem fasade će se posebno naglasiti ljepota zgrade sa iznimnim arhitektonskim izričajem. Također, u toku je priprema tenderske dokumentacije za objavljivanje postupka javne nabavke za izbor izvođača za izvođenje naprijed navedenih radova na fasadi zgrade u kojoj su u toku radovi na uspostavi muzeja Mersed Berber.



REKONSTRUKCIJA VRTIĆA “AGAN BOSTANDŽIĆ”

Vrtić “Agan Bostandžić”, koji se nalazi u starogradskom naselju Širokača, godinama unazad je predstavljao ruglo, ali i opasnost po okolne objekte, iako su građani kontinuirano iskazivali potrebe i želje za obnovom navedenog objekta. Cijeneći iznimni značaj obnove ovako jednog objekta za najmlađe, ali i njihove roditelje, Općina Stari Grad Sarajevo je maksimalno podržala ovaj projekat, te je u decembru 2023. godine izdato odobrenje za građenje za radove rekonstrukcije objekta, dok je u maju mjesecu potpisan ugovor o izvođenju radova vrijednosti približno 2 miliona konvertibilnih maraka, te se započelo sa predmetnim radovima uz učešće Grada Sarajeva i Ministarstva obrazovanja, nauke i mladih Kantona Sarajevo. Shodno dinamici radova, okončanje istih se očekuje do početka školske 2025./2026. godine, stoga je Općina Stari Grad Sarajevo poduzela aktivnosti na zaključenju sporazuma sa JU Djeca Sarajeva u svrhu osiguravanja sredstva za unutrašnje uređenje vrtića Agan Bostandžić, uz maksimalno uvažavanje potreba i sigurnosti naših najmlađih sugrađana.





IZGRADNJA SPORTSKE DVORANE U OKVIRU OSNOVNE ŠKOLE "EDHEM MULABDIĆ" U ULICI BISTRİK

Pravobranilaštvo Općine Stari Grad Sarajevo se obratilo Službi za urbanizam, prostorno planiranje i zaštitu okoliša zahtjevom za izdavanje urbanističke saglasnosti za izvođenje radova izgradnje sportske dvorane u dvorištu područne OŠ „Edhem Mulabdić“ na uglu ulica Bistrik i Bistrik džamija, uz koji je između ostalog dostavljen i idejni projekat, na koji je pribavljeno pozitivno mišljenje Zavoda za planiranje razvoja Kantona Sarajevo. Shodno važećim zakonskim i podzakonskim aktima, kao i odredbama Odluke o provođenju Regulacionog plana “Lijeva obala Miljacke” zatraženo je mišljenje Zavoda za zaštitu kulturno-historijskog i prirodnog naslijeđa, te će se po pribavljanju istog nastaviti postupak pribavljanja potrebnih odobrenja za zahvate u prostoru. Realizacijom ovog projekta Općina Stari Grad Sarajevo bi konačno dobila dvoranu sa tribinama, obzirom da je ista jedina gradska Općina koja nema dvoranu sa tribinama, a za kojom su potrebu iskazali ne samo iz OŠ “Edhem Mulabdić”, nego brojni sportski klubovi, udruženja, ali prevashodno i građani i građanke.



OBNOVA BISTRİK KULE

Bistrić kula, imponantna austrougarska tvrđava na Čolinoj kapi, od neprocjenjivog je značaja za historiju i identitet Sarajeva. Ova građevina, koja je dio kompleksa Astronomske opservatorije na Trebeviću, svjedoči o bogatoj prošlosti glavnog grada Bosne i Hercegovine. Projekat njene obnove donosi priliku za očuvanje ovog vrijednog kulturno-historijskog spomenika i njegovo uključivanje u savremeni život grada. Sinergija između lokalnih i gradskih vlasti omogućila je konkretne korake ka realizaciji ovog važnog poduhvata. Pravobranilaštvo Općine Stari Grad Sarajevo se obratilo Službi za urbanizam, prostorno planiranje i zaštitu okoliša zahtjevom za izdavanje urbanističke saglasnosti za izvođenje radova rekonstrukcije Bistrić kule, te je uvažavajući relevantne zakonske i podzakonske akte koji se odnose na zahvate u zaštićenom području, pribavljeno mišljenje Zavoda za planiranje razvoja Kantona Sarajevo, kojim je uslovljeno pribavljanje mišljenja Zavoda za zaštitu kulturno-historijskog i prirodnog naslijeđa Kantona Sarajevo i Ministarstva komunalne privrede, prostornog uređenja, građenja i zaštite okoliša Kantona Sarajevo. Cijeneći naprijed navedeno, pribavljeno je pozitivno mišljenje Zavoda za zaštitu kulturno-historijskog i prirodnog naslijeđa, te je upućen zahtjev za pribavljanje odobrenja Ministarstva komunalne privrede, prostornog uređenja, građenja i zaštite okoliša Kantona Sarajevo za predmetne radove. Po pribavljanju navedenog odobrenja, pristupit će se daljem pribavljanju administrativnih odobrenja, ali uz obavezno poštivanju zakonske regulative koja se odnosi na zaštićena područja cijeneći da je riječ o zaštićenom području Trebević.





IZGRADNJA STADIONA I UREĐENJE STRELIŠTA NA LOKALITETU PAŠINO BRDO

Osluškujući potrebe građana i građanki na području Općine Stari Grad Sarajevo, kroz Strategiju razvoja Općine Stari Grad Sarajevo za period od 2024 do 2027 godine predviđena je izgradnja stadiona, te se pristupilo pronalasku adekvatne lokacije. Cijeneći da je na lokalitet Pašino brdo na snazi Regulacioni plan "Sportsko-rekreacioni centar Pašino brdo-Strelište" ("Službene novine Kantona Sarajevo" broj: 9/00), Općina Stari Grad Sarajevo se obratila Vladi Federacije Bosne i Hercegovine, sa zahtjevom za davanje saglasnosti za uređenje zemljišnog kompleksa "Pašino brdo" u svrhu uspostave sportsko-rekreacione zone shodno naprijed navedenom Regulacionom planu, te je postupajući po navedenom zahtjevu Vlada Federacije Bosne i Hercegovine donijela Odluku kojom se Općini Stari Grad Sarajevo daje saglasnost za uređenje zemljišnog kompleksa "Pašino brdo", ukupne površine 411.380 m², koje je dato Općini Stari Grad Sarajevo za potrebe Društva za zapošljavanje boraca Zelene bereke Sarajevo, u cilju uspostavljanja zelenog terena za fudbal, izgradnju infrastrukture potrebne za formiranje reprezentativne streljanje, te izgradnju sportsko-rekreacione zone, sve u skladu sa Izvodom Regulacionog plana, bez ugrožavanja postojeće infrastrukture, kao i aktivnosti u svrhu stabilizacije terena prije navedenih aktivnosti. Cijeneći naprijed navedenu Odluku, pribavljen je Idejni projekat za izgradnju stadiona, te je isti proslijeđen Zavodu za planiranje razvoja Kantona Sarajevo na mišljenje. Po pribavljanju naprijed navedenog mišljenja pristupit će se postupku izdavanja odobrenja za zahvate u prostoru i daljoj realizaciji ovog projekta.





Također, Društvo za zapošljavanje boraca Zelene Beretke Sarajevo, Općini Stari Grad Sarajevo dostavilo je Idejno rješenje kojim bi se omogućila adekvatna infrastruktura potrebna za formiranje reprezentativne streljane. Na predmetnom lokalitetu dugi niz godina egzistira streljište koje je u funkciji i korišteno je kao teren za praktičnu obuku, ali i za potrebe vojnih vježbi. Teren na kojem se nalazi streljište je neravan sa dosta padova i u više smjerova, te trenutno egzistira sedam boksova koji su u funkciji. Prema dostavljenom Idejnom projektu planirano je preuređenje boksova umjesto dosadašnjih sedam u nizu, u 6 u nizu od kojih bi 3 bila podjeljena na dva boksa u jednom. Također, planirana je izrada drenaže terena, kako površinska, kanalima i rešetkom, tako dubinska drenažnim cijevima, kako bi se efikasno sa površine streljišta odvela oborinska voda. Na naprijed navedeni projekat, pribavljeno je pozitivno mišljenje Zavoda za planiranje razvoja Kantona Sarajevo, te će se pristupiti daljoj proceduri pribavljanja odobrenja za zahvate u prostoru, uz naznaku da je aktom broj: 07-19-663/23 od 24.12.2024. godine, Služba za zajedničke poslove organa i tijela Federacije Bosne i Hercegovine potvrdila da je Odlukom Vlade Federacije Bosne i Hercegovine data saglasnost za uspostavu streljišta na predmetnom lokalitetu. Uzimajući u obzir prostranstvo lokaliteta, neuređenost, a zahtjeve građana za uspostavu sportskog terena, te uređenja streljišta ovaj projekat je jedan od projekata u fokusu u narednom periodu.



REKONSTRUKCIJA I REVITALIZACIJA BAZENA NA BENTBAŠI

Ukoliko možemo dati sebi za pravo da kažemo da postoji konsenzus građana za neki projekat, onda je to definitivno projekat revitalizacije i rekonstrukcije bazena na Bentbaši, na mjestu koje budi uspomene, sjećanje i sjetu na graju, smijeh i druženje svih generacija. Općinsko pravobranilaštvo obratilo se Službi za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje urbanističke saglasnosti za izvođenje radova rekonstrukcije i revitalizacije gradskog bazena Bentbaša.



Cijeneći da je riječ o lokalitetu u obuhvatu zaštićenog područja Bentbaša, upućen je zahtjev za mišljenje Ministarstvu komunalne privrede, prostornog uređenja, građenja i zaštite okoliša Kantona Sarajevo, Zavodu za planiranje razvoja Kantona Sarajevo i Kantonalnom zavodu za zaštitu kulturno-historijskog i prirodnog naslijeđa Sarajevo. Po navedenom zahtjevu su imenovani dostavili akt kojim su uslovili mišljenje Komisije za očuvanje nacionalnih spomenika, te je shodno tome predmetni zahtjev proslijeđen prema Komisiji za očuvanje nacionalnih spomenika Bosne i Hercegovine u svrhu pribavljanja mišljenja/saglasnosti za tražene radove. Po pribavljanju mišljenja Komisije za očuvanje nacionalnih spomenika Bosne i Hercegovine, nastavit će se postupak izdavanja urbanističke saglasnosti za naprijed navedene projekte.



USPOSTAVA HUB-A ZA MLADE PODUZETNIKE NA PODRUČJU OPĆINE STARI GRAD SARAJEVO

Kroz Strategiju razvoja Općine Stari Grad Sarajevo je utvrđen kao jedan od ciljeva jačanje poduzetništva, posebno kada je riječ o mladim ljudima, koji su na početku poslovnog života. Uvažavajući navedeno, Općinsko pravobranilaštvo obratilo se Službi za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje urbanističke saglasnosti za izvođenje radove rekonstrukcije poslovnog prostora u ulici S.H. Muvekita, te je u toku postupak izdavanja urbanističke saglasnosti, nakon što je Federalno ministarstvo prostornog uređenja predmetni zahtjev dostavilo Općini Stari Grad Sarajevo na nadležno rješavanje. Također, urađen je projekat enterijera, odnosno cjelokupnog uređenja. Riječ je o projektu čija je vrijednost oko 1.500.000 konvertibilnih maraka, te predstavlja jedan od projekata koji će se nastaviti u 2025. godini.

Svi naprijed navedeni projekti su zahtjevni i kompleksni projekti, koji iziskuju multidisciplinarni pristup, uz puno poštivanje relevantnih zakonskih i podzakonskih akata, obzirom da ne smijemo zanemariti posebne propise koji se odnose za zaštićena područja, nacionalne spomenike, kao i usložnjene procedure u pogledu nadležnosti. Stoga je riječ o projektima, koji su predviđeni kroz Strategiju razvoja Općine Stari Grad Sarajevo za period 2024 do 2027 godine, te se istim pristupa temeljito uz poštivanje relevantnih zakonskih propisa koji se odnose kako na zahvate u prostoru, tako i na način upravljanja i raspolaganja imovinom.





UREĐENJE LOKALITETA KASARNA "MUSTAFA HAJRULAHOVIĆ TALIJAN"

Kada se spomene Kasarna "Mustafa Hajrulahović Talijan" sam naziv ima posebnu simboliku i težinu, te predstavlja mjesto koje je za starije generacije simbol borbe, a za mlade generacije historija koja se ne smije zaboraviti, ali i prostor gdje mogu zadovoljiti potrebe za sport i rekreaciju. Cijeneći navedeno, a u cilju unaprjeđenja uvjeta života građana i građanki, predmetni lokalitet Općina Stari Grad Sarajevo planira da uredi na način da se građanima/kama ove Općine, Sarajeva, ali i čitave Bosne i Hercegovine, pruži bogatiji kulturni, kulturno-historijski i edukacijski sadržaj. Konkretno, na lokalitetu kasarne „Mustafa Hajrulahović – Talijan“, odnosno u postojećim objektima, Općina Stari Grad Sarajevo u saradnji sa Ministarstvom za boračka pitanja Kantona Sarajevo planira uspostavu muzeja, koji bi, pored naših građana/ki, privukli i turiste iz čitavog svijeta. Također, na prostoru navedene kasarne Općina Stari Grad Sarajevo finansirala bi i izgradnju mobilijara, klupa za sjedenje, šadrvana i dječijih igrališta, čime bi se stvorili uslovi za građane/ke, a naročito djecu, da prigodno koriste predmetni lokalitet. Shodno navedenom pribavljena je saglasnost Vlade Federacije Bosne i Hercegovine za tekuće održavanje Kasarna "Mustafa Hajrulahović Talijan", te je Arhitektonski fakultet Univerziteta u Sarajevu izradio Idejni projekat vanjskog uređenja, na koji je Federalni zavod za zaštitu dao pozitivno mišljenje. U toku je izrada glavnog projekta za vanjsko uređenje, kao i projekta za uspostavu muzeja Armije Republike BiH unutar postojećeg objekta.



Započeti projekti u 2024. godini

IZGRADNJA PRVOG ZIPLINE-A U OPĆINI STARI GRAD SARAJEVO

Tokom 2024. godine urađen je idejni projekat za izgradnju prvog zipline – a u Općini Stari Grad Sarajevo, te se Općinsko pravobranilaštvo obratilo Službi za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje urbanističke saglasnosti za izvođenje radova izgradnje zipline –a, te je postupak u toku.

IZGRADNJA TOALETA NA DARIVI

Tokom 2024. godine urađen je idejni projekat za izgradnju prvog zipline – a u Općini Stari Grad Sarajevo, te se Općinsko pravobranilaštvo obratilo Službi za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje urbanističke saglasnosti za izvođenje radova izgradnje zipline –a, te je postupak u toku.

PODZEMNA GARAŽA TRG AUSTRIJE

U toku je izrada Urbanističkog plana Kantona Sarajevo. Prilikom javne rasprave Općina Stari Grad Sarajevo je poslala prijedlog da se na Trgu Austrije planira izgradnja podzemne garaže. Ta garaža će dati mogućnost građanima za parking mjesta te poboljšati poslovanje JKP OSG.





KASARNA JAJCE I BIJELA TABIJA

Na području Općine Stari Grad Sarajevo, u naselju Vratnik, smještena je Kasarna Safet Hadžić, poznatija kao Kasarna Jajce, koju je Vlada Federacije Bosne i Hercegovine 2020. godine svojom Odlukom dala na privremeno korištenje Gradu Sarajevu („Službene novine Federacije Bosne i Hercegovine“ broj: 29/19). Naime, navedenom Odlukom dato je na privremeno korištenje Gradu Sarajevu na period od 49 godina, kasarna „Jajce“ sagrađena na zemljištu označenom kao k.č. broj 51, površine 8508 m², po kulturi kuća, kućište i dvorište i k.č. broj 52, površine 304, po kulturi kastela, upisane u zk. ul. 55, K.O. SP. Sarajevo – Mahala XCIII, bez naknade. Nadalje, članom 2. navedene Odluke utvrđeno je da se zadužuje Služba za zajedničke poslove organa i tijela Federacije Bosne i Hercegovine da sa Gradom Sarajevo zaključi ugovor o korištenju kojim će se urediti pitanje naknade za komunalne usluge i održavanje infrastrukture, te da pripremi prijedlog teksta ugovora o korištenju kasarne „Jajce“ i dostavi Federalnom pravobranilaštvu na mišljenje.

Kasarna Jajce jedna je od najljepših vojnih, ali i civilnih građevina sagrađenih od strane Austro-ugarske, a graditeljska cjelina Kasarne Jajce sa pratećim objektima od 2009. godine je na listi nacionalnih spomenika Bosne i Hercegovine. Naime, kompleks vojnih objekata Jajce kasarne nalazi se u sklopu starogradske naselja Vratnik, na platou južnog dijela ostataka zidina srednjovjekovnog starog grada Vratnika u Sarajevu, čija je teritorija zaokružena u osmanskome periodu između 1729. i 1816. godine, i nalazi se na istočnom kraju urbanog jezgra Sarajeva. Premda je po svojoj lokaciji, jer se nalazi u starom dijelu Sarajeva, između Bijele i Žute tabije na Vratniku, te svome historijskom značaju izniman potencijal kako prema turistima tako i investitorima ova građevina propada. Brojne vojske su prošle kroz nju, od Austro-Ugarske, preko Jugoslovenske narodne armije, pa sve do Armije Republike BiH i Oružanih snaga BiH, te je od nacionalnog spomenika Bosne i Hercegovine Kasarne Jajce, jedne od najljepših građevina koja je nekada dominantno stražarila nad Sarajevom, danas ostala samo ruševina, koja predstavlja opasnost po sve prolaznike.

Nadalje, na području Općine Stari Grad Sarajevo smješten je Komplex „Bijela Tabija“, koji dominira istočnim ulazom u sarajevsku kotlinu. Istu je Vlada Federacije Bosne i Hercegovine, u skladu sa tačkom III Odluke Vlade FBiH, V broj 739/05 od 15.12.2005. godine i Zaključkom Vlade FBiH, V broj 74/2006 od 09.03.2006. godine, dala na privremeno korištenje Gradu Sarajevu bez naknade, što je regulisano međusobnim sporazumom između Vlade FBiH i Grada Sarajeva, broj 03-02-388-15/06 od 11.04.2006. godine.

Navedenim Sporazumom dato je na privremeno korištenje Gradu Sarajevu Komplex „Bijela Tabija“, sagrađena na zemljištu označenom kao k.č. 3255, upisane u zk. XC/21 k.o. Sarajevo i XC/53 k.o. Sarajevo-mahala (novi premjer), ukupne površine 15.180 m². Na osnovu člana 3. ovog Sporazuma, predstavnici prijašnjeg Federalnog ministarstva odbrane i gradske uprave Grada Sarajeva izvršili su primopredaju o čemu je sačinjen zapisnik, broj: 01-40-4392-1/06 od 07.09.2006. godine.

Bijela Tabija je neizmjereno značajan objekat za Općinu Stari Grad Sarajevo, Grad Sarajevo, ali i Bosnu i Hercegovinu, a ista se nalazi u okviru graditeljske cjeline Stari grad Vratnik koja je proglašena Nacionalnim spomenikom Bosne i Hercegovine 2005. godine, te predstavlja jedan od najprepoznatljivijih simbola grada. Bijela Tabija je omiljeno mjesto za turiste i lokalne stanovnike koji žele istražiti bogatu historiju Sarajeva, a ova srednjovjekovna tvrđava pruža izvanredan uvid u prošlost grada, jedinstven doživljaj i impresivan pogled na okolinu.

Strategijom razvoja Općine Stari Grad Sarajevo za period 2024-2027. godine, planirano je znatno poboljšanje postojeće infrastrukture i povećanje dostupnog kulturno-umjetničkog sadržaja na području naše Općine. Konkretno, na predmetnom lokalitetu Komplexa „Bijela Tabija“, Općina Stari Grad Sarajevo planira postavljanje montažno-demontažnog mobilijara kako bi se dodatno uredio predmetni lokalitet, a što bi služilo za održavanje kulturno-umjetničkih događaja, kao što su koncerti, promocije i razne manifestacije.

Cijeneći naprijed navedeno kao i da je Gradsko vijeće Grada Sarajeva je u povodu razmatranja vijećnikih pitanja i inicijativa, usvojilo Zaključak kojim se „daje saglasnost Gradonačelniku Grada Sarajeva da poduzme potrebno da se upravljanje Jajce kasarnom i Bijelom Tabijom povjeri Općini Stari Grad te da ista zaključi sporazum sa Vladom Federacije Bosne i Hercegovine, kojim će se regulisati međusobna prava i obaveze“, broj: 04-GV-04-1409-1.1/24, Općina Stari Grad Sarajevo je pristupila izradi Studije opravdanosti izvodljivosti projekta raspolaganja kasarnom “Jajce”.



BORBA PROTIV KORUPCIJE I TRANSPARENTNOST U RADU

Općina kao jedinica lokalne samouprave može efikasno funkcionisati isključivo ukoliko uživa i održava povjerenje građana te ukoliko je pružanje usluga i politika u službi građana, dok ista i državni službenici i namještenici, kao i izabrani i imenovani dužnosnici imaju ključnu ulogu u podsticanju i održavanju izgradnje povjerenja i participativnog donošenja odluka imajući u vidu da uživaju određeni stepen autonomije u raspodjeli resursa, a što neminovno vodi ka osiguravanju transparentnog i nekoruptivnog djelovanja. Naime, ključni zadatak koji smo postavili je transparentan rad i politike u službi građana, uz iskorjenjivanje koruptivnih radnji, ali i prventivno djelovanje prema koruptivnim rizicima, koji su svakodnevni izazovi u radu Općine Stari Grad Sarajevo, prevashodno ako se uzme u obzir stanje u kojem se nalazila općinska administracija usljed promjena i krivičnih postupaka koji su u toku.

Problem koji smo detektovali, a što je potvrđeno i preporukama Budžetske revizije za 2022. godinu čije preporuke su bile prioritet za realizaciju, je manjak transparentnosti i manjak javne etike, a time se ugrožavalo pružanje usluga građanima, te dovelo u pitanje univerzalni pristup osnovnim uslugama i održiv lokalni razvoj. Borba protiv korupcije, nije bila samo u fokusu tokom trajanja 2024. godine, ista mora biti dugoročni prioritet Općine Stari Grad Sarajevo, kao jedinice lokalne samouprave, odnosno usklađeno preventivno djelovanje i praćenje rizika od korupcije kao ključni faktori za podsticanje ekonomskog rasta, poboljšanje životnih uslova i izgradnju povjerenja građana u jedinicu lokalne samouprave u kojoj žive, grade svoje domove, zanivaju porodice, te ostvaruju svoja osnovna ljudska prava.





USVOJEN NOVI STATUT OPĆINE STARI GRAD SARAJEVO

Svako zakonito, efikasno i ekonomično djelovanje i rad jedinice lokalne samouprave, kao i svakog drugog nivoa vlasti polazi od pravne legislative, koja je usklađena sa Ustavom Bosne i Hercegovine, Ustavom Federacije Bosne i Hercegovine, Ustavom Kantona, te višim zakonskim propisima, stoga je upotpunosti ispoštovana preporuka revizije „Statut Općine uskladiti s odredbama Zakona o principima lokalne samouprave u FBiH, te preispitati akte kojima se uređuje upravljanje i raspolaganje imovinom i donositi ih u skladu sa odredbama Zakona o principima lokalne samouprave u FBiH“, na način da je usvojen novi Statut Općine Stari Grad Sarajevo, kao najviši pravni akt, usklađen sa svim relevantnim zakonskim i podzakonskim aktima, prevashodno Zakonom o principima lokalne samouprave Federacije Bosne i Hercegovine, iako je obaveza usklađivanja utvrđena navedenim Zakonom u roku od 12 mjeseci od dana stupanja na snagu, odnosno 2007. godine, uz realizaciju navedene preporuke i u dijelu koji se odnosi na upravljanje i raspolaganje imovinom Općine Stari Grad Sarajevo.

Naime, cijeneći odredbe člana 13. Zakona o principima lokalne samouprave („Službene novine Federacije Bosne i Hercegovine“ broj: 49/06 i 51/09), kojim je utvrđeno da Općinsko vijeće u okviru svojih nadležnosti donosi odluke o upravljanju i raspolaganju imovinom jedinice lokalne samouprave, donesena je nova Odluka o privremenom smještaju stambeno ugroženih lica u stanju socijalne potrebe sa područja Općine Stari Grad Sarajevo („Službene novine Kantona Sarajevo“ broj: 5/24), a koja je prethodno bila donesena od strane Općinskog načelnika, te nije predviđala javni poziv, a što je apriori koruptivni rizik, te je također izmjenjena Odluka o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo („Službene novine Kantona Sarajevo“ broj 2/20-prečišćeni tekst, 7/23, 21/23, 19/24 i 32/24), između ostalog, na način da se svaki poslovni prostor unosi u Registar poslovnih prostora Općine Stari Grad Sarajevo odlukom Općinskog vijeća, a što prethodno nije bio slučaj, te je na taj način Općinsko vijeće Stari Grad Sarajevo uključeno u svakom segmentu upravljanja poslovnim prostorima kojima raspolaže Općina Stari Grad Sarajevo. Također, Odluku o korištenju javne garaže Općine, koju je donio Općinski načelnik, a što nije u skladu s odredbama Zakona o principima lokalne samouprave u FBiH kojim je utvrđeno da je Vijeće organ odlučivanja i donosi odluke o upravljanju i raspolaganju imovinom jedinice lokalne samouprave, izrađena je nova odluka i donesena od strane Općinskog vijeća Stari Grad Sarajevo.

UPRAVLJANJE JAVNIM POVRŠINAMA

Nadalje, u pogledu dijela preporuka, koje se odnose na upravljanje imovinom, neminovno je da prioritarno mjesto imaju javne površine, te je prije svega za 2024. godinu usvojen Plan privremenog zauzimanja javnih površina za 2024. godinu, a koji je usvojilo Općinsko vijeće Stari Grad Sarajevo shodno odredbama Zakona o principima lokalne samouprave („Službene novine Federacije Bosne i Hercegovine“ broj: 49/06 i 51/09), te je donesena nova Odluka i privremenom korištenju javnih površina na području Općine Stari Grad Sarajevo („Službene novine Kantona Sarajevo“ broj: 14/24, 22/24 i 25/24), kojom je povećana transparentnost prilikom dodjele lokacija za privremeno korištenje javnih površina za slobodnostojeće bašte, rashladne uređaje, displeje površine do 2 m², na način da je za dodjelu predviđen javni poziv, te komisija koja razmatra prijave i predlaže Općinskom načelniku donošenje odluke o dodjeli. Također, analizirajući važeću zakonsku regulativu uputili smo prijedlog prema Skupštini Kantona Sarajevo i Vladi Kantona Sarajevo za donošenje novog zakona kojim će biti uređeno pitanje privremenog korištenja javnih površina, cijeneći da je Zakon o privremenom korištenju javnih površina na području Kantona Sarajevo („Službene novine Kantona Sarajevo“ broj: 20/04, 26/12, 32/12 – ispravka i 24/15) donijela Skupština Kantona Sarajevo na sjednici održanoj 2. septembra 2004. godine, dakle prije skoro punih dvadeset godina.

Pored same činjenice da je od donošenja ovog Zakona proteklo skoro punih dvadeset godina, te da za određena pitanja koja su normirana njegovim odredbama, isti zakonodavac (Skupština Kantona Sarajevo) je donošenjem novih zakona regulisao na drugačiji način, predložili smo da se donese novi zakon kojim bi se uredilo pitanje privremenog korištenja javnih površina.





OSNIVANJE JKP "OPĆINE STARI GRAD" D.O.O.

Posebno neuređena oblast, a koja se tiče imovine Općine Stari Grad Sarajevo bila je korištenje i upravljanje parking prostorima, a što potvrđuje i preporuka revizije „Preispitati odredbe zaključenih ugovora o zakupu parking prostora iz 6. 7. 8.* 9. 10. 11. 12. ranijeg perioda, te poduzeti aktivnosti u cilju ostvarivanja prihoda, zaštite imovine Općine i poštivanja principa utvrđenih Zakonom o budžetima u FBiH.“ Cijeneći naprijed navedeno, relevantne zakonske i podzakonske odredbe koje se odnose na pružanje komunalnih usluga kroz parking prostore, te odredbe Zakona o privrednim društvima („Službene novine Federacije Bosne i Hercegovine“ broj: 81/15), Zakona o javnim preduzećima Federacije Bosne i Hercegovine („Službene novine Federacije Bosne i Hercegovine“ broj: 8/05, 81/08. 22/09 i 109/12), uz prethodnu izradu Studije opravdanosti od strane Ekonomskog instituta Općinsko vijeće Stari Grad Sarajevo je osnovala Javno komunalno preduzeće „Općine Stari Grad“ d.o.o. u februaru 2024. godine, te je donijelo Odluku o organizaciji sistema parkiranja na javnim parking površinama Općine Stari Grad Sarajevo („Službene novine Kantona Sarajevo“ broj: 24/24).

Cijeneći odredbe naprijed navedene Odluke, Općinsko vijeće je donijelo Odluku o utvrđivanju davaoca komunalne usluge na području Općine Stari Grad Sarajevo, kojom je utvrđeno da je JKP „OSG“ d.o.o. davalac komunalne usluge u pogledu dodjele parking prostora na području Općine Stari Grad Sarajevo. Shodno navedenom izrađen je Elaborat o pojedinačnim parking mjestima i prostorima na području Općine Stari Grad Sarajevo, po kojem su donošene pojedinačne odluke za dodjelu parking mjesta JKP „OSG“ d.o.o. Naime, u prethodnom periodu dodjelom tri parking prostora u zakup neposrednom pogodbom bez javnog oglašavanja, površine 2.714 m² (mjesečna naknada 18.402 KM), nije ispoštovan princip transparentnosti i ekonomičnosti kako je utvrđeno Zakonom o budžetima u Federaciji Bosne i Hercegovine, a zbog istog, kako se to konstatuje i u izvještaju Budžetske revizije, nije osigurana pravična i aktivna konkurencija, a što je imalo uticaj na visinu ostvarenih prihoda Općine. Nadalje, cijeneći navedeno, kao i da je citiranim postupanjima povrijeđen Zakonom o principima lokalne samouprave, kojim je utvrđeno da se imovinom Općine treba raspolagati u interesu lokalnog stanovništva i s pažnjom dobrog domaćina, te da su dva ugovora o zakupu parking prostora zaključena na period od četiri godine, što nije u skladu sa Zakonom o privremenom korištenju javnih površina Kantona Sarajevo postupljeno je na naprijed navedeni način, odnosno osnovano Javno komunalno preduzeće, te donesen je niz odluka kojima se uređuje predmetna oblast, uz naznaku da je sve odluke donijelo Općinsko vijeće, uz prethodno pribavljeno mišljenje Pravobranilaštva Općine Stari Grad Sarajevo.



TRANSPARENTNO RASPOLAGANJE FINANSIJSKIM SREDSTVIMA IZ BUDŽETA OPĆINE

Osim upravljanja i raspolaganja imovinom, posebnu pažnju smo posvetili zakonitom, ekonomičnom i transparentnom utrošku sredstava iz Budžeta Općine Stari Grad Sarajevo, kao i realizaciji preporukama revizije, koje glase: „Definisati kriterije za raspodjelu tekućih transfera neprofitnim organizacijama koji se dodjeljuju po odluci načelnika u cilju osiguranja principa transparentnosti kod dodjele sredstava. Utvrditi način i kriterije za raspodjelu sredstava kapitalnih transfera neprofitnim organizacijama kako bi se osigurao princip transparentnosti u skladu sa Zakonom o budžetima u FBiH.“

Cijeneći naprijed navedeno, kao i relevantne zakonske i podzakonske akte, Općinsko vijeće Stari Grad Sarajevo je donijelo niz odluka, kojima su utvrđeni kriteriji i uslovi za dodjelu sredstava iz Budžeta Općine Stari Grad Sarajevo, prevashodno akcentirajući objavu javnog poziva, koji je otvoren tokom čitave godine, kao i obavezu pravdanja dodjeljenih sredstava, uz imenovanje Komisije čiji je zadatak da prati izvještavanje i pravdanje dodjeljenih sredstava tokom tekuće godine, te da dostavi izvještaj Općinskom vijeću Stari Grad Sarajevo.

Shodno navedenom, izdvojili bi Odluku o kriterijima i postupku dodjele sredstava iz Budžeta Općine Stari Grad Sarajevo za projekte i rad neprofitnih udruženja i fondacija („Službene novine Kantona Sarajevo“ broj: 10/24), Odluku o uslovima i postupku prihvatanja pokroviteljstva Općinskog načelnika Općine Stari Grad Sarajevo („Službene novine Kantona Sarajevo“ broj: 10/24) i Odluku o kriterijima i postupku dodjele sredstava iz Budžeta Općine Stari Grad Sarajevo za projekte elektronskih medija („Službene novine Kantona Sarajevo“ broj: 14/24), a koje su izmjenjene u decembru 2024. godine, u dijelu da je povećan stepen transparentnosti, u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 37/24).

Cijeneći odgovornost koju imamo prema resursima Općine, ali i građanima, utvrđeno je da ukoliko se ne opravdaju sredstva predviđena naprijed navedenim odlukama, podnosilac zahtjeva je obavezan finansijska sredstva vratiti u roku od 30 (trideset) dana, u protivnom će se pokrenuti postupak pred nadležnim sudom putem Pravobranilaštva Općine Stari Grad Sarajevo, dok isti neće imati pravo na dodjelu sredstava iz Budžeta Općine narednih 5 (pet) godina.

Stavljajući prioritet u djelovanju na transparentnosti i sprječavanju koruptivnih djelovanja nismo zanemarili dodjelu sredstava socijalno ugroženim kategorijama stanovništva na području Općine Stari Grad Sarajevo, te smo pažnju usmjerili na uspostavljanje sistema da sva davanja iz Budžeta budu pod jednakim uvjetima za sve, kako bi se spriječilo samovoljno odlučivanje ili netransparentno davanje prilika za ostavrivanje prava za dodjelu sredstava iz Budžeta Općine Stari Grad Sarajevo.

Cijeneći navedenom, posebno ističemo Pravilnik o sanaciji stambenih jedinica socijalno ugroženih kategorija stanovništva na području Općine Stari Grad Sarajevo („Službene novine Kantona Sarajevo“ broj: 5/24), kojim je definisana procedura dodjele sredstava u svrhu sanacije stambenih jedinica, te na taj način smo usmjerili značajan dio Budžeta u svrhu unapređenja kvaliteta života stanovništva u pogledu stambenog zbrinjavanja.

Nadalje, insistirajući na principu transparentnosti i jednakih prilika za sve, doneseni su normativni akti kao osnov za društveno odgovorne politike, odnosno osiguravanje sredstava za liječenje, jednokratne novčane pomoći, dodjelu ogrjeva, dodjelu pomoći za vantjelesnu oplodnju, pomoć oboljelim od celijakije i slično. Cijeneći navedeno izdvajamo sljedeće akte: Pravilnik o ostvarivanju prava na jednokratnu novčanu pomoć lica u stanju socijalne potrebe, Pravilnik o ostvarivanju oprava na jedokratnu novčanu pomoć oboljelim od celijakije i Pravilnik o dodjeli novčanih sredstava za sufinansiranje troškova medicinski podpomognute oplodnje.





TRANSPARENTNO UREĐENJE POSTUPKA DODJELE SREDSTAVA ZA MLADE

Značajan dio Budžeta Općine Stari Grad Sarajevo usmjeren je prema mladima za nagrađivanje ekselentnosti u radu, ali i za poboljšanje uvjeta za sportiste na području Općine Stari Grad Sarajevo, nezaboravljajući ni u jednom momentu značaj inkluzije, posebno za djecu sa poteškoćama u razvoju, ali i djecu bez roditeljskog staranja, uz puno poštivanje principa transparentnosti, kako bi svi imali priliku pod jednakim uvjetima da ostvare prava, stoga u tom smjeru izdvajamo sljedeće akte koje je usvojilo Općinsko vijeće Stari Grad Sarajevo:

Pravilnik o stipendiranju nadarenih učenika srednjih škola i studenata na području Općine Stari Grad Sarajevo („Službene novine Kantona Sarajevo“, broj: 32/24), Pravilnik o stipendiranju učenika/šegрта iz oblasti deficitarnih zanata-obrta/zanimanja („Službene novine Kantona Sarajevo“, broj: 32/24), Pravilnik o stipendiranju učenika i studenata bez roditeljskog staranja na području Općine Stari Grad Sarajevo („Službene novine Kantona Sarajevo“, broj: 32/24), Pravilnika o organizovanju sportskih liga i turnira učenika osnovnih škola na području Općine Stari Grad Sarajevo („Službene novine Kantona Sarajevo“, broj: 32/24), Pravilnik o kriterijima i načinu dodjele bespovratnih finansijskih sredstava namijenjenih mladima na području Općine Stari Grad Sarajevo za refundiranje dijela troškova za polaganje vozačkog ispita „B“ kategorije („Službene novine Kantona Sarajevo“, broj: 14/24), Pravilnik o nagrađivanju učenika osnovnih i srednjih škola za postignute rezultate iz oblasti obrazovanja, nauke, tehnike, kulture i sporta i studenata dobitnika najvećih priznanja Univerziteta u Sarajevu „Zlatna i Srebrna značka“ („Službene novine Kantona Sarajevo“, broj: 14/24), Pravilnik o dodjeli novčane pomoći za redovne učenike osnovnih i srednjih škola koji su u stanju socijalne potrebe („Službene novine Kantona Sarajevo“, broj: 23/24 i 31/24) i Pravilnik o finansiranju/sufinansiranju razvoja sportista sa područja Općine Stari Grad Sarajevo.

Posebno naglašavamo, zapravo s ponosom ističemo da je po prvi put donesen Pravilnik o stipendiranju učenika i studenata bez roditeljskog staranja na području Općine Stari Grad Sarajevo, te prepoznata osjetljivost ove kategorije. Također, organizacija liga osnovnih škola po prvi put se organizovala na osnovu Pravilnika Općinskog vijeća i uz objavljivanje javnog poziva.

TRANSPARENTNA DODJELA PODSTICAJA U PRIVREDI

Uvažavajući princip transparentnosti svi pravilnici po osnovu kojih se vršila dodjela podsticaja u privredi, a koji su doneseni od strane Općinskog načelnika su ponovno izrađeni i predloženi od strane Općinskog načelnika Općinskom vijeću na usvajanje, a sve u cilju poštivanja Zakona o principima lokalne samouprave.

USVAJANJE GODIŠNJIH PLANOVA

U setu dokumenata koji su donose su i programi kojima se operativno razrađuju prioriteti koji se odnose na radove i investicije, u cilju realizacije preporuke revizije: „Potrebno je donijeti strategiju razvoja lokalnih cesta, srednjoročni program održavanja i zaštite i program rekonstrukcije, izgradnje i obnove za lokane ceste i godišnji plan i program održavanja i zaštite i program rekonstrukcije, izgradnje i obnove javnih cesta, u skladu sa Zakonom o cestama u FBiH.“ Cijeneći naprijed navedeno, donesen je Godišnji plan i program održavanja i zaštite, kao i program rekonstrukcije, izgradnje i obnove saobraćajnica čiji je upravitelj Općina Stari Grad Sarajevo, kao i Program prioriternih projekata iz investicione i komunalne oblasti na području Općine Stari Grad Sarajevo, te je na taj način izmjenjen način izrade Budžeta, u kojem je u prethodnim godinama bila praksa navođenje tačnih naziva ulica, stepeništa i podzida, koji su planirani, a što nije bilo u skladu sa relevantnim zakonskim i podzakonskim oblastima kojima se uređuje način izrade i donošenja Budžeta.



PREVENTIVNO DJELOVANJE NA KORUPTIVNE RIZIKE U POSTUPCIMA JAVNIH NABAVKI

Jedan od najučestalijih koruptivnih rizika u svim organima uprave bez sumnje su procesi javnih nabavki unutar organa, gdje je ključno planiranje i transparentnost u svrhu sprječavanja koruptivnog djelovanja. Ako se osvrnemo u prethodnim godinama, a što je potvrdila i revizija kroz izvještaj može se konstatovati da su nabavke provođene netransparentno, da su primjenjivani postupci javne nabavke koji nisu transparentni, uz naznaku da nije bilo osnova ni da isti primjenjuju zbog predmetne vrijednosti, a što revizija konstatuje „Također, navedeno nije u skladu sa Pravilnikom o direktnom sporazumu, kojim je utvrđeno da se postupak direktnog sporazuma može provesti kada je procijenjena vrijednost istovrsnih roba usluga ili radova na godišnjem nivou jednaka ili manja od 6.000 KM, kao i da ugovorni organ može tokom jedne godine za isti predmet nabavke potrošiti do 6.000 KM.“

Cijeneći naprijed navedeno, kao i preporuku revizije „Potrebno je da plan javnih nabavki sadrži podatke o svim postupcima koji se planiraju provesti, zahtijevati pojašnjenja neprirodno niskih ponuda i primjenjivati odgovarajuću vrstu postupka u skladu sa Zakonom o javnim nabavkama, te osigurati dosljednu primjenu zaključenih ugovora u dijelu koji se odnosi na poštovanje rokova izvođenja radova“, izrađen je i donesen plan nabavki shodno relevantnim zakonskim i podzakonskim aktima, te je kroz osnivanje službi osnovan poseban odsjek za javne nabavke, a što prethodnih godina nije bio slučaj, nego je vanorganizaciono bio postavljen jedan državni službenik, te je poslove obavljala komisija za javne nabavke. Uspostavljeni su mehanizmi kontrole, te se sve nabavke planiraju, provode se zakonom predviđeni postupci, te će se u narednom periodu posebna pažnja posvetiti kako bi se dodatno unaprijedio rad u ovom segmentu.

TRANSPARENTNOST PRILIKOM STICANJA PRVOG RADNOG ISKUSTVA BEZ ZASNIVANJA RADNOG ODNOSA



U cilju postizanja transparentnosti, ali i davanja prilike mladim ljudima za sticanje prvog radnog iskustva u struci, donesen je Pravilnik o uslovima i postupku izbora i prijema lica na stručno osposobljavanje bez zasnivanja radnog odnosa u jedinstveni organ uprave Općine Stari Grad Sarajevo, te se po prvi put izbor kandidata za stručno osposobljavanje bez zasnivanja radnog odnosa provodio putem javnog poziva, te smo ponosni da smo dali priliku pod jednakim uvjetima svim mladim ljudima na području Općine Stari Grad Sarajevo.

OSNIVANJE UREDA ZA INTERNU REVIZIJU

U cilju nastavka rada u smjeru u kojem smo postavili ciljeve, a to je zakonito, efikasno i ekonomično djelovanje i rad u cilju ostvarivanja prava građana, realizovane su preporuke revizije: „Uspostaviti jedinicu interne revizije u skladu sa Zakonom o internoj reviziji u javnom sektoru u FBiH. Za obavljanje sistematizovanih poslova, utvrđenih pravilnicima o unutrašnjoj organizaciji, izvršioce angažovati shodno Zakonu o državnoj službi u Kantonu Sarajevo i Zakonu o namještenicima u organima državne službe u FBiH. Pravilnik o unutrašnjoj organizaciji službi u Općini Stari Grad Sarajevo uskladiti sa Pravilnikom o kriterijima za uspostavljanje jedinice za internu reviziju u javnom sektoru u FBiH i Pravilnikom o uslovima za obavljanje poslova interne revizije u javnom sektoru u dijelu potrebnih uslova za postavljanje rukovodioca i internog revizora.“

Naime, cijeneći naprijed navedene preporuke, zakonske i podzakonske akte, ali i sudsku praksu Općinsko vijeće Stari Grad Sarajevo je donijelo Odluku o osnivanju i djelokrugu rada službi Općine Stari Grad Sarajevo, po osnovu koje je donesen Pravilnik o organizaciji i sistematizaciji službi Općine Stari Grad Sarajevo. Naime, navedenom Odlukom, osnovana je posebna služba Ured za reviziju, te je uspostavljen sistem interne revizije, kao bitan preventivni faktor u postupku detektovanja koruptivnih rizika i preventivnog djelovanja. Angažovanje izvršioce provodi se isključivo prema relevantnim zakonskim propisima, te se odstupilo od prethodne prakse, ali i prakse u brojnim organima uprave, a to je angažovanje lica po osnovu ugovora o djelu za poslove koji su sistematizovani i koji su konstanta ili zahtjevaju kontinuitet.



FISKALNA ODGOVORNOST I VRAĆANJE DUGOVA

U cilju postizanja zakonitog djelovanja i rada, kao prioritet smo postavili izvršenje sudskih presuda, kao i poštivanje sporazuma sa Sindikalnom organizacijom Općine Stari Grad Sarajevo, ali i vraćanju kreditnih zaduženja iz prethodnih godina, te su u toku 2024. godine izdvojena sredstva na način kako slijedi:

- Zatezne kamate po svim presudama u iznosu od 81.822,02 KM
- Troškovi postupka po presudama u iznosu od 55.410,32 KM
- Kamate na odobreni kredit kod Saudijskog fonda dvije rate u iznosu od 272.815,52 KM
- Otplata glavnog duga kredita kod Saudijskog fonda ukupno za dvije rate u iznosu od 718.650,00 KM
- Ostali povrati po presudama, a koji su se odnosili na nezakonito razrješenje zamjenika pravobranioca u iznosu od 316.796,38 KM
- Ostali povrati na ime razlike toplog obroka i regresa uposlenici u iznosu od 30.088,02 KM shodno sporazumu sa Sindikalnom organizacijom Općine Stari Grad Sarajevo

Također, u toku 2024. godine, doneseno je rješenje federalnog inspektora civilne zaštite, na ime obaveze povrata nenamjenski utrošenih sredstava u iznosu od 98.259,42 KM.





SARADNJA SA SINDIKATOM OPĆINE STARI GRAD SARAJEVO

Tokom 2025. godine intenzivno se radilo na uspostavljanju uspješne saradnje sa Sindikatom Općine Stari Grad Sarajevo, te jačanju prava radnika, koja su u prethodnom periodu narušena, te vraćanja dugova prema istim. Općinski načelnik započeo je proces realizacije sporazuma koji je potpisan još 2013. godine, a koji nije realizovan. Ovaj sporazum podrazumijeva isplatu razlike za topli obrok i regres koji nije bio isplaćen za državne službenike i namještenike koji navedeno pravo nisu ostvarili u sudskom postupku. Sve presude koje su zaprimljene, a kojima su okončani sporovi vezani za prava radnika, realizirane su. One su se odnosile na neisplaćene razlike za topli obrok i regres, kao i na pojedina nezakonita razrješenja usljed kojih nisu isplaćivane plate i doprinosi. Time je izdvojeno blizu 500.000 KM iz budžeta općine.

Tokom 2024. godine na izletištu Popov gaj, u organizaciji Sindikalne organizacije Općine Stari Grad, upriličeno je druženje članova sindikata s načelnikom Irfanom Čengićem, predsjedavajućim Seidom Škaljićem i vijećnicima Općinskog vijeća. Ovo druženje okupilo je oko stotinjak članova sindikata sa svojim porodicama. Tokom druženja, predsjednica sindikata Amela Čimpo, istakla je izuzetnu i veoma uspješnu saradnju sa Općinskim načelnikom, te mu je uručila zahvalnicu za njegovu posvećenost uposlenicima i korektnu saradnju u prethodnim dogovorima.

Zahvalnica je i rezultat dogovora o povećanju plata svim državnim službenicima i namještenicima, što je odlučeno uzimajući u obzir rast cijena na tržištu i troškove života, a pratila ju je i isplata jednokratne novčane pomoći. Da se oslušuju i prate zahtjevi radnika, govori i činjenica da je uvedeno "klizno" radno vrijeme, kako bi se efikasnije uskladile radne i privatne obaveze.



USVAJANJE STRATEGIJE RAZVOJA I STRATEGIJE PREMA MLADIMA OPĆINE STARI GRAD SARAJEVO

Kako se ne bi desilo da budemo fokusirani samo na jednu godinu, bez sistemskog planiranja dugoročnih ciljeva i ideja, uz prethodno osluškivanje zahtjeva i potreba građana, cijeneći da jedinica lokalne samouprave treba da je na usluzi građanima, Općinsko vijeće Stari Grad Sarajevo je usvojilo Odluku o usvajanju „Strategije razvoja Općine Stari Grad Sarajevo za period 2024-2027. godine“, kojom su utvrđeni ciljevi i projekti za navedeni period. Imajući u vidu da na historiji učimo, a da budućnost gradimo i da je to na mladima, Općinsko vijeće Stari Grad Sarajevo je usvojilo Odluku o usvajanju „Strategije prema mladima Općine Stari Grad Sarajevo za period 2024-2028. godina“.



Naprijed navedeno je samo kratki presjek aktivnosti, koje su poduzete u cilju realizacije preporuka budžetske revizije, ali i preveniranju koruptivnih rizika, te postizanju zakonitog i transparentnog djelovanja, a što pratimo i kroz Plan integriteta Općine Stari Grad Sarajevo, a sve u cilju vraćanja povjerenja građana u Općinu Stari Grad Sarajevo, a na kojem putu nas ne mogu zaustaviti, pa ni usporiti ni svakodnevne prijetnje s kojima se susrećemo u radu, a što je i dokaz da i eksplozivna naprava na porodičnu kuću Općinskog načelnika nije usporila borbu protiv korupcije i sprječavanje bogaćenja pojedinaca i preferiranja istih na štetu drugih građana. Svaki građanin zaslužuje jednaku pažnju, priliku i pod istim uslovima u skladu sa zakonskim i podzakonskim pravima da ostvaruje prava i da se osjeća sigurno na općini na kojoj živi.

STRATEGIJA RAZVOJA

OPĆINE STARI GRAD SARAJEVO 2024.-2027



Kreiranje povoljnog poslovnog okruženja

- Unaprjeđenje efikasnosti administrativnih procedura i promocija lokalne privrede
- Podrška razvoju poduzetničke infrastrukture
- Kvalitetno upravljanje prostornim resursima i imovinom općine

Jačanje konkurentnosti poslovnih subjekata i sistema zapošljavanja

- Podrška tehnološkoj modernizaciji, usvajanju standarda kvaliteta, digitalizaciji poslovanja i većoj inovativnosti poslovnih subjekata
- Poticaj razvoju poljoprivrede
- Aktiviranje dugoročno nezaposlenih osoba i podrška zapošljavanju sa okusom na osobe sa otežanim pristupom tržištu rada

Unaprijediti razvoj i promociju turizma

- Unaprijediti turističku ponudu i infrastrukturu za razvoj turizma
- Unaprjeđenje ambijenta za razvoj preduzetništva i razvoj ljudskih kapaciteta u turizmu

Unaprijediti razvoj i promociju turizma

- UNAPREĐENJE SPORTSKO-REKREATIVNE INFRASTRUKTURE
- PODRŠKA BAVLJENJU TAKMIČARSKIM I REKREATIVNIM SPORTOM
- RAZVOJ KULTURNIH SADRŽAJA

Unaprijediti dostupnost obrazovanja za sve učesnike

- PODRŠKA INTEGRACIJI OSI
- POBOLJŠATI KVALITET USLOVA PROSTORNIH I MATERIJALNIH USLOVA OBRAZOVNIH USTANOVA
- UNAPRIJEDITI SIGURNOST I ZDRAVLJE U OBRAZOVNIM USTANOVAMA
- PODRŠKA KONTINUIRANOM RADU PRODUŽENIH BORAVAKA U OSNOVNIM ŠKOLAMA NA PODRUČJU OPĆINE

Unaprijediti konkurentnost privrede i povećati zaposlenost.

Odgovorno upravljati infrastrukturom, prostorom i okolišem.

- USVOJENI PLANSKI DOKUMENT U OBLASTI ZAŠTITE OKOLIŠA
- IZRADA PROSTORNO-PLANSKE DOKUMENTACIJE I RACIONALNO UPRAVLJANJE PROSTOROM
- POVEĆANA SVIJEŠT GRAĐANA O ZAŠTITI OKOLIŠA

Doprinijeti osnaženju položaja mladih

- UNAPRJEĐENJE POLOŽAJA MLADIH
- PODRŠKA MLADIM PORODICAMA

Kreirati prosperitetan i inkluzivan društveni razvoj.

Osigurati zaštitu okoliša, upravljanje otpadom, sanaciju klizišta i riječnih korita

- UNAPRJEĐENJE SAOBRAĆAJNE I PJEŠAČKE INFRASTRUKTURE
- UNAPRIJEDITI KAPACITETE ZA SAOBRAĆAJ U MIROVANJU POVEĆATI STEPEN SIGURNOSTI SVIH UČESNIKA U SAOBRAĆAJU
- IZGRADNJA I ODRŽAVANJE ZELENIH POVRŠINA I ZAŠTIĆENIH PODRUČJA
- PODRŠKA RAZVOJU SISTEMA PRIKUPLJANJA OTPADA
- SANACIJA KLIZIŠTA, IZGRADNJA ZIDOVA, ODRŽAVANJE UREĐENJE RIJEČNIH KORITA
- ZAŠTITA VODNIH RESURSA

Obezbjediti okolinsku politiku i praćenje stanja u oblasti zaštite okoliša

- UNAPRJEĐENJE ZDRAVIH STILOVA ŽIVOTA
- UNAPRJEĐENJE POLOŽAJA OSOBA TREĆE ŽIVOTNE DOBI
- UNAPRJEĐENJE SOCIJALNE ZAŠTITE I SOCIJALNE UKLJUČENOSTI

Unaprijediti zaštitu zdravlja stanovništva, socijalne usluge i inkluzivan društveni razvoj

- UNAPRJEĐENJE ZDRAVIH STILOVA ŽIVOTA
- UNAPRJEĐENJE POLOŽAJA OSOBA TREĆE ŽIVOTNE DOBI
- UNAPRJEĐENJE SOCIJALNE ZAŠTITE I SOCIJALNE UKLJUČENOSTI

Unaprijediti komunalnu infrastrukturu i energetska efikasnost

- UNAPRJEĐENJE VODOVodne I KANALIZACIONE MREŽE
- UNAPRJEĐENJE SISTEMA LED RASVJETE
- UNAPRJEĐENJE ENERGIJSKE EFIKASNOSTI

Unaprijediti saobraćajnu infrastrukturu i sigurnost učesnika

- UNAPRJEĐENJE SAOBRAĆAJNE I PJEŠAČKE INFRASTRUKTURE
- UNAPRIJEDITI KAPACITETE ZA SAOBRAĆAJ U MIROVANJU POVEĆATI STEPEN SIGURNOSTI SVIH UČESNIKA U SAOBRAĆAJU

PRIVREDA I TURIZAM

Turizam ima izuzetno važnu ulogu u današnjoj privredi, a Stari Grad Sarajevo, kao jezgro tradicije i kulture, predstavlja jednu od najdinamičnijih i najznačajnijih destinacija u Bosni i Hercegovini. Naime, Općina Stari Grad Sarajevo, smještena je u srcu glavnog grada, te je poznata po svojoj bogatoj historiji, kulturnoj baštini, ali i kao centar različitih privrednih aktivnosti, te je kao takva iznimno interesantna i atraktivna za turiste širom svijeta.

Da je turizam u Općini Stari Grad Sarajevo u 2024. godini, postao strateška grana privrede Starog Grada potvrđuju impresivni rezultati i rekordne brojke u ovoj oblasti, ali i nedavna objava prestižnog magazina National Geographic Travel, koji je Sarajevo proglasio najboljim turističkim odredištem za 2025. godinu. Ovo priznanje dolazi kao rezultat kontinuiranog ulaganja u turizam i turističke sadržaje, kao i napora da se grad učini atraktivnijim za posjetitelje iz cijelog svijeta.



REKORDNI REZULTATI TOKOM NOVOGODIŠNJIH PRAZNIKA

Kao rezultat kvalitetne strategije i saradnje sa Turističkom zajednicom Kantona Sarajevo, Sarajevo je tokom novogodišnjih praznika oborilo rekorde u broju dolazaka i noćenja turista. Prema podacima Turističke zajednice Kantona Sarajevo, u periodu od 29. decembra 2024. godine do 2. januara 2025. godine, broj turista porastao je za 10%, dok je broj noćenja zabilježio rast od 8% u odnosu na prethodnu godinu. Kao dodatna motivacija za posjetioce, Turistička zajednica Kantona Sarajevo organizovala je tri besplatna koncerta na otvorenom u periodu od 2. do 4. januara 2025. godine. Ova inicijativa imala je za cilj ne samo privući više turista, već i produžiti njihov boravak. U tom periodu Sarajevo je zabilježilo čak 30% više posjetilaca i 23% više noćenja nego godinu dana ranije.



POVEĆANJE DUŽINE BORAVKA TURISTA

Zanimljivo je da je tokom novogodišnjih praznika zabilježen i rast dužine boravka turista. Sa pet noći besplatnih koncerata na otvorenom, Sarajevo je privuklo posjetitelje koji su ostali duže nego inače, sa prosječnim boravkom od 2,2 dana. Ovaj pomak u produžetku boravka predstavlja značajan iskorak u razvoju turističke ponude, jer dugoročni boravak turista doprinosi jačanju lokalne ekonomije.



RAST TURISTIČKOG PROMETA I SMJEŠTAJNIH KAPACITETA

U 2024. godini, turistički promet u Sarajevu je značajno porastao. Povećao se broj zemalja iz kojih dolaze turisti, a dužina boravka je produžena, što je direktno uticalo na rast prihoda u sektoru turizma. Povećanje smještajnih kapaciteta rezultat je izdavanja rekordnog broja rješenja o registraciji smještajnih objekata.






PODRŠKA OPĆINE I TURISTIČKE ZAJEDNICE

Općina Stari Grad je, kao i svake godine, izdvojila je rekordna sredstva za razvoj turizma. Osim toga, kontinuirano podržava organizaciju različitih manifestacija i aktivnosti koje čine grad živim i atraktivnim za posjetitelje. Saradnja sa Turističkom zajednicom Kantona Sarajevo, te ulaganje u infrastrukturu i promociju, ključ su uspjeha u ovoj oblasti.

U 2025. godini, Sarajevo nastavlja da raste kao turistička destinacija. Uz strateški pristup i kontinuirani razvoj, očekuje se da će broj turista u Sarajevu i dalje rasti, a grad će nastaviti da bude prepoznat kao jedno od najatraktivnijih odredišta na Balkanu i šire.





PODRŠKA I ORGANIZACIJA RAZLIČITIH MANIFESTACIJA U STAROM GRADU U CILJU POBOLJŠANJA TURISTIČKE PONUDE

Općina Stari Grad kontinuirano podržava i organizira značajne kulturne manifestacije koje obogaćuju turističku ponudu grada. Kroz brojne festivale i događaje, Stari Grad ne samo da oživljava svoju kulturnu baštinu, već i privlači posjetitelje iz cijelog svijeta. Manifestacije poput "Bašćaršijskih noći", Sarajevo Film Festivala, "Summertime Madness Food Festivala" i "Ljeto za pamćenje" čine Stari Grad nezaobilaznim odredištem za ljubitelje kulture, umjetnosti i zabave.



"SUMMERTIME MADNESS FOOD FESTIVAL" ODRŽAN NA TRGU OSLOBOĐENJA

Ljeto u Starom Gradu bilo je obogaćeno "Summertime Madness Food Festivalom", održanim na Trgu Oslobođenja. Ovaj desetodnevni festival spojio je vrhunske gastronomske ponude sa muzičkim nastupima, a sve u okviru jedinstvene atmosfere Starog Grada. Posjetitelji su uživali u različitim aktivnostima, uključujući degustacije lokalnih specijaliteta i zabavne sadržaje za djecu. Općina Stari Grad ponosno ističe ovaj festival kao primjer uspješne organizacije manifestacije koja doprinosi razvoju turističke ponude Sarajeva i pruža nezaboravno iskustvo svim posjetiteljima.



ŠAMPIONIŠKI BOLID RED BULL RACINGA U STAROM GRADU

Red Bull Racing tim predstavio je šampionski bolid Formule 1 ispred Katedrale u Starom Gradu, što je bila uvertira za veliki Red Bull Showrun organiziran tokom ljeta u Sarajevu. U februaru, bolid je bio izložen u Starom Gradu, kao dio priprema za ovaj spektakularni projekt, privukavši pažnju brojnih ljubitelja motorsporta i prolaznika.

FESTIVAL "KULTURA NA ULICE" DIO SVOG REPERTOARA PREDSTAVIO U STAROM GRADU

Ljeto u Starom Gradu obilježio je i Festival "Kultura na ulice". U prelijepom ambijentu Žute tabije, upriličen je koncert "Sarajevo world music" u izvedbi Kenana Mačkovića i Mirze Redžepagića. Koncert je organiziran u produkciji Narodnog pozorišta u Sarajevu. Publika je uživala u izvedbama sevdalinki "Kiša bi pala", "Putuj vjetre", "Pjevat ćemo šta nam srce zna" i mnogim drugim.



SARAJEVO MATINEE NA BIJELOJ TABIJI UZ PODRŠKU OPĆINE STARI GRAD

Sarajevo Matinee, koji je održan 1. juna 2024. godine na Bijeloj tabiji u Starom Gradu, okupio je veliki broj posjetitelja. Događaj je privukao umjetnike sa Akademije likovnih umjetnosti, Matinee rezidente i članove HOSH-a.

Općina Stari Grad, kao jedan od pokrovitelja, pružila je podršku organizaciji, a načelnik Irfan Čengić istakao je kako će se slične aktivnosti nastaviti održavati na ulicama, trgovima i tvrđavama Sarajeva, čime će se obogatiti kulturna scena grada.



ODRŽANA MANIFESTACIJA "LJETO ZA PAMĆENJE" NA BAŠČARŠIJSKOM TRGU

Manifestacija "Ljeto za pamćenje", koja je održana na Baščaršijskom trgu, privukla je veliki broj posjetitelja i pružila im nezaboravan doživljaj u Starom Gradu. Program, koji je uključivao različite kulturne i zabavne aktivnosti, bio je prilika za promociju turističke sezone i lokalnih proizvoda. Načelnik Općine Stari Grad, Irfan Čengić, otvorio je događaj, koji je uključivao bogate degustacije i poklone za posjetitelje. Ova manifestacija još jednom potvrđuje posvećenost Općine Stari Grad unapređenju turističke ponude, te čini Stari Grad atraktivnijim za sve one koji žele doživjeti dušu Sarajeva



OTVORENA IZLOŽBA "MUZIČKA RAZGLEDNICA" U STAROM GRADU

U Štrosmajerovoj ulici svečano je otvorena izložba "Muzička razglednica: Sarajevska pop-rock scena 1960–1991" u okviru festivala "Old Town Fairy Tale". Izložba podržana od strane Općine Stari Grad, autorice Amine Abdičević predstavila je bogato muzičko naslijeđe Sarajeva, uz dizajn Branka Dursuma. Večer u novogodišnjem ambijentu je upotpunila svirka sastava Cheif Band na Trgu Fra Grge Martića, privlačeći brojne posjetioce.



ODRŽANA MANIFESTACIJA "OLD TOWN FAIRYTALE" NA TRI LOKACIJE U STAROM GRADU

Manifestacija "Old Town Fairytale" zvanično je otvorena 10. decembra 2024. godine u Starom Gradu. Ova zimska čarolija, koja je trajala od 10. decembra do 10. januara, ponudila je bogat program na tri lokacije u Starom Gradu, trg Oslobođenja - Alija Izetbegović, trg ispred Katedrale i Ferhadija, uključujući besplatno klizalište, zabavu za djecu, koncerte i odličnu muziku. Otvorenje su podržali važni zvaničnici, koji su naglasili značaj ove manifestacije za turizam. S brojnim sadržajima za sve generacije, "Old Town Fairytale" bilo je atraktivno odredište za posjetitelje i turiste, čineći Stari Grad nezaobilaznim centrom prazničnog ugođaja u Sarajevu.

U okviru ove manifestacije nastupili su bendovi "Pandury", "Dernex", umjetnik Mahir Beathouse, a na klizalištu su organizirani dječiji programi i hokejaške utakmice. Ovo je jedna u nizu manifestacija koje organizujemo na našim ulicama i trgovima kako bi povećali broj aktivnosti i sadržaja koje imaju posjetoci i turisti u Starom Gradu. Rekordni rezultati u oblasti turizma, zapošljavanja, prometa i visine plate pokazuju da je to ispravan pravac za jačanje lokalne ekonomije. Manifestacija je služila i kao uvod u novogodišnju proslavu u Sarajevu.







BESPLATNI NOVOGODIŠNJI KONCERTI KOD VIJEĆNICE: NINA BADRIĆ, BAJAGA I PRLJAVO KAZALIŠTE ODUŠEVILI PUBLIKU

Na Trgu Prve brigade policije ispred Vijećnice u Sarajevu, održani su besplatni koncerti u organizaciji Općine Stari Grad Sarajevo, Visit Sarajevo i Ministarstva kulture i sporta Kantona Sarajevo. Ovi koncerti, koji su se održali u toku novogodišnjih prazničnih dana, kojima je obilježen završetak 2024. godine i početak 2025. godine, obogatili su kulturnu ponudu grada i pružili građanima Sarajeva i njihovim gostima nezaboravne muzičke trenutke. Koncerti su započeli 2. januara nastupom popularne hrvatske pjevačice Nine Badrić, koja je svojim emotivnim i energičnim nastupom oduševila publiku. Sljedeći dan, 3. januara, nastupili su legendarni Bajaga i Instruktori, koji su uz svoje najpoznatije hitove ponovo pokazali zašto su jedni od najvoljenijih muzičara bivše Jugoslavije. U četvrtak, 4. januara, koncertne noći su zatvorili Prljavo kazalište, kulturna rock grupa, sa svojim neprevaziđenim pjesmama. Predgrupe su bile Radno vrijeme, Zračna kontrola i Nindže iz haustora. Svi koncerti bili su besplatni i privukli su veliki broj posjetilaca, koji su u izuzetnoj atmosferi uživali u vrhunskim muzičkim izvedbama. Ovi događaji su ujedno nastavak bogate tradicije kulturnih manifestacija u Starom Gradu i Sarajevu, koje obogaćuju gradsku ponudu i omogućavaju građanima da na otvorenom uživaju u kvalitetnim koncertima. Ovi koncerti predstavljali su i savršen uvod u Novu godinu, nakon što je kod Vječne vatre, uz spektakularan koncert Severine, Sarajevo dočekalo 2025. godinu.





STARI GRAD I SARAJEVO NOVOGODIŠNJI CENTAR REGIJE

Sarajevo, a posebno Općina Stari Grad, ove godine su se istaknuli kao novogodišnji centar regije. Spektakularni koncert Severine privukao je više od 55.000 ljudi, čime je Sarajevo postalo nezaobilazna destinacija za proslavu Nove godine. Pored bogatog programa, izvanredni rezultati u turizmu dodatno potvrđuju uspješnost organizacije, s velikim brojem posjetitelja iz zemlje i regije koji su uživali u atmosferi glavnog grada Bosne i Hercegovine.







UPRAVLJANJE POSLOVNIM PROSTORIMA

Cijeneći obavezu postupanja uskladu sa odredbama Zakona o principima lokalne smaouprave, u pogledu upravljanja i raspolaganja imovinom, a shodno i smjernicama i preporukama Budžetske revizije u toku 2024. godine posvećena je posebna pažnja upravljanju poslovnim prostorima, uz uključivanje Općinskog vijeća Stari Grad Sarajevo, shodno utvrđenim nadležnostima. Analizom ugovora utvrđeno je da su pojedini posebno štetni za Budžet Općine, te se pristupilo analizi i reviziji istih, kojom prilikom je utvrđeno da je na ime zakupa poslovnog prostora Central i NA - MA od dana zaključenja ugovora naplaćeno na ime zakupnine ukupno 511.602,53 KM, dok da se naplaćivano shodno važećim propisima, taj iznos bi bio 9.092.938,49 KM, a za poslovni prostor u Nalinoj, naplaćeno je 100.794,09 KM, a da se naplaćivalo shodno važećim propisima taj iznos bi bio 655.562,23 KM.





USKLAĐIVANJE UGOVORA O ZAKUPU POSLOVNIH PROSTORA ZA OBJEKTE HOTEL CENTRAL, OBJEKAT NA – MA

Analizirajući zaključene ugovore o zakupu poslovnih prostora, u cilju detektovanja eventualnih nezakonitih postupanja, utvrđeni su propusti u proceduri, ali i nadležnosti u pogledu dodjele poslovnog prostora ulici Čumurija broj 8, poznat kao "Hotel Central".

Analizirajući predmetni Ugovor o zakupu u smislu usklađenosti istog sa relevantnim zakonskim i podzakonskim propisima koji su bili na snazi u vrijeme zaključenja Ugovora konstatovano je sljedeće:

Odredbama člana 3.-7. Odluke o davanju u zakup poslovnih prostora kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 4/98, 10/98, 4/01 i 23/01), bilo je propisano da o davanju na korištenje poslovnih prostora kojima pravo raspolaganja ima Općina u pravilu odlučuje Komisija za poslovne prostore koju imenuje Općinsko vijeće. U konkretnom slučaju bili su ispunjeni uslovi iz člana 8. Odluke za neposrednu dodjelu u zakup predmetnog poslovnog prostora navedenom zakupcu, ali u dosijeu predmetnog poslovnog prostora ne postoji dokaz o načinu dodjele u zakup predmetnog poslovnog prostora, odnosno eventualno Rješenje ili Odluka načelnika Općine o dodjeli u zakup predmetnog poslovnog prostora zakupcu, u smislu naprijed citiranih odredbi Odluke, a koje je moralo prethoditi zaključenju predmetnog Ugovora o zakupu te nije poznato da li su takvo Rješenje ili Odluka prethodno doneseni.

Također, odredbama člana 3. Ugovora je regulisano da se objekat predaje u posjed zakupcu momentom verifikacije ovog Ugovora od strane Općinskog vijeća, a načelnik Općine će preduzeti sve potrebne i razumne radnje da se ovaj Ugovor nađe na sjednici Općinskog vijeća do kraja mjeseca februara. U dosijeu predmetnog poslovnog prostora ne postoji dokaz da je Općinsko vijeće izvršilo verifikaciju navedenog Ugovora o zakupu.

Nadalje, nije postojao pravni osnov za uključivanje Vakufske direkcije, Sarajevo, ranijeg vlasnika objekta, kao Treće ugovorne strane u predmetni zakupodavni odnos, a posebno za uređivanje određenih prava i obaveza zakupoprimca, obzirom da takva prava ranijih/izvornih vlasnika nisu bila utvrđena važećim propisima. Dugoročni zakup je bio dozvoljen u smislu odredbe člana 13. stav 2. Odluke o davanju u zakup poslovnih prostora kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 4/98, 10/98, 4/01 i 23/01), kojim je bilo utvrđeno da Općina Stari Grad Sarajevo može sa stranim ulagačem zaključiti ugovor o dugoročnom zakupu poslovnog prostora te da će se dužina istog odrediti shodno visini ulaganja i kriterijima na osnovu kojih se zaključuje ugovor o zakupu u skladu sa Zakonom o preuzimanju, izmjenama i dopunama Zakona o zakupu poslovnih zgrada i prostorija.

Što se tiče načina plaćanja zakupnine utvrđenog predmetnim Ugovorom, konstatuje se da isti nije bio u skladu sa Odlukom o visini i načinu plaćanja zakupnine poslovnih prostorija ("Službene novine Kantona Sarajevo", broj 5/97 i 10/98), koja je bila na snazi u vrijeme zaključenja Ugovora.

Vezano za ulaganja zakupoprimaca u devastirane poslovne prostore, konstatovano je da Odluka o davanju u zakup poslovnih prostora kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 4/98, 10/98, 4/01 i 23/01), kao ni Odluka o visini i načinu plaćanja zakupnine poslovnih prostorija ("Službene novine Kantona Sarajevo", broj 5/97 i 10/98), nisu propisivale mogućnost i načine priznavanja navedenih ulaganja, odnosno kompenzacije istih kroz zakupninu.

Vršeći detaljnu analizu ugovora o zakupu, osim propusta vezanih za naprijed navedeni objekat, utvrđeni su propusti i vezano za ugovor o zakupu poslovnog prostora, tako zvani NA – MA. Analizirajući predmetni Ugovor o zakupu u smislu usklađenosti istog sa relevantnim zakonskim i podzakonskim propisima koji su bili na snazi u vrijeme zaključenja Ugovora utvrđeno je da u dosijeu predmetnog poslovnog prostora, ne postoje dokazi da je zakupoprimac dostavljao prijave na oglase, osim činjenice da tenderska dokumentacija koja je bila sastavni dio javnog oglasa čini i sastavni dio zaključenog Ugovora o zakupu, a što je i naznačeno u istom.

Nadalje, način utvrđivanja zakupnine u predmetnoj Odluci o dodjeli i zaključenom ugovoru o zakupu, u fiksnom dijelu koji se realizuje po početku rada objekta u visini uloženih sredstava i u iznosu od 2,5% od bruto prihoda ostvarenog u predhodnoj godini nakon stavljanja objekta u funkciju, nije bio u skladu sa važećom Odlukom.

Također, u zaključenom Ugovoru o zakupu postoji odredba da zakupac ima pravo u objekat-prostor, u cjelini ili njegove pojedine dijelove, uvoditi treća lica na bazi Ugovora o poslovno-tehničkoj saradnji, uz prethodno odobrenje zakupodavca, što nije bilo u skladu sa važećom Odlukom. Važeća Odluka je predviđala da zakupac ne može poslovnu prostoriju ili dio poslovne prostorije izdati u podzakup, uz propisivanje određenih izuzetaka od naprijed navedene odredbe, a koje nije bilo moguće primijeniti u konkretnom slučaju.

Cijeneći da se nikada nije postupilo, shodno odredbama člana 65. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20-prečišćeni tekst, 7/23 i 21/23), kojima je propisano da će se Ugovori o zakupu sa Općinom, koji su u suprotnosti sa odredbama ove Odluke, uskladiti sa ovom Odlukom u roku od šest mjeseci od dana stupanja na snagu iste, dostavljena je informacija Tužilaštvu Kantona Sarajevo u svrhu poduzimanja aktivnosti iz utvrđene nadležnosti, kao i Pravobranilaštvu Općine Stari Grad Sarajevo, koje je nadležno za zaštitu imovine Općine Stari Grad Sarajevo.



USKLAĐIVANJE UGOVORA O ZAKUPU POSLOVNOG PROSTORA U ULICI NALINA BB

Općina Stari Grad Sarajevo je nosilac prava raspolaganja na poslovnim objektima u ulici Nalina bb, poznat kao škola u Gaju.

Analizirajući predmetni Ugovor o zakupu u smislu usklađenosti istog sa relevantnim zakonskim i podzakonskim propisima koji su bili na snazi u vrijeme zaključenja Ugovora konstatuje se da način utvrđivanja zakupnine u predmetnom ugovoru o zakupu, u fiksnom dijelu koji odgovara vrijednosti grubih građevinskih radova potrebnih za stavljanje objekta-prostora u funkciju i koji se smatra plaćenim u momentu dobijanja odobrenja za upotrebu objekta te godišnja zakupnina u iznosu od 5,0 % od bruto dobiti ostvarene korištenjem objekta u predhodnoj godini nakon stavljanja objekta u funkciju, nije bio u skladu sa važećom Odlukom.

Odredbama člana 42.-50. Odluke bila je propisana procedura i uslovi za priznavanje ličnih ulaganja zakupaca. U tom smislu, Odlukom je bilo propisano da zakupac ima pravo na naknadu sredstava, povrat sredstava, odnosno kompenzaciju sa zakupninom uloženi sredstava ukoliko dobije odobrenje od Općine za rekonstrukciju ili dogradnju ili nadzidivanje ili promjenu namjene građevine ili sanacije, odnosno za izvođenje grubih građevinskih radova neophodnih za stavljanje poslovnog prostora u funkciju, za poslovni prostor koji je od strane općinske Komisije za procjenu stepena ruševnosti-devastiranosti poslovnog prostora proglašen da je devastiran preko 65%. Nakon provedene procedure propisane Odlukom i završetka radova, Komisija koju imenuje Načelnik će, poslije pregleda, a shodno Odluci o kriterijima za utvrđivanje visine uloženi sredstava u grube građevinske radove neophodne za stavljanje poslovnog prostora u funkciju, izvršiti kontrolu konačnog obračuna radova te eventualno korigovati iznos ulaganja i ovjeriti konačni obračun. Komisija će zakupcu priznati uložena lična sredstva samo ako isti ima nalaz ovlaštenog sudskog vještaka građevinske struke ili službe Općine koja je bila ovlaštena za tu procjenu, izražen kao finansijski nalaz i to u visini od 60% od konačnog obračuna grubih građevinskih radova neophodnih za stavljanje poslovnog prostora u funkciju. godine, uz mogućnost produženja, u skladu sa odredbama važeće Odluke.

Komisija će korigovati finansijski nalaz za sve vrste radova koji nisu u skladu sa Odlukom o kriterijima za utvrđivanje visine uloženih sredstava u grube građevinske radove neophodne za stavljanje poslovnog prostora u funkciju, a Načelnik će putem Službe za privredu priznati sredstva u visini od 60% kao lična ulaganja zakupca u poslovni prostor. Odredbama Odluke je dalje bila predviđena direktna kompenzacija priznatih ličnih ulaganja sa eventualnim dugom zakupca te kompenzacija sa budućom zakupninom, tako što se 40% mjesečne zakupnine namiruje iz priznatog ulaganja, sve dok zakupac u cjelosti ne kompenzira svoja ulaganja u poslovni prostor Općine, a preostali dio od 60% obaveze za mjesečnu zakupninu dužan je redovno plaćati. U raspoloživoj dokumentaciji Službe za privredu, kao i Službe za finansije, ne postoje dokazi da su Komisija i Općinski načelnik dalje postupali u skladu sa naprijed citiranim odredbama Odluke, odnosno da su zakupcu priznata uložena lična sredstva u visini od 60% od konačnog obračuna grubih građevinskih radova neophodnih za stavljanje poslovnog prostora u funkciju, a na osnovu stručnog nalaza i mišljenja stalnog sudskog vještaka građevinske struke Softić Kenana, od 03.09.2011. godine, prema kojem su ista iznosila 608.004,01 KM. Iz samog načina i visine fakturisanja zakupnine nakon stavljanja objekta u funkciju, evidentno je da se kompenzacija eventualno priznatih ličnih ulaganja zakupca nije vršila u skladu sa važećom Odlukom.

Važećom Odlukom nije dozvoljen dugoročni zakup. U dosijeu predmetnog poslovnog prostora ne postoji dokaz da je isti pribavljen u društveno/državno vlasništvo u postupku nacionalizacije, ali bez obzira na navedenu činjenicu, novi ugovor o zakupu moguće je zaključiti najduže na period od tri godine, uz mogućnost produženja, u skladu sa odredbama važeće Odluke.

Cijeneći sve naprijed izloženo, evidentno je da visina i način plaćanja zakupnine kako je to utvrđeno zaključenim Ugovorom o zakupu, kao i druge odredbe istog, nisu bili u skladu sa važećim zakonskim i podzakonskim propisima kojima je regulisana predmetna oblast te da je iste, u smislu odredbe člana 65. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20-prečišćeni tekst, 7/23 i 21/23) bilo potrebno i uskladiti, a što je i učinjeno kako bi se izbjegla šteta po Budžet Općine.

USKLAĐIVANJE UGOVORA O ZAKUPU POSLOVNOG PROSTORA U ULICI JELIĆA BROJ 4

Analizom ugovora o zakupu poslovnog prostora u ulici Jelića broj 4, na kojem Općina Stari Grad Sarajevo ima pravo raspolaganja, čiji je zakupoprimac USD "BOSNA" Sarajevo, utvrđeno je da isti nije u skladu sa odredbama Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo), (u daljem tekstu: Odluka), obzirom da navedenom zakupoprimcu predmetni poslovni prostor nije dodijeljen u zakup kaoudruženju od posebnog interesa za Općinu, u skladu sa naprijed citiranim odredbama Odluke, već je isti preuzet od "Sarajevostan" RO za inženjering u stambenoj djelatnosti Sarajevo, na osnovu Odluke o preuzimanju nadležnosti gazdovanja poslovnim prostorima u vlasništvu Opštine Stari Grad Sarajevo ("Službene novine Grada Sarajeva", broj 7/91) te, obzirom da u raspoloživoj dokumentaciji predmetnog poslovnog prostora ne postoji odluka Općinskog vijeća, kojom je navedenom zakupoprimcu utvrđen niži iznos zakupnine od cijene zone poslovnog prostora, koju je ranije plaćao, utvrđeno je da nije bilo osnovano umanjeње zakupnine za 50% naprijed navedenim Ugovorom o zakupu, zaključenim 2017. godine.

Dana 18.02.2019. godine, zaključen je novi Ugovor o zakupu predmetnog poslovnog prostora između Općine Stari Grad Sarajevo, kao zakupodavca i USD "BOSNA" Sarajevo, kao zakupoprimca, na neodređeno vrijeme, a koji je ujedno i posljednji zaključen ugovor o zakupu predmetnog poslovnog prostora. Prema naprijed navedenom Ugovoru, mjesečna cijena zakupa iznosi 2,00 KM po m², u skladu sa članom 25. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo („Službene novine Kantona Sarajevo“, broj: 3/18 i 16/18), odnosno 334,62 KM sa uključenim PDV-om. Obzirom na utvrđenu cijenu zakupa u navedenom Ugovoru (20% od poslovne zone u kojoj se poslovni prostor nalazi), evidentno je da je navedeni zakupoprimac ponovo svrstan u kategoriju zakupaca koji su udruženja od posebnog interesa za Bosnu i Hercegovinu, Federaciju BiH, Kanton Sarajevo, Grad Sarajevo i Općinu, a što nikada nije utvrđeno odlukom Općinskog vijeća te navedena cijena zakupa nije u skladu sa važećom Odlukom.

Pored naprijed navedenog, uvidom u raspoloživu dokumentaciju predmetnog poslovnog prostora te kontrolom korištenja istog na licu mjesta, utvrđeno je da USD "BOSNA" Sarajevo ne koristi predmetni poslovni prostor za obavljanje svoje djelatnosti, u skladu sa zaključenim Ugovorom, već je isti izdat u podzakup pravnom licu LUTRIJA BOSNE I HERCEGOVINE d.o.o. Sarajevo, na osnovu saglasnosti Službe za privredu, broj: 02-49-4086/10 od 27.12.2010. godine. Navedena saglasnost nije izdata u skladu sa odredbama važeće Odluke, odnosno navedeni zakupoprimac prema važećim propisima nikada nije imao pravo izdavanja predmetnog poslovnog prostora u podzakup, a što je bilo utvrđeno i u svim zaključenim ugovorima o zakupu predmetnog poslovnog prostora.

Cijeneći sve naprijed izloženo, evidentno je da korištenje predmetnog poslovnog prostora nije bilo u skladu sa odredbama Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20-prečišćeni tekst, 7/23 i 21/23), te pokrenuta i provedena procedura iseljenja predmetnog zakupca, te je poslovni prostor predmetom javnog oglašavanja, na ovaj način će se povećati sredstava iz Budžeta.

Projekti za podršku preduzetništvu i profesionalnom razvoju u Sarajevu

PROJEKAT: „BIZNIS KONFERENCIJA“ - TOPCOM D.O.O. SARAJEVO

Topcom d.o.o. organizovao je konferenciju koja je okupila stručnjake, menadžere i investitore s ciljem razmjene znanja i iskustava o najnovijim poslovnim trendovima i tehnologijama. Konferencija je pružila priliku za umrežavanje i usmjeravanje poslovnih strategija, čime su učesnici stekli nove kontakte i naučili kako unaprijediti svoje kompanije.

Realizovana su dva značajna projekta koji su imali cilj unapređenje poslovnih vještina, umrežavanje i podršku preduzetništvu. Ovi projekti pružaju prilike za profesionalni rast, razmjenu iskustava i razvoj novih poslovnih kontakata. Prvi projekat organizovao je Topcom d.o.o. Sarajevo, dok je drugi realizovalo Udruženje „Šefice“. Oba projekta su doprinijela razvoju preduzetničkog duha u regionu.



PROJEKAT: „PODUZETNIČKI KORACI: OD IDEJE DO USPJEŠNOG POSLOVANJA“ - UDRUŽENJE „ŠEFICE“

Tokom 2024. godine urađen je idejni projekat za izgradnju prvog zipline – a u Općini Stari Grad Sarajevo, te se Općinsko pravobranilaštvo obratilo Službi za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje urbanističke saglasnosti za izvođenje radova izgradnje zipline –a, te je postupak u toku



PODSTICAJI U POLJOPRIVREDI

Općina Stari Grad Sarajevo je tokom 2024. godine, a u skladu sa postavljenim ciljevima kroz Strategiju razvoja Općine Stari Grad Sarajevo za period od 2024 do 2027 godine, izdvojila značajna sredstva za različite podsticaje u privredi, a što je prikazano u tabeli u nastavku:

NAMJENA SUBVENCije (opis namjene)	Vrijednost u KM
1. Stimulacija plasteničke proizvodnje – isporuka i montaža ukupno 73 plastenika sa dodatnom opremom, putem Javnog poziva zainteresovanim građanima koji ispunjavaju uslove propisane Odlukom, sa mjestom prebivališta i zemljištem na području Općine Stari Grad Sarajevo	163.718,33
2. Novčani podsticaji za nabavku sadnog materijala za plasteničku proizvodnju - 101 zahtjev	25.360,50
3. Novčani podsticaji za nabavku sadnog materijala za povrtlarsku proizvodnju (proizvodnja na otvorenom)- 66 zahtjeva	12.140,00
4. Novčani podsticaji u pčelarskoj proizvodnji -za nabavku košnica, rojeva i ostale opreme -28 zahtjeva	7.725,00
5. Novčani podsticaji u stočarskoj proizvodnji (za nabavku stočne hrane i životinja) – 48 zahtjeva	65.180,00
6. Novčani podsticaji u voćarskoj proizvodnji (za nabavku voćnih sadnica) – 4 zahtjeva	1.375,00
7. Novčani podsticaji u ratarskoj proizvodnji (za nabavku sjemena kukuruza za silažu) - 4 zahtjeva	5.317,00
8. Novčani podsticaji za nabavku poljoprivredne mehanizacije i opreme - 20 zahtjeva	13.152,06
UKUPNO :	SVE 293.967,89 KM

DODJELA SREDSTAVA ZA PODRŠKU POSLOVANJA FIZIČKIM LICIMA KOJA OBAVLJAJU TRGOVAČKU DJELATNOST

Na osnovu prijedloga Komisije za izbor korisnika bespovratnih sredstava namijenjenih za podršku poslovanja fizičkim licima koja obavljaju trgovačku djelatnost (trgovina na malo ličnim radom – trgovac pojedinac) na području Općine Stari Grad Sarajevo, imenovane Rješenjem Općinskog načelnika Općine Stari Grad Sarajevo broj: 01-04-4-528/24 od 11.03.2024. godine, nakon završene procedure ocjene pristiglih prijava na osnovu Javnog poziva broj: 09-45-1499/24 od 20.02.2024. godine i Pravilnika o uslovima i načinu dodjele bespovratnih finansijskih sredstava namijenjenih za podršku poslovanja fizičkim licima koja obavljaju trgovačku djelatnost (trgovina na malo ličnim radom – trgovac pojedinac) na području Općine Stari Grad Sarajevo ("Službene novine Kantona Sarajevo" broj: 5/24), izvršena je dodjela bespovratnih finansijskih sredstava za ukupno 21 korisnika, u iznosu od po 1.000 KM.



NAPLATA POTRAŽIVANJA NEPOSREDNOM DODJELOM POSLOVNIH PROSTORA

Primjenom odredbi člana 22. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20-Prečišćeni tekst, 7/23, 21/23, 19/24 i 32/24), odnosno neposrednom dodjelom u zakup poslovnih prostora po osnovu preuzimanja obaveze izmirenja duga za zakupninu ranijih zakupoprimaca, Općina Stari Grad Sarajevo, u periodu od mjeseca januara do mjeseca decembra 2024. godine, naplatila zaostala dugovanja po osnovu zakupa poslovnih prostora ranijih zakupoprimaca, u ukupnom iznosu od 234.551,87 KM.



Vezano za naprijed navedeno, bitno je napomenuti da navedena dugovanja, u skladu sa odredbama Odluke, ne bi bilo moguće naplatiti dodjelom u zakup poslovnih prostora putem javnog oglasa, dok bi naplata dugovanja sudskim putem bila dugotrajna i neizvjesna, čemu u prilog govori i pismena Informacija Pravobranilaštva Općine Stari Grad Sarajevo, broj: OP-120/24 od 23.12.2024. godine, prema kojoj je, u istom vremenskom periodu, odnosno od 01.01. do 23.01.2024. godine, na osnovu izvršnih sudskih presuda, naplaćeno svega 16.454,65 KM duga po osnovu zakupa poslovnih prostora.





OČUVANJE TRADICIJE I EKOLOŠKA SVIJEST KROZ REALIZOVANE PROJEKTE

U 2024. godini realizovani su značajni projekti koji doprinose očuvanju kulturnih tradicija i podizanju svijesti o ekološkoj odgovornosti. Ovi projekti nisu samo promovisali važne društvene i kulturne vrijednosti, već su također osigurali priliku za zajedničko okupljanje ljubitelja prirode i tradicije, te odavanje počasti onima koji su ostavili neizbrisiv trag u našoj historiji. Dva projekta, „Memorijalni let - Trka golubova pismoša Srebrenica 2024.“ i aktivnosti Udruženja EDZUP, usmjereni su na različite aspekte očuvanja tradicije i promocije ekoloških principa, a njihova realizacija značajno doprinosi zajedničkom nastojanju za očuvanje kulturnog naslijeđa i bioraznolikosti.



PROJEKAT: MEMORIJALNI LET - TRKA GOLUBOVA PISMOŠA SREBRENICA 2024.

Ovaj projekt, koji je organizovan s ciljem čuvanja tradicije golubarstva, imao je duboko emotivnu i simboličnu dimenziju, jer je trka golubova pismoša bila posvećena žrtvama genocida u Srebrenici. Kroz ovaj memorijalni let, ljubitelji golubarstva su se okupili kako bi uz sportsku aktivnost odali počast žrtvama i očuvali uspomenu na teške trenutke u historiji BiH.



UDRUŽENJE EDZUP - EKOLOŠKO DRUŠTVO ZA UZGOJ I ZAŠTITU SITNIH ŽIVOTINJA

Udruženje EDZUP realizovalo je projekte koji su se bavili zaštitom sitnih životinja i promovisanjem ekoloških principa uzgoja. Kroz edukativne aktivnosti i izložbe, udruženje je nastojalo podići svijest o važnosti ekološke ravnoteže i odgovornog pristupa uzgoju životinja, te doprinositi očuvanju bioraznolikosti i zaštiti prirodne sredine.

KULTURA I KULTURA SJEĆANJA

Općina Stari Grad Sarajevo, kao historijsko i kulturno srce glavnog grada Bosne i Hercegovine, predstavlja neizostavno mjesto susreta umjetnosti, tradicije i sjećanja. Kroz raznovrsne manifestacije, ovaj dio Sarajeva čuva bogatu kulturnu baštinu, ali i njeguje kulturu sjećanja, podsjećajući na važnost prošlih događaja koji su oblikovali identitet našeg grada i zemlje. Sa svojom bogatom tradicijom, autentičnom arhitekturom i živopisnim ambijentom, Stari Grad pruža idealnu pozornicu za festivale, izložbe i koncerte koji ističu ljepotu naše baštine i promovišu Sarajevo kao vrhunsku turističku destinaciju. Kulturni događaji u Starom Gradu nisu samo prilika za uživanje u umjetnosti i muzici već i snažan poticaj razvoju turizma, oživljavanju lokalne ekonomije i očuvanju autentičnog duha Baščaršije.




"BAŠČARŠIJSKE NOĆI" OBOGATILE TURISTIČKU PONUDU STAROG GRADA

"Baščaršijske noći" tokom 2024. godine su ponovo oživjele dušu Starog Grada, donoseći brojne kulturne i umjetničke sadržaje koji su privukli posjetitelje iz cijelog svijeta. Općina Stari Grad bila je ponosni partner ovog prestižnog kulturnog događaja, koji je uključivao koncerte renomiranih umjetnika poput Nermina Puškara i Amire Medunjanin, te umjetničke izložbe Udruženja "Art Colony". Ovaj festival, smješten u samom srcu Sarajeva, promovira tradiciju i kulturnu autentičnost, čineći Stari Grad još atraktivnijim za turiste. Podrškom ovakvim događajima, Općina Stari Grad nastavlja svoj angažman na jačanju kulturnog turizma.

OPĆINA STARI GRAD SARAJEVO I SARAJEVO FILM FESTIVAL: PARTNERSTVO ZA JAČANJE TURIZMA I KULTURE

Načelnik Općine Stari Grad Sarajevo, Irfan Čengić, potpisao je Ugovor o dodjeli sredstava sa Sarajevo Film Festivalom (SFF) i direktorom festivala, Jovanom Marjanovićem, čime je dodatno potvrđena važnost ovog prestižnog događaja za kulturnu scenu Sarajeva. Najveći dio festivala održava se upravo na području Starog Grada, što ističe njegov doprinos kulturnoj ponudi grada i regije.



KUD BAŠČARŠIJA - AMBASADOR TRADICIJE I KULTURE STAROG GRADA

Kulturno-umjetničko društvo (KUD) "Baščaršija" ponosno predstavlja Općinu Stari Grad Sarajevo na međunarodnoj sceni, kroz turneje, nastupe i defilee povodom značajnih datuma, poput obilježavanja Dana grada Sarajeva. Ovo društvo njeguje bogatu tradiciju Sarajeva i Bosne i Hercegovine, očuvanjem kulturne baštine i promovisanjem folklornih vrijednosti naše zemlje.

Zahvaljujući podršci Općine Stari Grad i partnerima poput TIKA-e, tokom 2024. godine renovirana i opremljena njihova radna sala, čime su članovi dobili još bolje uslove za rad i pripreme. KUD "Baščaršija" ostaje važan ambasador naše tradicije i kulture, prepoznatljiv i cijenjen širom regije i Evrope. Ove godine obilježili su 77 godina postojanja. Također, tokom 2024. godine je po prvi put je riješeno pitanje pravnog statusa poslovnog prostora koje ovo Udruženje koristi, te je Općinsko vijeće Stari Grad Sarajevo donijelo Odluku o proglašenju Kulturno-umjetničko društvo (KUD) "Baščaršija" udruženjem od posebnog značaja za Općinu Stari Grad Sarajevo.



SEVDALINKA NA LISTI NEMATERIJALNOG KULTURNOG NASLIJEĐA UNESCO-A

Sevdalinka, bosanskohercegovačka gradska i narodna pjesma upisana je na Reprezentativnu listu nematerijalnog kulturnog naslijeđa čovječanstva UNESCO-a. Ova odluka donesena je na sjednici Odbora za nematerijalnu kulturnu baštinu UNESCO-a, i predstavlja izuzetno priznanje za kulturno naslijeđe Bosne i Hercegovine. Općina Stari Grad ponosno čuva duh sevdalinke kroz kulturne manifestacije, koncerte i projekte koji afirmišu njenu vrijednost i promovišu je kao neodvojivi dio bosanskohercegovačkog identiteta.

BESPLATNE ULAZNICE STUDENTIMA ZA NARODNO POZORIŠTE

Općina Stari Grad Sarajevo je i tokom 2024. godine pružila predanu podršku kulturnim aktivnostima, s posebnim fokusom na obrazovanje mladih. Izdvojena su sredstva kako bi se omogućile besplatne ulaznice za sve studente sa prebivalištem na području općine Stari Grad.

PROMOCIJA PALESTINSKE KULTURE

U cilju jačanja veza između Bosne i Hercegovine i Palestine, potpisan je Ugovor o sufinansiranju projekta „Bosna i Palestina: Most razumijevanja i solidarnosti“. Ovaj projekt, koji se fokusira na kulturnu promociju i širenje informacija o Palestini, simbolizira duboku solidarnost našeg naroda s palestinskim narodom. Kao dodatnu podršku, organizaciji koja se bavi ovim projektom, dodijeljen je prostor na Baščaršiji, prepoznatom kulturnom srcu Sarajeva. Ovaj prostor će služiti kao platforma za širenje svijesti i organizaciju događanja koja promoviraju palestinsku kulturu, tradiciju i historiju, čime se doprinosi jačanju kulturnih i humanitarnih veza između dva naroda.



Dani Općine Stari Grad Sarajevo



DANI OPĆINE STARI GRAD SARAJEVO

Desetodnevni program koji je obuhvatio 24 različita društvena, kulturna, sportska, edukativna, obrazovna i zabavna događaja za građane, obilježio je 2. maj, Dan Općine Stari Grad.




POSJETA MEZARIMA

Načelnik Općine Stari Grad Sarajevo, Irfan Čengić, predvodio je delegaciju koja je povodom 2. maja, Dana Općine Stari Grad, posjetila mezar Isa-bega Ishakovića, turbe Gazi Husrev-bega i Šehidsko mezarje Kovači. Ova tradicionalna aktivnost obilježava se svake godine povodom Dana Općine Stari Grad. Važnost 2. maja ilustrira činjenica da je to, osim Dana Općine Stari Grad, također Dan Općine Centar i Kantona Sarajevo

MAHIR BEATHOUSE JE ODRŽAO SPEKTAKULARAN NASTUP PRED PUNOM ULICOM ZELENIH BERETKI



U sklopu obilježavanja Dana Općine Stari Grad, ulice Starog Grada su zasjale energijom i muzičkim entuzijazmom. Ova svečana manifestacija obilježena je spektakularnim nastupom Mahir Beathouse-a, koji je svojom muzikom osvojio srca brojnih posjetitelja. U čast Dana Općine, Mahir Beathouse je održao nastup pred punom ulicom Zelenih beretki.





SVEČANA SJEDNICA OPĆINSKOG VIJEĆA STARI GRAD

U Gazi Husrev-begovoj biblioteci održana je svečana sjednica Općinskog vijeća Stari Grad Sarajevo. Uz prisustvo uglednih zvanica, događaj je obilježen svečanim programom i dodjelom značajnih priznanja. Načelnik Općine Stari Grad Sarajevo Irfan Čengić obratio se okupljenima s uvjerenjem da zajedno ulaze u novo razdoblje progresivnog razvoja i obnove.



DODIJELJENA PRIZNANJA POJEDINCIMA I INSTITUCIJAMA ZA DOPRINOS

Na svečanoj sjednici Općinskog vijeća Stari Grad Sarajevo dodijeljena su važna priznanja pojedincima i institucijama za njihov izuzetan doprinos zajednici: Općinsku povelju sa zlatnim štitom za požrtvovano djelovanje na pronošnju istine o suštini agresije na RBiH dobio je Avdo Huseinović. Povelju sa zlatnim štitom za izuzetan doprinos u organizovanju i izvođenju odbrane na području općine, te otklanjanju opasnosti od ratnih razaranja njenog područja dobio je Udruženje boraca „Crni labudovi“, a povelju je preuzeo predsjednik Udruženja Avdo Subašić.




Povelju sa grbom Općine Stari Grad za izuzetan doprinos u očuvanju i njegovanju prirodnog i kulturno-historijskog naslijeđa dobila je Gazi Husrev-begova biblioteka u Sarajevu, a povelju je preuzeo direktor Dženan Handžić. Zlatni sebilj za doprinos u razvoju i afirmaciji Općine, razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima, ove godine dobio je prof. dr. Ismet Gavrankapetanović.

Kolektivno priznanje - Zlatni sebilj pripalo je Bošnjačkom institutu - Fondacija Adila Zulfikarpašića, a priznanje je preuzeo predsjednik Upravnog odbora Fehim Škaljić. Priznanje „Policajac godine“ za izuzetan doprinos i postignute rezultate u zalaganju za ostvarivanje što povoljnije bezbjedonosne situacije na području Općine Stari Grad Sarajevo dobila je Merima Čelik.



DŽENAN LONČAREVIĆ ODRŽAO KONCERT NA TRGU PRVE BRIGADE POLICIJE

Na Trgu Prve brigade policije održan je koncert koji je privukao mnogo pozornosti. Dženan Lončarević, poznati muzičar, izveo je nevjerovatan nastup koji je obilježio proslavu Dana Općine Stari Grad Sarajevo. Ovaj muzički događaj, koji je održan pod otvorenim nebom, nije samo bio prilika za uživanje u melodijama već je predstavljao važan kulturni i društveni element proslave Dana Općine. Načelnik Općine Stari Grad, Načelnik Irfan Čengić, istakao je koliko su manifestacije poput ove važne za bogatstvo i raznolikost života u Starom Gradu.




KONCERTI KULTURNO-UMJETNIČKIH DRUŠTAVA NA BAŠČARŠIJSKOM TRGU

Svečano je otvorena manifestacija Art kuće sevdaha pod pokroviteljstvom Općine Stari Grad Sarajevo, kao dio programa Dana Općine. Načelnik Čengić je svojim pozdravnim govorom otvorio ovu manifestaciju. Program manifestacije uključivao je nastupe renomiranih kulturno-umjetničkih društava, među kojima su: KUD Željezničar Sarajevo s koncertom sevdaha, Udruženje La Benavolencia s sefardskim pjesmama, KUD Stijena-Cazin s nastupom, a završen je velikim koncertom sevdaha.



IZLOŽBA "POČETAK POSLIJE KRAJA"

U sklopu obilježavanja Dana Općine Stari Grad Sarajevo, načelnik Irfan Čengić svečano je otvorio izložbu akademskog slikara Zekerijaha Nalića pod nazivom "Početak poslije kraja". Izložba je održana u prostorijama harema Baščaršijske džamije te je privukla brojne ljubitelje umjetnosti i kulturnog naslijeđa. Nalićeva izložba, koja nosi intrigantan naziv "Početak poslije kraja", predstavlja njegovu interpretaciju raznih aspekata života i kulture, posebno inspirisane baščaršijskom atmosferom. Na svečanom otvaranju, načelnik Čengić istakao je važnost ovakvih kulturnih događaja za lokalnu zajednicu te je pohvalio umjetnički doprinos Zekerijaha Nalića.



IZLOŽBA RUKOTVORINA U GAZI HUSREV-BEGOVOM HANIKAHU

U Gazi Husrev-begovom hanikahu otvorena je izložba rukotvorina, a koje su djelo članica Kulturno-edukacionog centra Lalek Konya-Sarajevo. Izložba je dugi niz godina sastavni dio programa svečanog obilježavanja Dana Općine Stari Grad, a čast da otvori ovu izložbu pripala je Općinskom načelniku Irfanu Čengiću. Radi se o izložbi rukotvorina izrađenih u različitim tehnikama veza, slikanja na svili, drvetu, foliji, kaligrafskim radovima, bižuteriji i drugom.

IZLOŽBA "SARAJEVSKA BAŠTINA" U BRUSA BEZISTANU

Dani Općine Stari Grad obilježeni su i izložbom u Brusa bezistanu pod nazivom "Sarajevska baština". Delegacije općina Osmangazi Bursa i Karsiyaka Izmir prisustvovali su izložbi na poziv načelnika Irfana Čengića i predsjedavajućeg Općinskog vijeća Seida Škaljića.



PREDSTAVA "BIO JE LIJEP I SUNČAN DAN"

U Sarajevskom ratnom teatru odigrana je predstava "Bio je lijep i sunčan dan". Karte za ovu emotivnu i snažnu predstavu bile su poklon Općine Stari Grad gledaocima, što je bila gesta podrške kulturi i pamćenju važnih događaja iz prošlosti. Predstava "Bio je lijep i sunčan dan" temelji se na autentičnim sjećanjima Sarajki i Sarajlija na 2. maj 1992. godine, jedan od ključnih dana tokom opsade Sarajeva. Kroz mozaik različitih perspektiva i iskustava, predstava prenosi emocije i duboku simboliku tog sudbonosnog dana koji je zauvijek promijenio živote mnogih. Ova predstava podsjeća na važne događaje iz nedavne prošlosti, ali i ističe snagu ljudskog duha i otpornost zajednice u teškim vremenima.



DRAMSKA PREDSTAVA "LEPTIR"

U Domu kulture u Vratniku izvedena je dramska predstava Aleksandra Radunovića "Leptir" u režiji Emira Z. Kapetanović u okviru specijalnog programa Narodnog pozorišta Sarajevo. Predstava je izvedena u okviru Dana općine Stari Grad, u saradnji sa Ministarstvom kulture i sporta Kantona Sarajevo. U predstavi su igrali: Aleksandar Seksan, Sanela Pepljak i Ermin Sijamija.

IZLOŽBA OLDTIMERA U STAROM GRADU

Oldtimer klub Sarajevo i ove godine je organizovao susrete starih automobila, odnosno oldtimera. Oldtimer klub Sarajevo je osnovan 17. marta 2004. godine i od tada uspješno okuplja limene četverotočkaše u glavnom gradu Bosne i Hercegovine.

ODRŽAN GASTRO DOGAĐAJ "OKUSI STAROG GRADA" ISPRED KATEDRALE

Pred Katedralom održan je Gastro događaj "Okusi Starog Grada", koji je obogatio obilježavanje Dana Općine uz podršku Turističke zajednice Kantona Sarajevo. Ova manifestacija okupila je lokalne privrednike Starog Grada, uključujući poznata imena poput Mrvica Cafe i Bakery, Pekare "Poričanin" te Amko komerca, koji su predstavili svoje proizvode i razmjenjivali okuse i specijalitete na posebnom štandu.

PORODIČNI DAN U PARKU DARIVA ODUŠEVIO POSJETITELJE SVIH GENERACIJA

Općina Stari Grad Sarajevo, u saradnji s Udruženjem Generacija, organizovala je događaj povodom 2. maja, Dana Općine Stari Grad - Porodični dan u parku Dariva, koji je oduševio veliki broj posjetitelja, posebno djece. Uz program Mravko-Travko, djeca su oslikavala lica u različitim bojama i oblicima, te modelirali balone.





KULTURNA RAZMJENA U SRCU SARAJEVA: MANIFESTACIJE DRŽAVA U STAROM GRADU

U srcu Sarajeva, Starom Gradu, u proteklom periodu održavao se niz značajnih manifestacija koje omogućavaju građanima i turistima da dožive bogatstvo i raznolikost kultura širom svijeta. Ove manifestacije, podržane i organizovane od strane Općine Stari Grad Sarajevo, stvaraju priliku za izravnu kulturnu razmjenu i predstavljanje različitih zemalja, a sve u sklopu projekta "Države u Starom Gradu". Kroz koncerte, izložbe, emisije i druge događaje, Sarajlije i posjetitelji mogu uživati u specifičnostima kulturnih naslijeđa različitih naroda, a sve to pod pokroviteljstvom Općine Stari Grad i u saradnji sa brojnim ambasadama i kulturnim institucijama. Ovdje su prikazani neki od najvažnijih događaja koji su obilježili kulturnu scenu Starog Grada.



FESTIVAL "SLOVENIJA U SARAJEVU"

Ovaj festivalski koncert okupio je više od 650 učesnika iz 35 različitih slovenačkih kulturnih udruga, predstavljajući bogatstvo slovenačke kulturne baštine. Manifestacija je obuhvatila raznovrsne umjetničke aktivnosti, od horova, vokalnih i plesnih grupa do tamburaških orkestara i mažoretkinja. Uz podršku Općine Stari Grad, festival je otvorio vrata za sve posjetitelje, omogućivši im da uživaju u tradiciji i kulturi Slovenije. Udruženje Artis je posebno zahvalilo načelniku Irfanu Čengiću za pomoć i podršku u realizaciji ovog događaja.



DAN DRŽAVE BELGIJE U STAROM GRADU

Održan je spektakularan koncert u Bošnjačkom institutu povodom obilježavanja Dana Belgije u Sarajevu. Ovaj muzički događaj okupio je brojne goste, uključujući načelnika Irfana Čengića i predsjedavajućeg Općinskog vijeća Seida Škaljića. Uz izvanrednu izvedbu talentiranih učenika, koncert je obilježio 29 godina djelovanja Udruženja "Ecoliers du Monde" i 30 godina od osnivanja Udruženja "Obrazovanje gradi Bosnu i Hercegovinu". Svečanost je bila prilika za podizanje svijesti o značaju kulturne suradnje između Belgije i BiH.

IZLOŽBA EL PRADO U STAROM GRADU

U organizaciji Ambasade Španije i Općine Stari Grad, posjetioci su imali priliku uživati u izložbi remek-djela iz muzeja Prado. Ova izložba, koja je prvi put postavljena na Balkanu, omogućila je posjetiteljima da dožive španjolsko kulturno naslijeđe u javnim prostorima Sarajeva. Otvorena do 9. juna, izložba se sastojala od 30 odabranih umjetničkih djela koja su pružila uvid u raznolike škole španske umjetnosti.



KONCERT VOJNOG BENDA UJEDINJENOG KRALJEVSTVA

Na koncertu prestižnog Vojnog benda Ujedinjenog Kraljevstva, koji je održan u Starom Gradu, građani Sarajeva imali su priliku uživati u britanskoj vojnoj glazbi. Ovaj događaj rezultat je saradnje između Općine Stari Grad i Britanske ambasade, te je privukao veliku pažnju i oduševio posjetitelje.

KONCERT JAPANSKOG BENDA ONDEKOZA

Sarajevo je imalo priliku svjedočiti nastupu japanskog bubnjarskog benda ONDEKOZA, poznatog po energičnim nastupima koji spajaju tradicionalnu japansku muziku s modernim ritmovima. Ovaj koncert, koji je organiziran u saradnji s Ambasadom Japana, bio je dio šireg projekta "Dani država u Starom Gradu", a građani Sarajeva su uživali u jedinstvenoj tradiciji japanskog bubnjanja.



PREMIJERA EMISIJE „ODREDIŠTE FRANKOFONIJE: BOSNA I HERCEGOVINA“

Premijera emisije posvećene Bosni i Hercegovini, koja je emitirana na međunarodnom kanalu TV5 Monde, održana je u Starom Gradu. Emisija je usmjerena na promociju francuskog jezika i kulture u BiH, te jačanje kulturnih veza između Bosne i Hercegovine i frankofonih zemalja. Događaj je bio prilika za jačanje međusobnih odnosa i promociju Sarajevskog Starog Grada kao kulturne destinacije.




Ove manifestacije ne samo da promovišu kulturnu razmjenu, već i pomažu u jačanju prijateljskih odnosa između BiH i drugih zemalja. Projekt "Države u Starom Gradu" daje značajan doprinos kulturnoj dinamici Starog Grada i Sarajeva, omogućavajući građanima i turistima da dožive bogatstvo i raznolikost svjetskih kultura, a istovremeno jača turističku ponudu Starog Grada.





KULTURA KAO TEMELJ ZAJEDNIŠTVA: PROJEKTI PODRŽANI OD OPĆINE STARI GRAD SARAJEVO

Kultura je temelj svakog društva, jer ona povezuje ljude kroz tradiciju, umjetnost, obrazovanje i međusobno razumijevanje. U Bosni i Hercegovini, kulturne aktivnosti i projekti od velike su važnosti za očuvanje i promociju bogate kulturne baštine, ali i za razvoj novih kreativnih inicijativa koje doprinose društvenom i kulturnom razvoju. Ovdje su predstavljeni neki od najvažnijih projekata i inicijativa koji su podržani putem javnog poziva zbog svog značaja za kulturu u Sarajevu i Bosni i Hercegovini.



UDRUŽENJE AUSTRIJSKI BAL U BOSNI I HERCEGOVINI

Udruženje Austrijski bal organizovao je prestižni događaj koji je postao simbol kulturne razmjene između BiH i Austrije. Četvrti bal ima za cilj povezivanje različitih kulturnih i društvenih slojeva, kao i promociju tradicionalnih evropskih balova u Sarajevu.



UDRUŽENJE PROMOKULTURA „ART KUĆA SEVDAHA“ - PROJEKAT: OBILJEŽAVANJE 16. GODINA POSTOJANJA ART KUĆE SEVDAHA

Art kuća sevdaha ima posebnu misiju u očuvanju i promociji sevdalinke, tradicionalne bošnjačke muzike. Obilježavanje 16 godina njenog postojanja obuhvatio je niz kulturnih i muzičkih manifestacija.





INSTITUT YUNUS EMRE SARAJEVO, POD POKROVITELJSTVOM AMBASADE REPUBLIKE TURSKE U SARAJEVU PROJEKAT: ZA UČENIKE OSNOVNIH ŠKOLA „DJEČIJI FESTIVAL“ U ZENIČKOJ ARENI

Ovaj projekat omogućava tursku kulturnu razmjenu sa lokalnim zajednicama, omogućujući djeci iz BiH da učestvuju u kulturnim i edukativnim aktivnostima kroz zabavu i učenje.

UDRUŽENJE ZA EDUKACIJU I UMJETNOST „STRIPI“ PROJEKAT: DANI OPĆINE STARI GRAD SARAJEVO 2024

Projekat se bavi promovisanjem strip kulture u Sarajevu, kroz edukativne i kreativne radionice, te organizaciju izložbi u okviru manifestacije posvećene općini Stari Grad.

UDRUŽENJE „OBOJENA KLAPA“ PROJEKAT: „FASADA FESTIVAL 2024“

Festival je posvećen umjetnosti i arhitekturi, s naglaskom na kulturnu baštinu i kreativnu upotrebu urbanih prostora u Sarajevu.



UDRUŽENJE VIJEĆE KONGRESA BOŠNJAČKIH INTELKTUALACA -PROJEKAT: URED ZA KOORDINACIJU BOŠNJAČKIH NACIONALNIH VIJEĆA

Inicijativa koja se bavi povezivanjem intelektualaca, kulturnih radnika i nacionalnih vijeća, u cilju jačanja bošnjačkog kulturnog identiteta.

UDRUŽENJE „MALI AMBASADORI“ PROJEKAT: MALI AMBASADORI SARAJEVA 2024

Inicijativa koja se bavi povezivanjem intelektualaca, kulturnih radnika i nacionalnih vijeća, u cilju jačanja bošnjačkog kulturnog identiteta.

UDRUŽENJE GRAĐANA KULTURNO-UMJETNIČKOG DRUŠTVA „LOLA“ PROJEKAT: III INTERNACIONALNI FESTIVAL FOLKLORA SARAJEVO

Festival okuplja folklorne grupe iz raznih zemalja, omogućujući kulturnu razmjenu i promociju tradicionalne muzike, plesa i običaja.

UDRUŽENJE ZA RAZVOJ KULTURE I UMJETNOSTI „BALETI“ - PROJEKAT: BALET FEST SARAJEVO


Balet Fest Sarajevo je manifestacija koja promovise klasičnu baletnu umjetnost kroz predstave i edukativne programe za mlade balerine i baletane.

UDRUŽENJE „GREEN ART“ PROJEKAT: „ČEPOĆILIM“

Ovaj projekat spaja umjetnost, ekologiju i društvene inovacije, s ciljem podizanja svijesti o važnosti očuvanja okoliša kroz umjetnički izraz.

DRUŠTVO PISACA U BIH PROJEKAT: „63. SARAJEVSKI DANI POEZIJE“

Ova manifestacija okuplja pjesnike iz BiH i svijeta, promovisući poeziju kao oblik kulturnog izraza i intelektualne razmjene.



UDRUŽENJE ZA INTERNACIONALNI RAZVOJ MUZIKE, TEATRA I MULTIMEDIJE PROJEKAT: „IMTM MUZIČKI TEATAR“ – „AT THE BALLET“

Projekt koji spaja balet i muzičko-pozorišne predstave, istražujući nove oblike multimedijalne umjetnosti i scenskih performansa.

UDRUŽENJE FILMSKIH RADNIKA U FBIH - PROJEKAT: „EVROPSKA FILMSKA BLAGA – BAŠČARŠIJA“

Projektat se bavio revizijom i promocijom evropskog filmskog naslijeđa, kroz filmske projekcije, diskusije i edukaciju filmske publike.

UDRUŽENJE FONDACIJA „SIDRAN“ PROJEKAT: „SIDRANOVI DANI“

Projektat posvećen promovisanju djela i naslijeđa pisca i intelektualca Abdulah Sidrana, kroz niz književnih i kulturnih aktivnosti.

UDRUŽENJE CENTAR ZA RAZVOJ I PROMOCIJU NOVIH TEHNOLOGIJA I ESPORTA ARENA PROJEKAT: „CONNECT CON“

Projektat koji integrira tehnologiju i umjetnost, organizujući esport događaje, tehničke inovacije i interaktivne kulturne manifestacije.

UDRUŽENJE ZA RAZVOJ I AFIRMACIJU DRUŠTVA BUILDING NEW LIVES „BNL“ PROJEKAT: „COOL UP BAZAR“

Projektat koji nudi edukativne i kulturne radionice, kao i prodajne manifestacije, s ciljem poticanja kreativnosti i inovacija među mladima.

UDRUŽENJE UMJETNIKA „MIMIKA“ PROJEKAT: FESTIVAL UMJETNOSTI MIMIKA

Festival koji okuplja likovne i primijenjene umjetnike, promovišući stvaralaštvo i inovativne umjetničke projekte.





UDRUŽENJE KULTURNO UMJETNIČKO DRUŠTVO „BAŠČARŠIJA“ KUD PROJEKAT: „SVE BOJE TRADICIJE“

Projekat posvećen očuvanju kulturnih tradicija kroz folklorne nastupe, radionice i izložbe, s posebnim naglaskom na bošnjačke običaje.

UDRUŽENJE MLADIH UMJETNIKA - PROJEKAT: „16. OMLADINSKI FILM FESTIVAL SARAJEVO-OTVORENO KINO STARI GRAD“

Filmski festival koji pruža priliku mladim filmskim stvarateljima da pokažu svoj rad i komuniciraju s publikom kroz otvoreno kino.



UDRUŽENJE „PRAVDA“ - PROJEKAT: DR. SPAHO-BOSNA IZMEĐU DVA SVJETSKA RATA

Edukativni projekt koji istražuje historijske aspekte Bosne i Hercegovine, s posebnim fokusom na period između dva svjetska rata



UDRUŽENJE ZA PROMOCIJU KULTURE „FANI“ PROJEKAT: FESTIVAL DJEČIJE UMJETNOSTI FEDU 2024

Projekat koji promovise umjetnost među djecom, uključujući ples, muziku, likovnu umjetnost i dramske performanse.

UDRUŽENJE ZA OČUVANJE I PROMOVIRANJE KULTURNE BAŠTINE „ARTEUM“ PROJEKAT: SARAJEVSKA MUZIČKA SCENA, MULTIMEDIJALNA IZLOŽBA I KULTURNO MUZIČKA MANIFESTACIJA

Projekt koji istražuje bogatstvo sarajevske muzičke scene kroz izložbe, koncerte i kulturne događaje.



UDRUŽENJE KULTURNO UMJETNIČKO DRUŠTVO „BISERI SEVDAHA“

Projekat: Integracija zdrave dječije populacije i djece sa poteškoćama u razvoju kroz muziku, pjesmu i folklornu igru

Projekat koji koristi sevdah i folklorne igre kao alat za integraciju djece s posebnim potrebama

UDRUŽENJE ZA RAZVOJ MUZIČKE UMJETNOSTI I PEDAGOGIJE „STRINGS ATTACHED SINFONIETTA“ PROJEKAT: EKFRASTIČKE TEME

Projekat posvećen razvoju novih muzičkih forma koje povezuju likovnu i muzičku umjetnost.

UDRUŽENJE DRAMSKIH GLUMACA „MUNDO MONDO“

Projekat: Moja prva predstava za prvačice Starog Grada

Inicijativa koja nudi djeci prve kazališne doživljaje, kroz predstave koje su edukativne i zabavne

UDRUŽENJE MODERNO DRUŠTVO – REALIZACIJA DJEČIJEG SAJMA „KIDS FAIR“

Projekat posvećen djeci i njihovom razvoju kroz edukativne i kreativne aktivnosti.

UNIVERZITET U SARAJEVU – FARMACEUTSKI FAKULTET

Svečana sjednica povodom obilježavanja 50 godina rada Univerziteta u Sarajevu-Farmaceutski fakultet

Ovaj projekt slavi obrazovne i naučne uspjehe farmaceutskog fakulteta kroz kulturne i edukativne manifestacije.

UDRUŽENJE PALESTINSKE ZAJEDNICE – PRUŽANJE FINANSIJSKE PODRŠKE PALESTINSKIM STUDENTIMA

Ovaj projekat se bavi pružanjem pomoći palestinskim studentima u BiH kroz stipendije i druge oblike finansijske pomoći.





UDRUŽENJE „ZONA UNAPRIJEĐENOG POSLOVANJA BAŠČARŠIJA“ ZUP BAŠČARŠIJA PROJEKAT: „SARAJEVO SEVDAH SOIRES TOKOM SARAJEVO FILM FESTIVALA“

Kulturna manifestacija koja spaja sevdah i filmsku industriju, stvarajući mostove između kulturnih formi i globalnih umjetničkih događanja. svoje interpretacije sevdalinke publici predstavili: Hanka Paldum, Alma Subašić, Amira Medunjanin, Jusuf Brkića i Zanin Berbić, te Eldin Huseinbegović.





KULTURA SJEĆANJA

Delegacije Općine Stari Grad Satajevo obilježile su mnoga važna historijska sjećanja i godišnjice vezane za ratne događaje i žrtve, kao i heroje iz perioda odbrambeno-oslobodilačkog rata, te sjećanja na stradale civile u Starom Gradu.



DAN FORMIRANJA BRIGADA ARMIJE RBIH PRVI PUT OBILJEŽEN JEDINSTVENIM DATUMOM U STAROM GRADU

U Memorijalnom centru Sarajevo u općini Stari Grad, svečanom akademijom i polaganjem cvijeća na osam spomen-obilježja, obilježen je Dan formiranja brigada Armije Republike Bosne i Hercegovine. Ove brigade dale su neprocjenjiv doprinos odbrani nezavisnosti i cjelovitosti BiH, te očuvanju hiljadugodišnje tradicije suživota u Starom Gradu. Odlukom Općinskog vijeća Stari Grad Sarajevo, prvi put je 28. septembar utvrđen kao jedinstven datum obilježavanja ovog značajnog događaja. Time je ojačana kultura sjećanja i iskazana počast herojima čija je žrtva temelj naše slobode. Događaj je okupio predstavnike vlasti, borce i građane, simbolizirajući zajedništvo i sjećanje na ključne trenutke iz naše historije.







PRVI MART DAN NEZAVISNOSTI BOSNE I HERCEGOVINE


Delegacije Općine Stari Grad aktivno učestvuju u svim obilježavanjima i manifestacijama povodom Dana nezavisnosti Bosne i Hercegovine. Obilazak Šehidskog mezarja Kovači, mezara Prvog predsjednika Republike BiH Alija Izetbegović, spomen-obilježje Vječna vatra, spomen-obilježje ubijenoj djeci opkoljenog Sarajeva 1992-1995, spomen-obilježje ubijenim policajcima u Velikom parku, spomen park Vraca





25. NOVEMBAR DAN DRŽAVNOSTI BOSNE I HERCEGOVINE

Delegacije Općine Stari Grad aktivno učestvuju u svim obilježavanjima i manifestacijama povodom Dana državnosti Bosne i Hercegovine. Obilazak Šehidskog mezarja Kovači, mezara Prvog predsjednika Republike BiH Alija Izetbegović, spomen-obilježje Vječna vatra, spomen-obilježje ubijenoj djeci opkoljenog Sarajeva 1992-1995, spomen-obilježje ubijenim policajcima u Velikom parku, spomen park Vraca.



POSJETA UDRUŽENJU "CRNI LABUDOVI"

Načelnik Čengić i vijećnik Vedad Deljković posjetili su Udruženje boraca Crni labudovi

30. GODIŠNJICA MASAKRA NA PIJACI MARKALE

sjećanje uz polaganje cvijeća i prisustvo delegacija na 68 ubijenih i 142 ranjena građana Sarajevu,.

79. GODIŠNJICA OSLOBOĐENJA SARAJEVA OD FAŠISTA

Obilježena posjetom spomen-obilježjima.

DAN GRADA SARAJEVA (06. APRIL)

Obilježen polaganjem cvijeća na Vječnoj vatri, Kovačima, i Spomeniku ubijenoj djeci Sarajeva.

DAN ŠEHIDA

Sjećanje na borce polaganjem cvijeća na Šehidskom mezarju Kovači.

32. GODIŠNJICA FORMIRANJA ARMIIJE RBiH

Obilježena polaganjem cvijeća na Šehidskom mezarju Kovačima.

POČAST CIVILNIM ŽRTVAMA RATA DŽEVADU RESIĆU I SENADU ŠEĆEROVIĆU

Polaganjem cvijeća na spomen-obilježju.

SJEĆANJE NA HEROJE ODREDA ŠIROKAČA

Obilježeno polaganjem cvijeća na spomen-obilježju.

SJEĆANJE NA UBIJENU DJECU SARAJEVA (1992-1995)

Obilježeno 5. maja.

DAN ZLATNOG LJILJANA I DAN EVROPE

Polaganje cvijeća na Kovačima i spomenicima.

KOMEMORACIJA ZA KOMANDANTA ZELENIH BERETKI ENVERA ENE ŠAKIĆA

Polaganje cvijeća na mezar.





OBILJEŽENA GODIŠNJICA POGIBIJE ŠEFA MEĐUNARODNOG CRVENOG KRSTA FREDERICA MAURICEA.

32. GODIŠNJICA POSTROJAVANJA PRVE BRIGADE POLICIJE STARI GRAD

Obilježena na Trgu Oslobođenja - Alija Izetbegović, defileom kroz grad do Trga Prve brigade policije

DAN MALOLJETNOG BORCA OPĆINE STARI GRAD

Sjećanje na maloljetnog borca Aliju Oruča – Obilježeno na Trebeviću.

OBILJEŽENA 32. GODIŠNJICA MASAKRA NA FERHADIJI

u kojem je ubijeno 26 i ranjeno 100građana

SJEĆANJE NA POGIBIJU 29 PRIPADNIKA PRVE BRDSKE BRIGADE STARI GRAD NA TREBEVIĆU

OBILJEŽENA 32. GODIŠNJICA BITKE ZA TREBEVIĆ

kao ključna bitka za odbranu Sarajeva

SJEĆANJE NA NEVINE ŽRTVE PORODICE BOJADŽI

i to ubijeno troje djece i jednog odraslog u Starom Gradu 9. juna 1992.

OBILJEŽENA GODIŠNJICA STRADANJA NA MEZARJU BUDAKOVIĆI

tokom trajanja dženaze 1993. godine.

POGIBIJA LEGENDARNOG KOMANDANTA ALIJE MILADINA

obilježeno polaganjem cvijeća na Šehidskom mezarju Kovači.

NA BORIJAMA OBILJEŽENA GODIŠNJICA FORMIRANJA DRUGE BRDSKE BRIGADE PRVOG KORPUSA ARMIJE R BiH



SJEĆANJE NA NAPAD NA BOSTARIĆE

Obilježena 32. godišnjica neprijateljskog napada

29. GODIŠNJICA UBISTVA TROJE DJECE U ULCI DŽENETIĆA ČIKMA 10

Obilježena polaganjem cvijeća na spomen - obilježju

31. GODIŠNJICA MASAKRA U ULCI BAKAREVIĆA

Obilježena polaganjem cvijeća na spomen - obilježju

SJEĆANJE NA MASAKR U ULCI HALAČI (BAŠČARŠIJA)

Kojom prilikom je poginulo 8 poginulih, a ranjeno 3 građana.

OBILJEŽENA 29. GODIŠNJICA MASAKRA KOD GRADSKO TRŽNICE

U kojem su život izgubila 43 građana dok ih je 84 ranjenih.

32. GODIŠNJICA FORMIRANJA PRVOG KORPUSA ARMIIJE RBIH

Obilježena polaganjem cvijeća na grobljima i spomenicima.

DANA FORMIRANJA BRIGADA ARMIIJE RBIH

Trg oslobođenja Alija Izetbegović, spomen obilježje pripadnicima Prve brigade policije Stari Grad

SJEĆANJE NA UBIJENU DJECU SARAJEVA (1992-1995)

Obilježeno 5. maja.

SJEĆANJE NA TETKU ZILKU

Tri godine od smrti tetke Zilke, dugogodišnje upravnice Narodne kuhinje Stari Grad

OBILJEŽENA 31. GODIŠNJICA UBISTVA DEVET POLICAJACA MUP-A





GODIŠNJICA SMRTI PRVOG PREDsjedNIKA RBIH ALIJE IZETBEGOVIĆA OBILJEŽENA NA ŠEHIDSKOM MEZARJU KOVAČI

31. GODIŠNJICE UBISTVA OSAM GRAĐANA SARAJEVA U ULICI GIMNAZIJSKA

,Kod Osnovne škole "Safvet-beg Bašagić"

ODATA POČAST UBIJENOJ DJECI IZ VREMENA OPSADE




Delegacija Općine Stari Grad Sarajevo, predvođena načelnikom Irfanom Čengićem i predsjedavajućim Općinskog vijeća Stari Grad Seidom Škaljićem, položila je cvijeće i odala je počast na spomen-obilježju posvećenom ubijenoj djeci iz opkoljenog Sarajeva u periodu od 1992. do 1995. godine. Ovom događaju prisustvovala su i delegacije iz općina Osmangazi Bursa, Karşıyaka Izmir, Makarska, Bar, Peć i Olovo, koji su bili gosti Općine Stari Grad Sarajevo povodom 2. maja, Dana Općine.

REALIZOVAN PROJEKAT „BITKA NA NERETVI“



Udruženje Antifašista i boraca narodnooslobodilačkog rata Općine Stari Grad Sarajevo uspješno je realizovalo projekat „Bitka na Neretvi“, koji je obilježio značajnu bitku iz Drugog svjetskog rata. Kroz edukativne aktivnosti i tribine, projekt je odavao počast borcima i promovirao antifašističke vrijednosti, okupljajući zajednicu i mlade na sjećanju na heroizam i slobodoljublje

IZGRADNJA SPOMEN OBILJEŽJA



Cijeneći da na području Općine Stari Grad Sarajevo nema centralno spomen obilježje, kao i da je neophodno uspostaviti prostor u svrhu sjećanja na one koji su dali živote za slobodu ove države, izrađen je idejni projekat za uspostavu centralnog spomen obilježja, te je pribavljena saglasnost nadležnih institucija. Također, pribavljena je saglasnost za sanaciju spomen obilježja na Markalama. Pripremljena je tenderska dokumentacija, te se očekuje objavljivanje postupka javne nabavke tokom januara 2025. godine.



ISPRAĆAJ 14 ŽRTVA GENOCIDA U SREBRENICI, KLANJANA DŽENAZA I POLOŽENO CVIJEĆE ZA ŽRTVE GENOCIDA U SREBRENICI

Delegacije Općine Stari Grad i ove godine su obilježile 11. juli Međunarodni Dan sjećanja na genocid u Srebrenici. Prvi put 11. juli obilježava se i kao “Međunarodni dan sjećanja i obilježavanja genocida počinjenog u Srebrenici 1995. godine”, nakon što je 23. maja 2024. godine Generalna skupština Ujedinjenih nacija izglasala Rezoluciju o genocidu u Srebrenici.

“Naša trajna obaveza je da čuvamo od zaborava žrtve genocida u Srebrenici, našu najbolnju ranu”, istakao je ovom prilikom načelnik Čengić.





POBOLJŠANJE USLOVA RADA I ŽIVOTA PRIPADNIKA BORAČKE POPULACIJE

Općina Stari Grad Sarajevo nastavila je s pružanjem podrške boračkim udruženjima kroz povećana izdvajanja finansijskih sredstava iz Budžeta Općine u 2024. godini, u odnosu na prethodne godine.



DODJELA GRANTOVA ZA RAD BORAČKIH UDRUŽENJA

Prije svega dodjeljeni su grantovi su za rad i funkcionisanje sljedećih udruženja: Udruženje boraca "Dobitnika ratnih priznanja i odlikovanja" Općine Stari Grad Sarajevo, Udruženje boraca "Bosnae-Zelene beretke" Općine Stari Grad Sarajevo, Udruženje "Ratnih vojnih invalida Stari Grad Sarajevo", Udruženje boraca "115.brigada" Stari Grad, Udruženje "2. brdska brigada", Udruženje "Savez udruženja boraca odbrambeno-oslobodilačkog rata 1992-1995" Općine Stari Grad Sarajevo, Udruženje "Organizacije porodica šehida i poginulih boraca" Stari Grad Sarajevo i Udruženje "Organizacije porodica šehida i poginulih boraca" Stari Grad Sarajevo.

Povećanje iznosa granta omogućit će ovim organizacijama da nastave sa svojim aktivnostima koje uključuju pomoć borcima, organizovanje edukativnih programa, kao i održavanje spomenika i kulturnih događanja posvećenih hrabrim borcima koji su dali život za odbranu domovine.

DODIJELJENE JEDNOKRATNE POMOĆI RATNIM VOJNIM INVALIDIMA, DEMOBILISANIM BORCIMA I PORODICAMA ŠEHIDA I POGINULIH BORACA

Na Dan Općine Stari Grad, organizovano je druženje sa porodicama šehida i poginulih boraca, ratnim vojnim invalidima i demobilisanim borcima. Ova manifestacija bila je prilika za odavanje počasti i pružanje podrške onima koji su dali nemjerljiv doprinos odbrani BiH.

Tom prilikom, načelnik Općine Stari Grad Irfan Čengić i predsjedavajući Općinskog vijeća Seid Škaljić dodijelili su jednokratne novčane pomoći u iznosu od 100 KM. Sredstva su uplaćena na račune 100 porodica šehida i poginulih boraca, 70 ratnih vojnih invalida i 30 demobilisanih boraca.



POBOLJŠANJE USLOVA STANOVANJA PORODICA PRIPADNIKA BORAČKE POPULCIJE

Općina Stari Grad Sarajevo i Ministarstvo za boračka pitanja je zaključilo Sporazum o međusobnoj saradnji za poboljšanje uslova stanovanja porodica pripadnika boračke populacije, te je proveden postupak javne nabavke i zaključen okvirni sporazum za sanaciju stambenih jedinica, ukupno deset. U decembru 2024. godine, započeti su radovi na sanaciji prvog stana, te se u toku 2025. godine očekuje realizacija ovog projekta u cjelosti, te dodjela deset stambenih jedinica za deset boračkih porodica.

SANACIJA STAMBENIH OBJEKATA U ULCI ALIJE NAMETKA

Općina Stari Grad Sarajevo okončala je radove na sanaciji krova na stambenim jedinicama u ulici Alije Nametka, u Mjesnoj zajednici Medrese, o u kojima su smješteni pripadnici boračke populacije u stanju socijalne potrebe. Ovi radovi obuhvatili su osim sanacije krova i renoviranje kupatila u jednom od stanova.



Podrška Općine Stari Grad borcima i njihovim udruženjima

Općina Stari Grad kontinuirano pruža podršku udruženjima boraca, ne samo za njihov rad nego i za projekte, za koje smo u toku 2024. godine izdvojili značajna sredstva, a koja su dodjeljena putem javnog poziva.



**SAVEZ UDRUŽENJA BORACA
ODBRAMBENO-OSLOBODILAČKOG
RATA 1992-1995 OPĆINE STARI GRAD
SARAJEVO - PROJEKT:
"OBILJEŽAVANJE 2. MAJA - DANI
OPĆINE STARI GRAD SARAJEVO"**

Savez Udruženja boraca odbrambeno-oslobodilačkog rata 1992-1995 Općine Stari Grad Sarajevo organizovao je obilježavanje 2. maja, dana kada je Općina Stari Grad postala simbol borbe za slobodu. Ovaj projekat uključivao je niz kulturnih i vjerskih manifestacija, te sportske aktivnosti koje okupljaju borce, njihove porodice i sve građane u zajedničkom sjećanju na herojske trenutke iz ratnog perioda.

UDRUŽENJE GRAĐANA ŽRTAVA RATA „92-95“ „16 APRIL“ AHMIĆI - PROJEKAT: OBILJEŽAVANJE 16. APRILA, 31. GODIŠNJICE ZLOČINA HVO-A NAD BOŠNJAČKIM STANOVNIŠTVOM AHMIĆA, DONJE VEČERISKE I DRUGIH MJESTA OPĆINE VITEZ

Udruženje „16 APRIL“ iz Ahmića posvećeno je obilježavanju 16. aprila, dana kada se dogodio zločin nad Bošnjačkim stanovništvom u Ahmićima, Donjoj Večeriskoj i drugim mjestima Općine Vitez. Projektom se nastojalo očuvati sjećanje na žrtve ovog strašnog događaja, te educirati šira javnost o značaju istine i pravde za sve žrtve rata.

UDRUŽENJE „PRVA BRIGADA POLICIJE STARI GRAD SARAJEVO“ - PROJEKAT: OBILJEŽAVANJE 32. GODIŠNJICE POSTROJAVANJA PRIPADNIKA PRVE BRIGADE POLICIJE STARI GRAD SARAJEVO

Udruženje „Prva brigada policije Stari Grad Sarajevo“ organizovalo je obilježavanje 32. godišnjice postrojavanja pripadnika ove prestižne brigade. Ovaj projekat imao je za cilj odavanje počasti svim članovima brigade, koji su se herojski borili za zaštitu grada i građana Sarajeva. Aktivnosti su uključivale ceremonijalne događaje, izložbe i sportske manifestacije.



UDRUŽENJE ORGANIZACIJA PORODICA ŠEHIDA I POGINULIH BORACA OPĆINE STARI GRAD SARAJEVO PROJEKAT: OBILJEŽAVANJE 30 GODINA OD OSNIVANJA ORGANIZACIJE PORODICA ŠEHIDA I POGINULIH BORACA STARI GRAD SARAJEVO

Udruženje porodica šehida i poginulih boraca Općine Stari Grad organizovalo je obilježavanje 30 godina od svog osnivanja. Ovaj jubilej je obilježen kroz niz manifestacija koje su uključivale zajedničke susrete, te promociju važnosti očuvanja sjećanja na žrtve rata. Projekt je omogućio porodicama šehida da se okupe i odaju počast svojim najmilijima.



UDRUŽENJE „MALOLJETNI BORCI ARMİJE REPUBLIKE BIH - OSG“ PROJEKAT: OBILJEŽAVANJE DANA MALOLJETNIH BORACA ARMİJE R BiH

Udruženje maloljetnih boraca Armije Republike BiH organizovalo je obilježavanje Dana maloljetnih boraca, posvećenog hrabrim mladim ljudima koji su dali svoj doprinos borbi za opstanak Bosne i Hercegovine. Kroz ovaj projekat, cilj je bio ukazati na važnost maloljetnih boraca i njihovog nesebičnog angažmana u ratnim uvjetima.

SAVEZ UDRUŽENJA BORACA ODBRAMBENO-OSLOBODILAČKOG RATA 1992-1995 OPĆINE STARI GRAD SARAJEVO - PROJEKAT: VETERANSKE SPORTSKE IGRE

Savez Udruženja boraca organizovao je 8. Veteranske sportske igre, koje su okupljale borce iz cijele Općine Stari Grad. Ove igre imale su za cilj ne samo očuvanje fizičke aktivnosti i zdravlja boraca, već i promicanje međusobne solidarnosti i zajedništva među veteranskim organizacijama.



UDRUŽENJE ORGANIZATORA OTPORA, VETERANA RATA DOBROVOLJACA, PRVOBORACA I BRANILACA „BOSNAE-ZELENE BERETKE“ - PROJEKAT: SPOMEN ŠEHIDIMA I POGINULIM BORGIMA ZELENIH BERETKI

Udruženje „Bosna-Zelene beretke“ organizovalo je spomen aktivnosti posvećene šehidima i poginulim borcima Zelenih beretki. Projekt je uključivao podizanje spomen-ploča, organizaciju komemoracija i edukaciju mladih o značaju borbe Zelenih beretki za slobodu Bosne i Hercegovine.





Općina osigurala sredstva za značajne projekte: Podrška memorijalnim centrima

Općina Stari Grad Sarajevo nastavila je s pružanjem finansijske podrške institucijama i organizacijama koje igraju ključnu ulogu u očuvanju historijskog naslijeđa i pružanju pomoći građanima. U 2024. godini, Općina Stari Grad osigurala je grantove za značajne projekte, koji su realizovani kroz rad sljedećih ustanova: Javna ustanova "Memorijalni centar Sarajevo" i Memorijalni centar Srebrenica – Potočari.

PODRŠKA MEMORIJALNOM CENTRU SARAJEVO

Općina Stari Grad nastavlja pružati podršku Memorijalnom centru Sarajevo, ustanovi koja čuva sjećanje na stradanje građana Sarajeva tokom agresije 1992-1995. Sredstva koja su odobrena pomoći će u unapređenju rada centra, održavanju objekata i organizovanju edukativnih programa, posebno za mlade generacije. Na ovaj način Općina se posvećuje očuvanju historije i istine o događanjima koja su oblikovala sudbinu grada.



PODRŠKA MEMORIJALNOM CENTRU SREBRENICA - POTOČARI

Memorijalni centar Srebrenica - Potočari, simbol tragedije i otpora, također je dobio značajnu podršku Općine Stari Grad Sarajevo. Sredstva su usmjerena na održavanje kompleksa i organizovanje edukativnih aktivnosti, kako bi se očuvalo sjećanje na žrtve genocida. Općina Stari Grad Sarajevo na ovaj način doprinosi očuvanju historijske istine o genocidu i jačanju svijesti o svim tragičnim događanjima.





PROGLAŠENJE BORAČKIH UDRUŽENJA UDRUŽENJIMA OD POSEBNOG ZNAČAJA ZA OPĆINU STARI GRAD SARAJEVO

Pripadnici boračke populacije su dali svoje živote u odbrani države Bosne i Hercegovine, te nemjerljiv i neprocjenjiv doprinos u borbi za nezavisnost i cjelovitost Bosne i Hercegovine, čime je odbranjena i hiljadugodišnja tradicija suživota na području Općine Stari Grad Sarajevo.

Uzimajući ovo u obzir, kao i značaj kulture sjećanja na period 1992.-1995. godine, a u okviru kontinuirane brige o boračkoj populaciji, Općinski načelnik je predložio Općinskom vijeću donošenje Odluke o proglašenju sljedećih udruženja od udruženja od posebnog značaja za Općinu Stari Grad Sarajevo:

- Udruženje Organizacija porodica šehida i poginulih boraca Stari Grad,
- Udruženje boraca „Dobitnika ratnih priznanja i odlikovanja“ Općine Stari Grad Sarajevo,
- Udruženje ratnih vojnih invalida Stari Grad Sarajevo,
- Udruženje Jedinstvena organizacija boraca BiH „Unija veterana“ Općine Stari Grad,
- Udruženje „Savez udruženja boraca odbrambeno-oslobodilačkog rata 1992.-1995.“ Općine Stari Grad Sarajevo,
- Udruženje „Prva brigada policije Stari Grad“,
- Udruženje boraca „BOSNAE-ZELENE BERETKE“ Općine Stari Grad,
- Udruženje boraca „115. brigada“ Stari Grad,
- Udruženje „2. brdska brigada“.

Općinsko vijeće je utvrdilo nacrt odluke o proglašenju navedenih udruženja udruženjima od posebnog značaja.



OBRAZOVANJE I MLADI

Općina Stari Grad Sarajevo nastavlja sa nesebičnim ulaganjem u mlade, sa posebnim akcentom na sportske aktivnosti i događaje. U posljednjem periodu, Općina Stari Grad, predvođena općinskim načelnikom Irfanom Čengićem pružila je podršku mladim academicima, sportistima i sportskim manifestacijama.



ULAGANJE U MLADOST STAROG GRADA

Općina Stari Grad Sarajevo za ovu školsku i akademsku godinu obezbijedila je stipendije za 405 učenika i studenata. Ova godina predstavlja rekordnu investiciju u obrazovanje putem stipendiranja, s iznosom od čak 615.000 KM izdvojenim iz budžeta Općine, što je najveći iznos ikad odvojen za ovu svrhu. Ovaj potez jasno pokazuje predanost lokalne uprave u poticanju mladih talenata i njihovog napretka. Visina stipendija od 150 KM za učenike i 200 KM za studente pruža značajnu podršku tokom devet mjeseci školske godine.

BESPLATAN ŠKOLSKI PREVOZ UČENICIMA STAROG GRADA

Učenici osnovnih škola u Starom Gradu imaju besplatan školski prevoz, a sve zahvaljujući uspješnoj saradnji Općine Stari Grad Sarajevo i Ministarstva saobraćaja Kantona Sarajevo.

Projekat, kojim se svake godine izdvaja oko 360.000 KM, osigurava besplatan prevoz od prvog dana školske godine. Kroz Sporazum o saradnji, ova inicijativa pruža siguran i redovan dolazak na nastavu za 300 učenika iz škola "Vrhbosna", "Saburina", "Mula Mustafa Bašeskija" i "Šejh Muhamed ef. Hadžijamaković", koji se suočavaju s nedostatkom redovnog gradskog prevoza i žive na većim udaljenostima od svojih obrazovnih ustanova.

PAMETNE TABLE ZA OŠ „MULA MUSTAFA BAŠESKIJA“

Općina Stari Grad je podržala značajan projekat unapređenja obrazovanja u OŠ "Mula Mustafa Bašeskija" putem nabavke pametnih tabli. Ovaj korak ima za cilj modernizaciju školskog sistema kroz integraciju najnovije tehnologije, s fokusom na unapređenje nastavnih metoda i poboljšanje kvalitete obrazovanja.



OPĆINA PRUŽA PODRŠKU MLADIMA KROZ BESPOVRATNA SREDSTVA ZA POLAGANJE VOZAČKOG ISPITA

Općina Stari Grad Sarajevo nastavila je realizaciju inicijative koja mladima s područja općine omogućava bespovratna finansijska sredstva za refundaciju dijela troškova polaganja vozačkog ispita „B“ kategorije, čime je ukupno do sada 104 mladih osoba dobilo podršku

RAZGOVOR SA NAJUSPJEŠNIJIM STUDENTIMA STAROG GRADA

Predsjedavajući Općinskog vijeća Stari Grad Seid Škaljić ugostio je četiri starogradska studenta, dobitnika najznačajnijih obrazovnih priznanja u Kantonu Sarajevo, zlatne i srebrene značke Univerziteta u Sarajevu. Džejlana Alić, Enida Dučić, Faruk Cikotić i Mirza Hasić mladi su diplomanti II ciklusa studija Pravnog fakulteta u Sarajevu. Zbog izuzetnih rezultata i ocjena koje su postigli tijekom studija, Univerzitet u Sarajevu im je dodijelio zlatne i srebrene značke. Inače, ukupno je 12 studenata iz Općine Stari Grad dobilo ovo vrijedno priznanje Univerziteta u Sarajevu. Krajem maja Općina Stari Grad objavila je Javni poziv za nagrađivanje studenata dobitnika priznanja.



STAROGRADSKI OSNOVCI POSJETILI MUZEJ „ALIJA IZETBEGOVIĆ“

Općina Stari Grad pokrenula je projekat kojim su svi maturanti osnovnih škola iz Starog Grada posjetili Muzej „Alija Izetbegović“. Muzej, smješten u Vratničkim kulama, čuva sjećanje na život i djelo Alije Izetbegovića, prvog predsjednika Predsjedništva BiH, simbola borbe za neovisnost i zajedništvo. Ova inicijativa doprinosi edukaciji mladih o historiji i multikulturalnim vrijednostima Bosne i Hercegovine.



UČENICI EDUKATIVNOG CENTRA NOVA KASABA POSJETILI OPĆINU

Učitelji i 125 učenika Edukativnog centra Nova Kasaba posjetili su Općinu Stari Grad Sarajevo, gdje su ih dočekali načelnik Irfan Čengić i Općinsko rukovodstvo. Program posjete uključivao je obilazak starogradske jezgre, Muzeja ratnog djetinjstva i vožnju Trebevičkom žičarom. Organizovan je zajednički ručak s načelnikom Čengićem i Općinskim vijećnicima. Načelnik je izrazio zadovoljstvo što su učenici iz Nove Kasabe posjetili Sarajevo, naglasivši da je za mnoge od njih ovo bio prvi susret s gradom.



OPĆINA SUBVENCIONIRA TROŠKOVE PRIJEVOZA ZA DJECU I OSOBE S INVALIDITETOM

Općinsko vijeće Stari Grad Sarajevo donijelo je novi Pravilnik o subvencioniranju troškova prijevoza za djecu predškolskog uzrasta i osobe sa teškoćama i invaliditetom. Ova mjera osigurava da djeca koja pohađaju vrtiće i osobe sa invaliditetom koje učestvuju u okupacijskim radionicama mogu lakše dolaziti do obrazovnih i rehabilitacijskih institucija. Program subvencija također uključuje i pratiocce ovih osoba, čime se omogućava bolja socijalna integracija. Kako bi ostvarili pravo na subvenciju, korisnici moraju ispunjavati određene uslove, uključujući prebivalište na području općine Stari Grad, državljanstvo BiH i dokazano invaliditet ili teškoće



ODRŽAN 9. DJEČIJI SAJAM U SARAJEVU

U novembru 2024. godine, u Sarajevu je održan 9. Dječiji sajam, najveća manifestacija u BiH posvećena djeci i roditeljima. Slogan ovogodišnjeg sajma, "Bez briga, samo igra", stavlja akcenat na prevenciju mentalnih problema kod djece. U svom obraćanju prisutnima, načelnik Općine Stari Grad Sarajevo, Irfan Čengić, naglasio je važnost mentalnog zdravlja djece i potrebu za ranim prepoznavanjem socijalnih i emocionalnih problema.



OPĆINA PODRŽALA ODRŽAVANJE GIMNAZIJADE 2024. GODINE

Jedno od najvećih sportskih takmičenja među gimnazijalcima, Gimnazijada 2024, održano je uz značajnu podršku Općine Stari Grad. Ovaj događaj okupio je učenike sarajevskih gimnazija koji su se takmičili u futbolu, košarci, odbojci i stonom tenisu, a svi takmičari pokazali su izuzetnu sportsku vještinu i timsku koheziju. Načelnik Irfan Čengić prisustvovao je otvaranju događaja, ističući važnost ovakvih manifestacija u promociji zdravog načina života i izgradnji zajedništva među mladima.

ODRŽANA MANIFESTACIJA "NAŠE NEBO IZVRSNOSTI" U STAROM GRADU

U junu 2024. godine, na Trgu Prve policijske brigade održana je manifestacija "Naše nebo izvrsnosti", koja je privukla veliki broj učesnika. Događaj je bio posvećen dodjeli diploma najuspješnijim učenicima, zahvalnica nastavnicima koji su ih pripremali, te školama domaćinima za školsku 2023/2024. godinu. Manifestacija je organizovana u skladu sa Kalendarom takmičenja i smotri, a prisutni su bili predstavnici Općine Stari Grad Sarajevo, učenici, roditelji, nastavnici i članovi školskih menadžmenta. Atmosfera je bila ispunjena ponosom i radošću dok su učenici i nastavnici primali zaslužene nagrade.

STAROGRADSKI OSNOVCI POSJETILI MUZEJ „ALIJA IZETBEGOVIĆ“

Općina Stari Grad pokrenula je projekat kojim su svi maturanti osnovnih škola iz Starog Grada posjetili Muzej „Alija Izetbegović“. Muzej, smješten u Vratničkim kulama, čuva sjećanje na život i djelo Alije Izetbegovića, prvog predsjednika Predsjedništva BiH, simbola borbe za neovisnost i zajedništvo. Ova inicijativa doprinosi edukaciji mladih o historiji i multikulturalnim vrijednostima Bosne i Hercegovine.





ŠKOLSKA 2024/2025. GODINA: POKLONI ZA 238 STAROGRADSKIH PRVAČIĆA

Svečano je obilježen prvi dan nove školske godine u starogradskim osnovnim školama, a općinski načelnik Irfan Čengić posjetio je sve škole u općini, uključujući i JU Zavod za specijalno obrazovanje i odgoj djece "Mjedenaica".

Svaka škola priredila je posebnu svečanost za svoje prvačiće, a Općina Stari Grad obezbijedila je ruksake i osnovni školski pribor za 238 učenika prvih razreda. Načelnik Čengić izrazio je zadovoljstvo što je prvi radni dan u mjesecu septembru proveo sa prvačićima, njihovim nastavnicima i roditeljima, te im poželio uspješan početak školske godine.

NASTAVAK PODRŠKE VIJEĆU MLADIH OPĆINE STARI GRAD

Vijeće mladih Općine Stari Grad Sarajevo dobilo je ovećana sredstva za rad, kao i podršku njihovom radu. također dogovorena je realizacija projekta omladinskog HUB-a u Kancelariji za mlade koji će se graditi 2025. godine





REALIZOVANI PROJEKTI U OBLASTI OBRAZOVANJA

Udruženja i organizacije uspješno su realizovala nekoliko značajnih projekata u oblasti obrazovanja, koji su imali za cilj unapređenje obrazovnih procesa, podršku djeci sa specifičnim potrebama i pružanje edukativnih iskustava koja doprinose razvoju mladih. Ovi projekti su obuhvatili različite aspekte obrazovanja, od mentalnog zdravlja i ranog razvoja do podrške djeci iz porodica boraca i civilnih žrtava rata.



UDRUŽENJE ZA RAZVOJ, KREATIVNOST I OKOLIŠ „AMAXIMUS“

„Uspjeh u školi i životu: razvojni i fiksirani mentalni sklop“
Projekt je obuhvatio multimedijalni performans koji je istraživao uticaj različitih mentalnih sklopova na uspjeh djece u obrazovnom sistemu i životu. Kroz kreativne pristupe i angažman stručnjaka, cilj je bio podići svijest o važnosti razvojne psihologije i mentalnog zdravlja, te pružiti djeci i roditeljima alate za bolji pristup obrazovanju i osobnom razvoju

UDRUŽENJE PODRŠKE DJECI I RODITELJIMA „LIBERI“

„Rana detekcija djece s odstupanjima u razvoju i podrška roditeljima“
Ovaj projekt fokusirao se na prepoznavanje rane detekcije odstupanja u razvoju kod djece i pružanje adekvatne podrške roditeljima. Kroz edukaciju i praktičnu pomoć, organizacija je nastojala unaprijediti pristup djeci s posebnim potrebama, pružajući im potrebnu terapiju i resurse za normalan razvoj i uključivanje u obrazovni sistem.



FOND KANTONA SARAJEVA ZA STIPENDIRANJE I ŠKOLOVANJE DJECE BORACA, POGINULIH BORACA I CIVILA-ŽRTAVA RATA „IKRE“

„Edukativno-rekreativno putovanje djece u Novi Vinodolski, Hrvatska“

Ovaj projekat omogućio je djeci iz porodica boraca i žrtava rata edukativno-rekreativno putovanje u Novi Vinodolski, Hrvatska. Cilj putovanja bio je pružiti djeci priliku za sticanje novih znanja i iskustava, kao i jačanje socijalnih veza među vršnjacima, uz razvoj edukativnih sadržaja koji uključuju kulturne i historijske teme.

Ovi projekti nisu samo doprinos obrazovnoj sferi, već i širem društvenom razvoju, stvarajući pozitivne promjene za djecu i njihove porodice.

Realizovani projekti u oblasti inkluzije

U okviru inkluzije, realizovano je nekoliko ključnih projekata koji su imali za cilj unapređenje životnih i obrazovnih uslova za osobe s poteškoćama u razvoju, invaliditetom i mentalnim smetnjama. Ovi projekti su obuhvatili različite aspekte društvene integracije, pružanja podrške i promicanja jednakih mogućnosti za sve, uz angažman i uključivanje zajednice u procese inkluzije.



UDRUŽENJE PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“

„Dajte nam šansu i Stari Grad zajedno za inkluzivan društveni razvoj“

Projekt je imao za cilj podizanje svijesti o važnosti inkluzije i integracije osoba s poteškoćama u razvoju u društvene tokove Općine Stari Grad. Kroz različite edukativne, kulturne i socijalne aktivnosti, nastojalo se osigurati ravnopravno učešće ove populacije u zajedničkom životu, kao i pružiti podršku njihovim porodicama.

FONDACIJA „BALANS“ – „PROMOCIJA INKLUZIJE“

Fondacija je kroz ovaj projekat radila na promociji inkluzije osoba s invaliditetom i mentalnim poteškoćama, podstičući širu društvenu zajednicu na prihvatanje različitosti i ravnopravno tretiranje svih. Kroz edukaciju, rad sa zajednicama i organizaciju događanja, fondacija je pomogla u razbijanju predrasuda i jačanju socijalne odgovornosti



UDRUŽENJE ZA PODRŠKU OSOBAMA SA MENTALNIM POTEŠKOĆAMA I INVALIDITETOM „MENSSANA“ – „FESTIVAL MENTALNOG ZDRAVLJA“

Ovaj projekt je organizovao Festival mentalnog zdravlja kako bi se ukazalo na važnost mentalnog zdravlja, posebno među osobama sa mentalnim poteškoćama. Kroz različite radionice, predavanja i aktivnosti, festival je omogućio bolju edukaciju i razumijevanje mentalnih bolesti, kao i društvenu integraciju osoba sa mentalnim izazovima.



UDRUŽENJE GLUHIH I NAGLUHIH FEDERACIJE BIH – „KURSEVI ZNAKOVNOG JEZIKA NA PODRUČJU OSG“

Udruženje je realizovalo projekte kurseva znakovnog jezika s ciljem lakše komunikacije i integracije osoba sa oštećenjem sluha. Kursevi su bili otvoreni za širu javnost, čime je doprinoseno jačanju inkluzije osoba s oštećenim sluhom u društvenu zajednicu, kao i boljoj međusobnoj komunikaciji



UDRUŽENJE DISTROFIČARA KS – „PODRŠKA OBOLJELIM OD DISTROFIJE SA PODRUČJA STAROG GRADA“


Projekt je imao za cilj pružiti podršku osobama oboljelim od distrofije sa područja Starog Grada kroz različite usluge, uključujući savjetovanje, fizičku terapiju i socijalnu pomoć. Inicijativa je omogućila bolju integraciju oboljelih osoba u društvo i njihovo aktivno učešće u svakodnevnom životu.





UDRUŽENJE PARAPLEGIČARA, KVADRIPLIČARA I DJEČIJE PARALIZE KANTONA SARAJEVO – „ORGANIZACIJA TURNIRA U ŠULEN, ŠAHU I PIKADU POVODOM MEĐUNARODNOG DANA OSOBA SA INVALIDITETOM“

Ovaj projekat je organizovao sportske turnire za osobe sa invaliditetom u povodu Međunarodnog dana osoba sa invaliditetom. Kroz turnire u šahu, pikadu i šulenu, cilj je bio omogućiti osobama s invaliditetom da pokažu svoje vještine, ali i podići svijest o njihovim pravima i sposobnostima.



UDRUŽENJE ZA PODRŠKU DJECI I RODITELJIMA „BUDUĆNOST“ – „EDUKACIJOM I REHABILITACIJOM DO INKLUZIJE“

Projekat je fokusiran na pružanje edukacije i rehabilitacije djeci s poteškoćama u razvoju, sa ciljem njihove bolje integracije u školski sistem i društvo. Kroz specijalizovane radionice i terapijske aktivnosti, Udruženje je omogućilo djeci sa specifičnim potrebama da ostvare svoj puni potencijal i postanu aktivni članovi zajednice.



PROJEKTI ZA INKLUZIJU: PUT KA RAVNOPRAVNOM DRUŠTVU ZA SVE

Ovi projekti predstavljaju značajan korak u izgradnji inkluzivnog društva, u kojem su svi pojedinci, bez obzira na fizičke, mentalne ili razvojne izazove, ravnopravni članovi zajednice. Kroz različite inicijative, organizacije i udruženja omogućavaju osobama s invaliditetom, mentalnim poteškoćama i razvojnim smetnjama da aktivno učestvuju u svakodnevnom životu, ostvaruju svoje potencijale i imaju jednake šanse za kvalitetan život. Ovi projekti ne samo da pomažu u pružanju potrebne podrške i resursa, već i aktivno doprinose razbijanju predrasuda, podizanju svijesti o važnosti jednakosti i socijalnoj odgovornosti, te promicanju boljeg razumijevanja i integracije u društvo. Kroz edukaciju, rehabilitaciju i stvaranje prilika za društveno angažovanje, ovi projekti jačaju zajedništvo i doprinose izgradnji zajednice koja prihvata različitosti i omogućava napredak svima.



Nova ulaganja u starogradske škole

Općina Stari Grad Sarajevo u toku 2024. Godine, zaključila je ugovore o sufinansiranju ulaganja u kapitalne projekte škola, i to sa školama OŠ „Saburina“, Prva bošnjačka gimnazija, te OŠ Hamdije Kreševljakovića. Radovi na sanaciji krova u Prvoj bošnjakoj gimnaziji su uspješno okončani, dok se radovi u navedenim osnovnim školama očekuju tokom 2025. Godine.



ULAGANJE U FAKULTETE

Pored projekta energetske efikasnosti zgrade Ekonomskog fakulteta Općina Stari Grad Sarajevo je zaključila Sporazum sa fakultetom za zdravstvene studije u svrhu izgradnje dvije učionice u cilju unapređenja uvjeta rada za studente i profesore.

Također podržavamo rad i djelovanje Saobraćajnog i Arhitektonskog fakuleta.





SPORT

Ulaganje u sport je ulaganje u zdrav način života mladih ljudi i promoviranje zdravih navika, stoga je Općina Stari Grad Sarajevo u toku 2024. Godine uložena su značajna sredstva kako u sportsku infrastrukturu, tako i u rad klubova i organizaciju sportskih manifestacija, ali i pokroviteljstvo mladih sportista.



OBNOVA DJEČIJEG IGRALIŠTA MEDRESE

U toku su radovi na sanaciji dječijeg igrališta u sklopu mjesne zajednice Medrese. Ovaj projekat je od velike važnosti za ovu mjesnu zajednicu i to su građani naglašavali na zborovima građana. Nakon inicijative gradskog vijećnika Vedada Deljkovića, Grad Sarajevo i Općina Stari Grad su zajednički realizovali ovaj projekat.

SANIRANO IGRALIŠTE NA MOŠĆANICI

Igralište u Ablagijinom sokaku na Mošćanici, treće od četiri obnovljena igrališta u ovoj mjesnoj zajednici, ponovo je otvoreno za mališane i mlade. Ovaj projekat nastavak je inicijative Općine Stari Grad za unapređenje sportskih terena. U saradnji sa KJKP "Park" Sarajevo, na igralištu su postavljeni novi koševi, golovi, sanirana ograda, te cijela ploha prefarbana.

OBHODŽA DOBILA MODERAN SPORTSKI TEREN

Sportsko igralište u ulici Čorbadži dede Mustafage na na Obhodži također je potpuno obnovljeno. U sklopu projekta, asfaltiran je prilazni put, postavljen novi teretani na otvorenom, zamijenjeni koševi, sanirana ograda, te je cijela ploha igrališta prefarbana.



OPĆINA POKROVITELJ MARATON UTRKA „SARAJEVSKI CENER“ I „PROGREEN“

Polovinom jula, u organizaciji Udruženja "Marathon Sarajevo" i pokroviteljstva Općine Stari Grad uspješno su organizovane noćne utrke „Sarajevski cener“ i „ProGreen“. Start je označio općinski načelnik Irfan Čengić na Trgu Prve brigade policije. Ovaj sportski događaj okupio je ljubitelje trčanja i sporta koji su uživali u energičnoj atmosferi trčanja u užoj jezgri Sarajeva uz promociju zdravog način života. Učešće je uzelo više stotina učesnika iz čak 25 zemalja. Prvu nagradu osvojio je Stenly Kipruto iz Kenije.

ODRŽAN FESTIVAL SPORTA KANTONA SARAJEVO

Na trgu ispred sarajevske Vijećnice, održan je prvi Festival sporta Kantona Sarajevo, na kojem je više od 300 djece pokazalo svoje sportske vještine. Ovaj događaj organiziran je uz podršku Općine Stari Grad, Ministarstva kulture i sporta KS, te Turističke zajednice Visit Sarajevo. Učestvovalo je 15 sportskih saveza koji su izvodili pokazne treninge i upoznavali posjetitelje sa različitim sportskim disciplinama. Festival sporta bio je prilika za mlade talente da se predstave široj javnosti i da nađu motivaciju za dalji razvoj svojih sportskih vještina.



ODRŽAN 6. JUDO KUP GRADA SARAJEVA

U okviru programa svečanog obilježavanja 02. maja, Dana Općine Stari Grad, općinski načelnik Irfan Čengić otvorio je 6. Judo kup Grada Sarajeva, kojeg organizuje uspješni Judo klub "Braća Lukač" iz Starog Grada. Turnir se održao u Sportskoj dvorani "Goran Čengić", a na njemu nastupaju džudista iz BiH i zemalja regiona.



PODRŠKA ZA HK VUKOVI I BESPLATNO KLIZALIŠTE

Općina Stari Grad Sarajevo drugu godinu uzastopno podržava Hokejaški klub Vukovi i organizuje besplatno klizalište u Starom Gradu.



U STAROM GRADU NA BENTBAŠI ODRŽAN 10. 'BENTBAŠA CLIFF DIVING'

Pred brojnom publikom na kulturnoj lokaciji Bentbaša u Starom Gradu održan je deseti po redu skok u Miljacku, poznat kao 'Bentbaša Cliff Diving'. Ovaj spektakl privukao je ljubitelje adrenalina i sporta. Skakalo se sa visine od 19 metara i to u dvije kategorije, tradicionalni skokovi lasta i figurativni 'high diving skokovi'.





USPJEŠNO ORGANIZOVANE SPORTSKE LIGE ZA STAROGRADSKE OSNOVCE, NASTAVAK NA PROLJEĆE

Nakon pet godina Općina Stari Grad ponovo je pokrenula popularna sportska ligaška takmičenja za svoje osnovce. Od početka Školske godine 2024/2025 starogradski osnovci imali su priliku takmičiti se u fudbalu, košarci i odbojci. Jesenji dio takmičenja su završeni, a nastavak slijedi nakon zimskog raspusta u 2025. godine. Također, Općinsko vijeće je usvojilo Pravilnik shodno kojem su organizovane sportske lige.





POSJETA KOŠARKAŠA BC DUBAI OSNOVNOJ ŠKOLI "EDHEM MULABDIĆ" POVODOM MEMORIJALNOG TURNIRA "MIRZA DELIBAŠIĆ"

U okviru Memorijalnog turnira "Mirza Delibašić", košarkaši KK Bosna i delegacija BC Dubai posjetili su djecu u školi "Edhem Mulabdić". Općina Stari Grad Sarajevo je pokrovitelj turnira posvećenom najboljem bh. košarkašu svih vremena, te je uz vraćanje sportskih liga osnovnih škola u Starom Gradu, nastavljena kontinuirana i velika podrška sportu.

PODRŠKA RADU KARATE KLUBA "SATORI"

Općina već neko vrijeme podržava rad ovog kluba, prepoznajući važnost sporta u razvoju djece i mladih. Osigurava im finansijsku podršku kako bi unaprijedili sportsku infrastrukturu i omogućili većem broju mladih da se bave sportom.



PODRŠKA ZA KARATE KLUB BAŠČARŠIJA

Karate klub Baščaršija održao je uspješnu klupsku manifestaciju i polaganje za viša učenička zvanja u JU OŠ "Saburina" Sarajevo. Događaju su prisustvovali brojni članovi kluba, roditelji, simpatizeri te gosti, Načelnik Čengić istaknuo je kontinuiranu podršku Općine mladim sportistima i klubovima, naglasivši važnost sporta za razvoj mladih. Karate klub Baščaršija, koji okuplja veliki broj djece i omladine, prepoznaje sport kao ključnu komponentu odgoja i razvoja. Kao znak zahvalnosti za podršku, predsjednik kluba Miralem Mandžuka uručio je načelniku zahvalnicu. Klub redovno organizira i karate kup, na kojem učestvuju klubovi iz susjednih zemalja.



PODRŽAN KOŠARKAŠKI KAMP BJELAŠNICA 2024

Na Bjelašnici je od 30. juna do 5. jula održan tradicionalni Košarkaški kamp Bjelašnica 2024. godine, u organizaciji KK "KOŠ" i uz podršku Općine Stari Grad Sarajevo. Kamp je okupio djecu iz BiH, Europe i svijeta, pružajući im priliku da razvijaju sportske vještine, promiču zdrave stilove života i uživaju u druženju na svježem zraku. Načelnik Irfan Čengić izrazio je podršku projektu, ističući značaj sportskog turizma na olimpijskim planinama Igman i Bjelašnica te važnost ulaganja u razvoj sporta među mladima.



PODRŠKA ZA FK MOŠĆANICA

Fudbalski klub Moščanica je najuspješniji sportski klub u timskim sportovima iz Starog Grada koji se takmiči na federalnom nivou. U 2024. godini ovaj klub j dobio najveću podršku od strane Općine Stari Grad Sarajevo još od kako je osnovan 2009. godine

PODRŽAN FK VRATNIK ZA TURNIR "ASIM FERHATOVIĆ HASE"

FK Vratnik je i ove godine dobio podršku i pokroviteljstvo za Turnir "Asim Ferhatović Hase" koji je okupio malonogometne ekipe u čast najboljeg fudbalera Bosne i Hercegovine.



ŠKOLA FUDBALA „BAMBINOSI“ - „MLADI U SPORTU“

„BAMBINOSI“ su organizovali brojne aktivnosti za djecu svih uzrasta, s ciljem da ih uvedu u svijet nogometa i razviju njihove fizičke i socijalne vještine.

UDRUŽENJE „ŠKOLA FUDBALA CITY ACADEMY“ - „FUDBAL ZA SVE“

Projekt „Fudbal za sve“ koji je realizovan od strane Škole fudbala City Academy imao je za cilj omogućiti svim zainteresiranim mladim ljudima da se bave fudbalom, bez obzira na njihove socijalne i ekonomske uslove. Ovaj inkluzivni projekt doprinosi promociji sporta među djecom i mladima, omogućujući im da razvijaju svoje vještine i ljubav prema nogometu.



OPĆINA GRAD SARAJEVO PODRŽALA BROJNE SPORTSKE, KULTURNE I DRUŠTVENE PROJEKTE U 2024. GODINI

U 2024. godini Općina Stari Grad Sarajevo nastavila je svoju tradiciju podrške projektima koji doprinose razvoju sporta, kulture, zajedništva i edukacije. Ova podrška obuhvatila je brojne inicijative iz različitih oblasti, od borilačkih sportova do šahovskih turnira, od maratona do planirarskih ekspedicija. Svi ovi projekti bili su uspješno realizovani i imali su značajan uticaj na lokalnu zajednicu, mladima su pružili priliku za rast, a Stari Grad je još jednom pokazao svoju posvećenost sportu i kulturi.

UDRUŽENJE KLUB BORILAČKIH VJEŠTINA „JUMRUK GYM“ - „K-1 WGP KVALIFIKACIONI TURNIR ZA TOKIO, JAPAN“

Udruženje „JUMRUK GYM“ organizovalo je kvalifikacijski turnir za prestižno takmičenje u K-1 borilačkim vještinama. Ovaj događaj omogućio je mladim borcima iz BiH da pokažu svoje vještine i takmiče se za mjesto na Olimpijadi u Tokiju.

ŠAHOVSKI KLUB „SARAJEVO“ - ŠAHOVSKI TURNIR KULTURNIH I JAVNIH RADNIKA „SJEĆANJE NA AKADEMIKA ABDULAHA SIDRANA“

U čast velikog akademika Abdulaha Sidrana, Šahovski klub „Sarajevo“ organizovao je šahovski turnir. Ovaj događaj okupio je šahiste iz raznih sektora društva, promovirajući šah kao sport za intelektualce i kulturne radnike.

SAVEZ SJEDUĆE ODOBJE BOSNE I HERCEGOVINE - ZLATNA LIGA NACIJA „SARAJEVO 2024“

Ovaj turnir u sjedećoj odbojci, okupio je najbolje svjetske reprezentacije. Projekat je promovisao inkluziju i pokazao koliko je važna podrška sportistima s invaliditetom.





ŠAHOVSKI KLUB „ŽELJEZNIČAR“ - 24. KADETSKO I JUNIORSKO PRVENSTVO BOSNE I HERCEGOVINE U ŠAHU

Šahovski klub „Željezničar“ ugostio je mlade šahiste na 24. kadetskom i juniorskom prvenstvu BiH. Ovaj događaj omogućio je mladim talentima da pokažu svoje vještine.

„GABELJIĆ TENIS AKADEMIJA“ - TENISKI TURNIR „SARAJEVO OPEN 2024“



Teniski turnir „Sarajevo Open“ postao je jedan od najvažnijih sportskih događaja u BiH, okupljajući profesionalne igrače i ljubitelje tenisa iz cijelog svijeta. Turnir je promovisao tenis u Sarajevu i pružio priliku mladim igračima da se takmiče na visokom nivou.

PLANINARSKO DRUŠTVO „VISOČICA“ - USPON NA MONT BLANC

Planinari iz Udruženja „Visočica“ organizovali su ekspediciju na Mont Blanc, najviši vrh Alpa. Ovaj izazovan uspon bio je prilika za promociju planinarstva i zdravog života.



KARATE KLUB „BORAC-FIGHTER“ - „MLADI ZA BUDUĆNOST: EDUKACIJA I SPORT ZA SVE“

Ovaj projekt omogućio je djeci iz socijalno ugroženih porodica da se bave karateom, čime su stekli vrijedne životne vještine. Program je promovisao inkluziju i omogućio djeci da se razvijaju u sportskom okruženju.



KOŠARKAŠKI KLUB „ROYAL“ - 17. MEMORIJALNI TURNIR MIRZA DELIBAŠIĆ

17. Memorijalni turnir Mirza Delibašić, okupio je najbolje košarkaše, a sam događaj bio je hommage legendarnom sportisti.

SFK 2000 SARAJEVO - UEFA LIGA PRVAKA ZA ŽENE 2024. GODINE

Fudbalski klub SFK 2000 ostvario je historijski uspjeh plasmanom u UEFA Ligu prvaka za žene. Ovaj događaj bio je veliki korak u promociji ženskog sporta, ali i afirmaciji Sarajeva kao sportskog grada.

LOVAČKO UDRUŽENJE „SARAJEVO“ - OBILJEŽAVANJE 130 GODINA POSTOJANJA

Lovačko udruženje „Sarajevo“ obilježilo je 130 godina postojanja, promovirajući važnost očuvanja prirode, zaštite okoliša i održivog lovstva.

JUDO KLUB „BRAĆA LUKAČ“ - LUKAČ JUDO CLUB

Judo klub „Braća Lukač“ organizovao je niz takmičenja i treninga, promovirajući judo kao sport za sve uzraste. Klub je pružio priliku djeci da se bave ovim izuzetno discipliniranim sportom.

UNIVERZALNA ŠKOLA SPORTA „PROSPORT“ - „POKRENI SE“

Ovaj projekat promovira fizičku aktivnost među mladima, kroz organizovanje različitih sportskih i edukativnih aktivnosti. Djeca su imala priliku naučiti važne životne vještine kroz sport.

UDRUŽENJE „KLUB SPORTOVA OSMICA“ - „FITNES ZA MLADE“

Projekt „Fitnes za mlade“ organizovan od strane „Kluba sportova Osmica“ usmjeren je na poboljšanje fizičke kondicije i zdravlja mladih kroz različite fitness aktivnosti. Cilj projekta bio je promicanje zdravog načina života, jačanje fizičke izdržljivosti i prevencija bolesti među mladima. Program je obuhvatio različite fitness discipline i uključio mlade iz svih socijalnih slojeva.





UDRUŽENJE SPORTSKO DRUŠTVO SLIJEPIH I SLABOVIDNIH KANTONA SARAJEVO - ČETVRTI MEĐUNARODNI MEMORIJALNI TURNIR U GOVORNOM PIKADU ZA SLIJEPE „KUDUS KENAN“

Udruženje sportsko društvo slijepih i slabovidnih Kantona Sarajevo organizovalo je četvrti međunarodni memorijalni turnir u govornom pikadu za slijepe, pod nazivom „KUDUS KENAN“. Ovaj događaj imao je za cilj uključiti osobe s oštećenjem vida u sportsku zajednicu, promičući inkluziju i socijalizaciju, te je postao značajan događaj za sve učesnike i gledatelje



UDRUŽENJE ZA PROMOCIJU SPORTA I TURIZMA „SPORTUR“ - BENTBAŠA SUMMER FEST

„SportTur“ je organizovao ljetni festival „Bentbaša Summer Fest“ koji je okupio ljubitelje sporta, muzike i kulture u Starom Gradu. Ovaj projekat promovisao je turizam i zdrav način života, kroz različite sportske aktivnosti i zabavne događaje koji su obogatili ljetnu ponudu Starog Grada i Sarajeva i doprinijeli turističkoj atraktivnosti grada.



UDRUŽENJE RAZVOJ SPORTA „SPORT CENTAR“ - LIGA SREDNJIH ŠKOLA KANTONA ZA 2024.

„Sport Centar“ je organizovao Ligu srednjih škola Kantona Sarajevo za 2024. godinu, koja je okupila učenike iz različitih škola u kantonu. Cilj projekta bio je poticanje zdravog takmičarskog duha među mladima, kao i pružanje prilike za razvoj sportskih vještina u srednjoškolskoj konkurenciji.



PRIPREME I ODLAZAK NA MEĐUNARODNA TAKMIČENJA REPREZENTATIVKE IMAN DRUGOVIĆ

Klub Borilačkih sportova „Radnički“ Lukavac koristio je sredstva za pripreme svoje reprezentativke Iman Drugović za međunarodna takmičenja. Iman je postigla značajan uspjeh u borilačkim sportovima, a ovaj projekt pružio joj je potrebnu podršku za dalji razvoj karijere i nastupe na svjetskim borilištima.

UDRUŽENJE „SPORTSKI SAVEZ U BOSNI I HERCEGOVINI“ - „80. IZBOR SPORTISTE BOSNE HERCEGOVINE“

Udruženje „Sportski savez u Bosni i Hercegovini“ organizovao je 80. Izbor sportiste godine, koji je bio prilika da se prepoznaju i nagrade najbolji sportisti i sportistkinje BiH. Ovaj prestižni događaj odigrao je ključnu ulogu u promovisanju uspjeha bosanskohercegovačkih sportista, te motivisanju mladih da se bave sportom.



UDRUŽENJE KARATE KLUBA „OKINAWA“ - NASTUP REPREZENTATIVKE BIH U KARATEU NA MEDITERANSKOM PRVENSTVU U ITALIJI

Karate klub „OKINAWA“ organizovao je nastup svoje reprezentativke BiH na Mediteranskom prvenstvu u Italiji. Ovaj projekat omogućio je vrhunskim karatašima da se takmiče na međunarodnoj sceni, promovišući karate kao sport te osiguravajući veću vidljivost BiH u ovom borbilačkom sportu.



UDRUŽENJE „TRICIKL“ - „E-BAJK ZA ZDRAVLJE, REHABILITACIJU I TURIZAM“

Projekt „E-bajk za zdravlje, rehabilitaciju i turizam“ organizovan od strane Udruženja „Tricikl“ omogućio je korištenje električnih bicikala kao sredstva za rehabilitaciju, zdravlje i turizam. E-bajkovi su korišteni u terapijske svrhe, kao i za promovisanje ekološkog turizma, čineći Sarajevo pristupačnijim za sve vrste posjetitelja.



UDRUŽENJE „KUCAJU NA VRATA ZABORAVLJENI ASOVI“ – „ODLAZAK NA EVROPSKO PRVENSTVO U TAJLANDSKOM BOKSU KOJE ĆE SE ODRŽATI NA KOSOVU“


Ovaj projekat omogućio je talentovanim sportistima iz Udruženja odlazak na Evropsko prvenstvo u tajlandskom boksu na Kosovu. Cilj je bio pružiti priliku mladim sportistima da pokažu svoje vještine na međunarodnoj sceni i ostvare bolje sportske rezultate, promovišući sport i fizičku aktivnost među mladima.





OZNAČAVANJE BIKIKLISTIČKE STAZE NA APELOVOJ CESTI

Apelova cesta, koja se nalazi u obuhvatu zaštićenog područja je u prethodnim godinama obnovljena, te je tokom 2024. godine označena biciklistička staza za sve ljubitelje brdskog biciklizma i adrenalina.



POČETAK IZGRADNJE BIKIKLISTIČKE STAZE SARAJEVO- PALE

Delegacija Europske unije u BiH započela je realizaciju milionskog projekta biciklističke staze Sarajevo-Pale koja će ići Darivom i uskotračnom prukom do Istočnog Sarajeva





PODRŠKA OLIMPIJSKIM SPORTISTIMA

Klub vodenih sportova „ORKA“ pružio je intenzivne pripreme za plivačicu Lanu Pudar, koja je ostvarila značajne uspjehe na međunarodnim takmičenjima. Ovaj projekat pomogao je u njenoj pripremi za svjetske i olimpijske izazove.

Plivački klub „Spid“ - „Plivanjem do inkluzije“

Ovaj projekt imao je za cilj uključivanje djece s invaliditetom u sportske aktivnosti. Plivanje je postalo sredstvo za inkluziju, zdravlje i socijalizaciju.

. Posebno nam je čast što smo bili podrška Ismailu Barlovu koji je donio paraolimpijsku medalju u našu domovinu.

Načelnik je organizovao i prijem za Asima Medića, osvajača srebrne medalje na Paraolimpijskim igarama u sjedećoj odbojci te naglasio da će njegov doprinos biti i novčano nagrađen.





SPORTSKE IGRE MLADIH - 14. SPORTSKE IGRE MLADIH BIH

Sportske igre mladih okupile su djecu i mlade iz cijele BiH, omogućujući im da se takmiče u različitim sportovima. Igre su bile prilika za izgradnju prijateljstava i jačanje zajedništva među mladima.





UDRUŽENJE „DEČKI U PLAVOM“ - SARAJEVO MARATON

Sarajevski maraton, organiziran uz podršku Udruženja „Dečki u plavom“, postao je simbol zdravog života i međunarodne solidarnosti. Maraton je okupio trkače iz cijelog svijeta, promovišući Sarajevo kao sportsku destinaciju.

UDRUŽENJE ZA PROMOCIJU SPORTA I RAZVOJA „MARATHON“ - UTRKA „SARAJEVSKI CENER“

Utrka „Sarajevski cener“, organizovana od strane Udruženja za promociju sporta i razvoja „Marathon“, postala je jedan od najvažnijih sportskih događaja u Sarajevu. Utrka, koja okuplja trkače iz svih dijelova svijeta, doprinosi popularizaciji trčanja i zdravog načina života, te promoviše Stari Grad i Sarajevo kao grad sporta.



FAN SHOP FK SARAJEVO

Dana 19.01.2024.godine, privredno društvo FK SARAJEVO d.o.o. Sarajevo obratilo se Općinskom načelniku Općine Stari Grad Sarajevo sa zahtjevom za iznajmljivanje/dodjelu u zakup poslovnog prostora u ulici Ferhadija, a za potrebe otvaranja Fan Shop-a, kojim će se promovirati vrijednosti Kluba sa bogatom tradicijom, sjajnih sportista i sportistkinja i njihovih vrhunskih rezultata te unaprijediti turistička ponuda u Općini Stari Grad Sarajevo. Cijeneći značaj ovog Kluba za Sarajevo, ali i turiste, u skladu sa odredbama člana 22. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20-Prečišćeni tekst, 7/23 i 21/23), zaključen je ugovor o zakupu ovog prostora.




Ovi projekti su samo neki od mnogih koje je Općina Stari Grad podržala tokom prošle godine. Svi imaju dubok i značajan uticaj na društvo i zajednicu, jer su usmjereni na poboljšanje kvaliteta života i stvaranje pozitivnog okruženja za mlade. Kroz različite sportske, kulturne i edukativne inicijative, Općina Stari Grad omogućila je mladima da se bave sportom, što je ključni faktor za razvoj njihove fizičke i mentalne izdržljivosti. Pored toga, ovi projekti potiču zdravlje i fizičku aktivnost, čime se doprinosi prevenciji mnogih bolesti i jačanju opće dobrobiti stanovništva. Važno je istaknuti da su mnogi od ovih projekata bili osmišljeni kako bi promovisali inkluziju, omogućujući svim društvenim grupama, uključujući osobe s invaliditetom i djecu iz socijalno ugroženih porodica, da se uključe u sportske i kulturne aktivnosti. Kroz ove inicijative, Općina Stari Grad nije samo promovisala sport i zdravlje, već i društvenu odgovornost, potičući solidarnost, zajedništvo i aktivno učešće građana u izgradnji boljeg i pravednijeg društva. Svi ovi projekti doprinose jačanju društvene kohezije, stvaranju većih mogućnosti za mlade te pružanju konkretnih i važnih resursa za razvoj Starog Grada i Sarajeva kao grada sporta, kulture i zajedništva.



RAD I SARADNJA SA VJERSKIM ZAJEDNICAMA

Općina Stari Grad nastavlja svoju tradiciju podrške vjerskim zajednicama i kulturnim institucijama, pružajući značajna sredstva za obnovu vjerskih objekata i očuvanje kulturnog naslijeđa.





PROJEKTI NA VJERSKIM OBJEKTIMA



OBNOVA MUNARE DŽAMIJE GAZI-MEHMED-BEGA ISAKOVIĆA

Medžlis Islamske zajednice u Sarajevu je pokrenuo projekt obnove munare džamije Gazi-Mehmed-bega Isakovića na Bistriku. Općina Stari Grad, osigurala je namjenski grant za ovu obnovu.

OBNOVA FRANJEVAČKOG SAMOSTANA „SVETI ANTO”

Općina je osigurala sredstva za sanaciju prizemlja i stalne muzejske postavke „Sedam stoljeća bosanskih franjevaca“. Ovaj projekt doprinosi očuvanju kulturnog i vjerskog naslijeđa franjevačke zajednice u Sarajevu.



REKONSTRUKCIJA KROVA ZGRADE JEVREJSKE OPŠTINE SARAJEVO

Općina je podržala projekt rekonstrukcije krova zgrade Jevrejske opštine u Sarajevu, koji je od izuzetne važnosti za očuvanje historijskog objekta i identiteta jevrejske zajednice u BiH

VRHBOSANSKO BOGOSLOVNO SJEMENIŠTE

Ulaganja u obnovu i obnovu infrastrukture Vrhbosanskog bogoslovnog sjemeništa bitna su za očuvanje vjerskog obrazovanja i kulturne baštine. Općina Stari Grad je aktivno uključena u podršku ovom projektu.


OBNOVA FASADE KATOLIČKE BOGOSLOVIJE U SARAJEVU

Općina Stari Grad je podržala obnovu sjeverne fasade objekta Katoličke bogoslovije, dodijelivši sredstva, u okviru posljednje faze obnove ovog kulturnog spomenika.



GAZI HUSREV-BEGOVA BIBLIOTEKA DOBIJA PROSTOR ZA MLADE

Općina Stari Grad također je usmjerila pažnju na kulturne projekte, a jedan od najvažnijih je opremanje i uređenje dnevnog boravka za mlade u Gazi Husrev-begovoj biblioteci. Ovaj prostor će služiti kao savremeno mjesto za učenje, istraživanje i druženje, čime će se dodatno ojačati kulturna ponuda Sarajeva.





POSJETE I MANIFESTACIJE



SVEČANI BAJRAMSKI PRIJEM KOD REISA KAVAZOVIĆA

Načelnik Općine Stari Grad, Irfan Čengić, i predsjedavajući Općinskog vijeća Seid Škaljić prisustvovali su svečanom bajramskom prijemu koji je organizirao reisu-l-ulema Islamske zajednice u BiH Husein ef. Kavazović. Tokom prijema, razgovarano je o nastavku suradnje i mogućim projektima u Starom Gradu.

POSJETA FRANJEVAČKOM SAMOSTANU SV. ANTE POVODOM BOŽIĆA

Načelnik Irfan Čengić, zajedno sa predsjedavajućim Općinskog vijeća Seidom Škaljićem i dopredsjedavajućim Kerimom Smailbegovićem, posjetio je Franjevački samostan sv. Ante u Sarajevu povodom božićnih praznika. Ova posjeta simbolizira međuvjerski dijalog i zajedničko slavlje velikih vjerskih praznika.

PODRŠKA PRAZNIČNIM AKTIVNOSTI U STAROJ PRAVOSLAVNOJ CRKVI

Općina Stari Grad pružila je svoju podršku tradicionalnim prazničnim aktivnostima u Staroj pravoslavnoj crkvi. Kroz različite manifestacije, poput božićnih i novogodišnjih koncerata, izložbi i vjerskih ceremonija, Općina je omogućila da se očuva i promoviše kulturno-istorijsko naslijeđe pravoslavne zajednice.





RAMAZANSKI DUH U STAROM GRADU: ŠETNJA, KONCERT I TRADICIONALNI TOP SA ŽUTE TABIJE

Uoči mjeseca ramazana, Stari Grad Sarajevo bio je domaćin nezaboravnih događaja koji su obogatili duh zajedništva i tradicije. Udruženje majki "Brižne ruke" organizovalo je jubilarnu, desetu ramazansku šetnju "U susret ramazanu", dok je na Baščarsijskom trgu održan predramazanski koncert u organizaciji Medžlisa Islamske zajednice Sarajevo.

Šetnja, predvođena načelnikom Irfanom Čengićem i gradonačelnicom Benjaminom Karić, obuhvatila je simbolične lokacije kroz srce Starog Grada, a završila je na Žutoj tabiji, gdje je pucnjem prvog topa označen početak ramazana.





IFTAR ZA DIPLOMATSKI KOR

Općina Stari Grad i Muftijstvo sarajevsko organizirali su iftar za diplomatski kor, gdje su načelnik Čengić i muftija Grabus ugostili diplomate. Iftar je bio prilika za jačanje međukulturalnih veza i zahvalnost imamima za njihov doprinos zajednici.



PROSLAVA PATRONA SJEMENIŠNE CRKVE SV. ĆIRILA I METODA

Načelnik Čengić prisustvovao je proslavi patrona sjemenišne crkve Sv. Ćirila i Metoda i domjenku povodom toga, gdje je potpisao ugovor o finansijskoj potpori Općine za obnovu sjeverne fasade Katoličke bogoslovije.

POSJETA FRANJEVAČKOM SAMOSTANU I CRKVI NA BISTRIKU POVODOM USKRSA

Načelnik Irfan Čengić posjetio je Franjevački samostan i crkvu Sv. Ante na Bistriku uoči Uskrsa. Tijekom posjete, gvardijan fra Stipan Radić izrazio je zahvalnost Općini na kontinuiranoj podršci vjerskim objektima.



POSJETA SARAJEVSKOM MUFTIJSTVU

Načelnik Čengić posjetio je sjedište Sarajevskog muftijstva u Starom Gradu, gdje ga je primio sarajevski muftija prof. dr. Nedžad ef. Grabus. Tokom posjete razgovaralo se o mogućnostima za daljnji razvoj Islamske zajednice u ovom dijelu Sarajeva.

POSJETA SABORNOJ CRKVI PRESVETE BOGORODICE

Načelnik Općine Stari Grad, Irfan Čengić, posjetio je Saborni hram Presvete Bogorodice, gdje se razgovaralo o budućim projektima restauracije i obnove ovog značajnog pravoslavnog vjerskog objekta. Ova posjeta bila je još jedan korak u održavanju dobrih odnosa među vjerskim zajednicama u Sarajevu.





BAJRAMSKE NOĆI U STAROM GRADU: MEDŽLIS ISLAMSKE ZAJEDNICE I OPĆINA STARI GRAD OGRANIZOVALI KONCERT NA BAŠČARŠIJSKOM TRGU

U ambijentu Baščaršijskog trga, srce Starog Grada, održan je bajramski koncert pod nazivom „Dani bajramske radosti“, u organizaciji Medžlisa Islamske zajednice Sarajevo i Općine Stari Grad Sarajevo. Mnogobrojni posjetioци uživali su u inspirativnim izvedbama Armina Muzaferije, Ibrahima Bilčevića i Ansambla Mesudijja. Ovaj događaj naglašava važnost tradicionalnih i vjerskih manifestacija koje doprinose očuvanju kulturnog identiteta i jačanju zajedništva, istovremeno obogaćujući turističku ponudu Starog Grada i Sarajeva.

TURSKA VOJNA MISIJA - EUFOR I ISTANBULSKA OPĆINA BAGCILAR ORGANIZOVALI ZAJEDNIČKE IFTARE

Na Trgu ispred Vijećnice održan je iftar organiziran od strane EUFOR-a i Turske vojne misije. Na iftaru su prisustvovali načelnik Čengiđ i predsjedavajući Škaljić, koji su se zahvalili Turskoj vojsci na pozivu i odabranoj lokaciji za događaj. Dok je na baščaršijskom trgu istanbulska Općina Bagcilar organizovala zajednički iftar.



CIVILNA ZAŠTITA I SLUŽBE SPAŠAVANJA

Da je rad na zaštiti i spašavanju ljudi i materijalnih dobara, a posebno preventivno djelovanje od presudnog značaja, pokazuje i aktiviranje klizišta na području Istočnog Starog Grada, a čije su posljedice na području MZ Širokača, na području Općine Stari Grad Sarajevo. Naime, u toku 2024. godine, poduzeti su značajni koraci na uređenju oblasti zaštite i spašavanja na području Općine Stari Grad Sarajevo.



UREDBA O ORGANIZIRANJU SLUŽBI ZAŠTITE I SPAŠAVANJA NA PODRUČJU OPĆINE STARI GRAD SARAJEVO

Na prijedlog Službe civilne zaštite Općine Stari Grad Sarajevo, Općinski načelnik Općine Stari Grad Sarajevo, je donio novu Uredbu o organiziranju službi zaštite i spašavanja na području Općine Stari Grad Sarajevo ("Službene novine Kantona Sarajevo" broj: 2/24), a čijim donošenjem i stupanjem na snagu, je prestala da važi Uredba o određivanju pravnih lica i udruženja građana u kojima se formiraju službe zaštite i spašavanja na području Općine Stari Grad Sarajevo, broj: 01-05-4-114/16 od 04.02.2016. godine. Nadalje, na prijedlog Službe civilne zaštite Općine Stari Grad Sarajevo, Općinski načelnik Općine Stari Grad Sarajevo, je donio Uredbu o izmjeni i dopuni Uredbe o organiziranju službi zaštite i spašavanja na području Općine Stari Grad Sarajevo, na način da je u članu 5. Uredbe o organiziranju službi zaštite i spašavanja na području Općine Stari Grad Sarajevo, iza tačke 4. dodata nova tačka 5., koja glasi: "5. Služba za čistoću i logistiku, veličine odjeljenja od 10 (deset) pripadnika, formirat će se u Javnom komunalnom preduzeću "Općine Stari Grad" d.o.o. Sarajevo (JKP "OSG" d.o.o.), ulica Zelenih beretki broj 4, Općina Stari Grad Sarajevo."

OPREMANJE SLUŽBI ZA ZAŠTITU I SPAŠAVANJE OPĆINE STARI GRAD SARAJEVO

Općina Stari Grad Sarajevo je u saradnji sa Kantonalnom upravom civilne zaštite izvršila opremanje struktura civilne zaštite, sa opremom koju su strukture iskazale kao neophodnu u prethodnoj godini.

OPREMANJE SLUŽBI ZA ZAŠTITU I SPAŠAVANJE OPĆINE STARI GRAD SARAJEVO

U toku 2024. godine su saradnji sa Kantonalnom upravom civilne zaštite nabavljena je medicinska oprema u vrijednosti približno 18.000 KM.





OPREMANJE SLUŽBE ZA ZAŠTITU OD POŽARA OPĆINE STARI GRAD – UVD „VRATNIK“

U toku 2024. godine su saradnji sa Kantonalnom upravom civilne zaštite nabavljena je oprema u vrijednosti od približno 30.000 KM, dok je u pripremi tenderska dokumentacija za nabavku dodatne opreme u vrijednosti od približno 130.000 KM.

OPREMANJE SLUŽBE ZA SPAŠAVANJE SA VISINA, ZA POTRAGU, SPAŠAVANJE SA NEPRISTUPAČNIH TERENA OPĆINE STARI GRAD

U toku 2024. Godine su saradnji sa Kantonalnom upravom civilne zaštite nabavljena su dva ATV QUAD vozila, te dvije prikolice vrijednosti oko 60.000 KM.



POSTUPCI JAVNIH NABAVKI KOJI SU U TOKU

U toku je postupka javne nabavke jednog motornog vozila za potrebe Službe medicinske pomoći - JU "Dom zdravlja Kantona Sarajevo" - Organizaciona jedinica "Dom zdravlja Stari Grad" Sarajevo, dva motorna vozila za potrebe Službe za čistoću i logistiku pri Javnom komunalnom preduzeću "Općine Stari Grad" d.o.o. Sarajevo, te jednog motornog vozila za potrebe Štaba civilne zaštite. Također, u toku je javna nabavka opremanja Operativnog centra Službe civilne zaštite Općine Stari Grad Sarajevo.



PROGLAŠENJE UDRUŽENJA OD POSEBNOG ZNAČAJA ZA OPĆINU STARI GRAD SARAJEVO

Cijeneći značaj za zaštitu i spašavanje, koji imaju Službe za spašavanje sa visina, za potragu, spašavanje sa nepristupačnih terena Općine Stari Grad i Služba za zaštitu od požara Općine Stari Grad – UVD „Vratnik“, iste su proglašenje udruženjima od posebnog značaja za Općinu Stari Grad Sarajevo.

UREĐENJE PODRUČJA BARICA I ČAVLJAKA OD STRANE GORSKE SLUŽBE SPAŠAVANJA TREBEVIĆ

Udruženje „Gorska služba spašavanja Trebević“ realizovao je projekat „Uređenje područja Barica i Čavljaka“, vrijedan 10.000 KM. Projekat je obuhvatao čišćenje terena, označavanje staza i postavljanje signalizacije, čime je povećana sigurnost na nepristupačnim lokacijama. Ovim radovima značajno je poboljšana pristupačnost ovih područja, što će olakšati akcije spašavanja u slučaju nesreća.





POSTROJAVANJE STRUKTURA ZAŠTITE I SPAŠAVANJA U OPĆINI STARI GRAD SARAJEVO

Postrojavanje struktura zaštite i spašavanja Službe civilne zaštite Općine Stari Grad Sarajevo bio je dio programa svečanog obilježavanja 2. maja, Dana Općine Stari Grad. Pored uposlenika Službe civilne zaštite Općine Stari Grad, u postrojavanju učestvovali su i Gorska služba spašavanja Trebević, Dobrovoljno vatrogasno društvo 'Vratnik', Dom zdravlja Stari Grad Sarajevo, Zavoda za hitnu medicinsku pomoć Kantona Sarajevo i Crveni krst Općine Stari Grad. Zahvaljujući ovim službama, Općina Stari Grad spremno može dočekati eventualne nepogode, prirodne nesreće, kao i sve ostale nepredviđene situacije i izazove.



UREĐENJE ČOLINOG I RAMIĆA POTOKA

Općina Stari Grad također se posvetila održavanju vodnih tokova kroz projekt uređenja Čolinog i Ramića potoka. U sklopu ovog projekta uklanja se otpad, šibljie i mulj iz korita potoka kako bi se osigurao normalan protok vode i smanjio rizik od poplava. Ove preventivne aktivnosti imaju za cilj sprječavanje nakupljanja otpada i začepjenja potoka tokom obilnijih padavina. Ukupna vrijednost radova na uređenju potoka iznosi oko 80.000 KM.

UREĐENJE BISTRICKOG POTOKA

Općina Stari Grad nastavila je s aktivnostima na održavanju vodnih tokova, a među najnovijim projektima je i čišćenje Bistričkog potoka. Sličan prethodnim projektima uređenja, radovi uključuju uklanjanje otpada, šiblja i mulja iz korita potoka kako bi se osigurao nesmetan protok vode i smanjio rizik od poplava. Preventivne mjere kao što su ove imaju ključnu ulogu u sprječavanju nakupljanja otpada i začepjenja potoka, posebno tokom obilnijih padavina.



URUČENA DVA QUAD VOZILA GSS TREBEVIĆ

Općina Stari Grad je 14. septembra 2024. godine na platou Vidikovac Trebević uručila dva quad vozila Udruženju „Gorska služba spašavanja Trebević“. Vozila će omogućiti brže i efikasnije spašavanje na nepristupačnim terenima, a uručio ih je općinski načelnik Irfan Čengić.

GSS Trebević, koja je od početka godine zvanično Služba za spašavanje sa visina, odgovorna je za potragu i spašavanje u slučaju nesreća. Načelnik Čengić najavio je dalja ulaganja u civilnu zaštitu, uključujući kupovinu dronova. Direktor Uprave civilne zaštite Kantona Sarajevo, Dženan Brkanić, istaknuo je važnost jačanja općinskih kapaciteta za brzo djelovanje u vanrednim situacijama.





AKTIVNOSTI VEZANE ZA PROGLAŠENJE ELEMENTARNE NEPOGODE NA PODRUČJU MJESNE ZAJEDNICE ŠIROKAČA

Iako je klizište na teritoriji susjednog entiteta i susjedne općine poduzeli smo mnoge aktivnosti kako bi zaštitili stanovništvo koje se nalazi na teritoriji naše Općine. Bez obzira što nam je djelovanje ograničeno trudimo se rješavati problem koji je počeo nastajati prije 6 godine a eskalirao prije 2 godine dok je tek u 2024. godini prepoznat od medija.



Shodno Odluci o proglašenju stanja prirodne nesreće usljed pojave aktivnog klizišta prouzrokovanog ljudskim faktorima, na dijelu Općine Stari Grad Sarajevo, na području mjesne zajednice „Širokača“, broj: 01-04-4-3048/24 od 30.10.2024. godine, koju je donio Općinski načelnik Općine Stari Grad Sarajevo, a na prijedlog Općinskog štaba civilne zaštite Općine Stari Grad Sarajevo i Zaključka Općinskog štaba civilne zaštite Općine Stari Grad Sarajevo, broj: 12-40-222-78/24 od 16.10.2024. godine, a slijedom koje je Štab civilne zaštite Kantona Sarajevo donio Naredbu broj: 08-40-1128-2/24 od 01.11.2024. godine kojom se naređuje Općinskom štabu civilne zaštite Općine Stari Grad Sarajevo, da izvrši evakuaciju stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina, na područja Općina: Centar Sarajevo, Novo Sarajevo i Novi Grad Sarajevo u objekte u kojima je prema planu evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad osiguran je privremeni smještaj evakuisanog stanovništva.





AKTIVNOSTI VEZANO ZA PROGLAŠENJE ELEMENTARNE NEPOGODE NA PODRUČJU MJESNE ZAJEDNICE ŠIROKAČA

Odlukom o proglašenju stanja prirodne nesreće usljed pojave aktivnog klizišta prouzrokovanog ljudskim faktorima, na dijelu Općine Stari Grad Sarajevo, na području mjesne zajednice „Širokača“, broj: 01-04-4-3048/24 od 30.10.2024. godine („Službene novine Kantona Sarajevo“, broj: 44/24), a radi provođenja mjera zaštite i spašavanja na navedenom području, utvrđena je obaveza svih službi za upravu i stručnih službi Općine Stari Grad Sarajevo, javnih preduzeća, ustanova, privrednih subjekata i drugih pravnih lica na području Općine Stari Grad Sarajevo, službi zaštite i spašavanja Općine Stari Grad Sarajevo, kao i drugih institucija da se stave na raspolaganje sa svim svojim materijalnim i ljudskim resursima Štabu civilne zaštite Općine Stari Grad Sarajevo za otklanjanje opasnosti po ljude i imovinu, te saniranje eventualno nastalih posljedica po ljude i imovinu, dok traje stanje prirodne nesreće.

Iako kao organu lokalne samouprave, ova situacija predstavlja ogroman izazov, posebno sa aspekta obezbjeđenja adekvatnih uslova za smještaj evakuisanog stanovništva, Općina Stari Grad Sarajevo je uspješno evakuisala porodice, koje su se saglasne sa istom, a sve uz pomoć Ministarstva za rad, socijalnu politiku, raseljena lica i izbjeglice Kantona Sarajevo, koje je osiguralo 40.000 KM u svrhu plaćanja zakupnina, te Federalne agencije za upravljanje oduzetom imovinom, koja je ustupila stanove po znatno nižoj cijeni nego li iste daju u zakup na tržištu.

Riječ o iznimno kompleksnom i izazovnom postupku, za koji Općina Stari Grad Sarajevo nije dobila adekvatnu podršku drugih nivoa vlasti, a posebna kompleksnost i zahtjevnost se ogleda u tome da je klizište na području Istočnog Starog Grada, Republika Srpska, a posljedice na području Općine Stari Grad Sarajevo, Federacija Bosne i Hercegovine.

Zavod za izgradnju Kantona Sarajevo je Preliminarnim izvještajem Zavoda za izgradnju Kantona Sarajevo od 09.10.2024. godine, utvrdio hitne mjere kao i preporuke za trajno rješenje iz Izvještaja o radu Interinstitucionalne radne grupe u procjeni stanja na lokalitetima klizište Curine njive i Bistrički potok od 15.10.2024. godine i to:

„Preporuke za provođenje interventnih mjera sanacije klizišta koje bi se provele po hitnom postupku:

1. Po hitnom postupku potrebno je obustaviti odlaganje materijala na deponiju;
2. Provesti rasterećene padine odvoženjem destabiliziranog nasipnog materijala (uklanjanje materijala treba provoditi planski, a što će se definisati nakon dostavljenog geodetskog snimka postojećeg stanja);
3. Potrebno je izvesti drenaže u nožičnom dijelu klizišta i kontrolisano odvesti vodu iz tijela klizišta do najbližeg recipijenta;
4. Eliminirati dotok vode na tijelo nasipa (radovi u zoni čela klizišta) ili prema prijedlogu predstavnika PMF-a preusmjeriti dotok padavinskih voda sa tijela nasipa u kanalizacioni sistem za odvodnju voda;
5. Potrebno je vršiti geodetski monitoring klizišta

Preporuke za trajnu sanaciju klizišta Curine njive:

1. Neophodni istražni radovi, a izuzetno prema mišljenju predstavnika sa PMF-a potrebni su kompetentni istražni radovi u širem području padina Trebevića;
2. Projekat trajne stabilizacije klizišta, odnosno terena zahvaćenog klizištem, prema mišljenju predstavnika PMF-a potrebno je obuhvatiti teren zahvaćen klizištem u širem području padina Trebevića

Preporuke za provođenje palijativnih mjera Bistričkog potoka:

Hitno čišćenje neuređenog dijela korita Bistričkog potoka od nagomilanog materijala i stabala u zoni objekta u izgradnji.

Cijeneći sve naprijed navedeno, kao i činjenicu da se aktivno klizište u čitavom obuhvatu, kao i zatrpano korito Bistričkog potoka nalazi na prostoru entiteta Republika Srpska, a da su ugroženi ljudi i materijalna dobra u Općini Stari Grad Sarajevo na teritoriji Federacije Bosne i Hercegovine, a što prevazilazi kapacitete Općine Stari Grad Sarajevo, kao i nadležnosti iste, realizacija citiranih preporuka nije moguća bez uključivanja i saglasnosti nadležnih institucija iz entiteta Republika Srpska. Cjelokupan Izvještaj o radu Interinstitucionalne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024. godine Zavoda za izgradnju Kantona Sarajevo, kao i Izvještaj Babić Fuada, dipl.ing.građ. od 16.10.2024. godine dostavljen je Vladi Federacije Bosne i Hercegovine, Vladi Republike Srpske, Federalnoj upravi civilne zaštite, Kantonalnoj upravi civilne zaštite, Međuentitetskom tijelu za okolinu, Istočnom Starom Gradu u cilju poduzimanja hitnih aktivnosti iz utvrđene nadležnosti.

Općina Stari Grad Sarajevo je izdvojila sredstva u svrhu poduzimanja hitnih mjera, u približnom iznosu od 50.000 KM, koja su putem sporazuma na koja je Općinsko vijeće dalo saglasnost prebačena Istočnom Starom Gradu jer se iste trebaju izvoditi na području Istočnog Starog Grada.

Štab civilne zaštite, kao i sve službe zaštite i spašavanja Općine Stari Grad Sarajevo poduzimaju sve iz utvrđene nadležnosti u svrhu zaštite i spašavanja ljudi, prevshodno održavaju se kontinuirane dežure, te se prate aktivnosti u saradnji sa Zavodom za izgradnju na izradi projekta za sanaciju predmetnog klizišta, a što će biti dugotrajan i iznimno kompleksan postupak.



PREVENTIVNO DJELOVANJE U SVRHU ZAŠTITE STANOVNIŠTVA

U nizu preventivnih djelovanja u 2024. godini, bitnim smatramo naglasiti da je Služba za inspekcijske poslove u okviru utvrđenih nadležnosti provodila aktivnosti na uklanjanju ruševnih objekata, te je izvršeno ukupno 17 rješenja, kojima je naloženo uklanjanje objekata u svrhu sprječavanja opasnosti po ljude i materijalna dobara, i to na adresama: Sumbul česma br. 24, Mahmutovac br. 66, Bistrik basamaci br. 2, Hafiza ef. Trebinjca br. 25, Heljevac br. 2, Krka br. 9, Komatin br. 37, Ramića banja br.63-65, Goloderica br. 34, Goloderica br. 2, Mala berkuša br. 39, Čebedžije donje br. 53, Fojnička br. 27, Boguševac br. 13, Vrbanjuša br. 30, Vrbanjuša br. 32, Bećarevo ćoške br. 9.

Također, ne može se izostaviti ni pitanje bespravnih objekata, koji su predstavljali smetnju stanovništvu u svakodnevnim aktivnostima, te su tako uklonjeni sljedeći bespravni objekti ili dijelovi objekata na način kako slijedi:

- 1.Iza Gaja br. 105 – pomoćni objekat štala
- 2.Bistrik bb – poslovni objekat
- 3.Trg Alije Izetbegovića – montažno-demontažni objekat
- 4.Ferhadija – montažno-demontažni objekat
- 5.Telali – montažno-demontažni objekat - kiosk
- 6.Sarači br.7 – metalni nosač na krovu objekta
- 7.Hercina br.15 – ankerisane žardinjere
- 8.Višegradska kapija br.20 – uklanjanje oluka na objektu



MEĐUNARODNA I DOMAĆA SARADNJA

Općina Stari Grad Sarajevo nastavila je sa nizom značajnih međunarodnih i lokalnih susreta, usmjerenih na unapređenje saradnje u različitim oblastima. Ovi susreti imaju za cilj jačanje međunarodne suradnje, promociju turizma i kulturne razmjene, te podršku zajedničkim projektima.





RADNI SASTANAK NAČELNIKA ČENGIĆA I PREDSJEDNIKA BEĆIROVIĆA

Načelnik Općine Stari Grad Sarajevo, Irfan Čengić, bio je na radnom sastanku sa članom Predsjedništva Bosne i Hercegovine, Denisom Bećirovićem. Tokom susreta, Bećirović je čestitao Čengiću na preuzimanju funkcije i izrazio spremnost za saradnju u rješavanju ključnih pitanja koja se tiču razvoja Starog Grada. Na sastanku je naglašena važnost zajedničkog djelovanja u cilju poboljšanja kvaliteta života građana, kako na lokalnom, tako i na širem nivou.

Načelnik Čengić zahvalio je na podršci i naglasio da će fokus njegovog rada biti na projektima koji imaju direktan uticaj na građane.

NAČELNIK ČENGIĆ I PREDSJEDNIK KOMŠIĆ RAZGOVARALI O BUDUĆIM PROJEKTIMA

Načelnik Općine Stari Grad, Irfan Čengić, sastao se s članom Predsjedništva Bosne i Hercegovine, Željkom Komšićem, kako bi razgovarali o budućim projektima i saradnji na unapređenju razvoja Starog Grada. Fokus sastanka bio je na važnosti zajedničkog djelovanja u cilju rješavanja ključnih pitanja koja se odnose na poboljšanje života građana. Načelnik Čengić je naglasio da će prioritet biti realizacija projekata koji utiču na svakodnevni život, s posebnim naglaskom na održivi razvoj i modernizaciju infrastrukture.



DELEGACIJA OPĆINE STARI GRAD U POSJETI BEOGRADU I VLADI REPUBLIKE SRBIJE

Saradnja u oblasti turizma bila je ključna tema sastanaka sa ministrom turizma Srbije Huseinom Memićem i ministrom Edinom Đerlekom. Općina Stari Grad je predstavila svoju turističku ponudu na sajmu turizma u Beogradu, a razgovarano je i o mogućnostima promocije na EXPO 2027.



SUSRET SA PREDSJEDNIKOM MILANOVIĆEM I POSJETA MAKARSKOJ

Načelnik Irfan Čengić, zajedno s delegacijom Općine Stari Grad, posjetio je Makarsku povodom proslave Dana grada. Tokom posjete, načelnik je održao sastanak s gradonačelnikom Zoranom Paunovićem, te naglasio želju za podizanjem saradnje na viši nivo, kroz zajedničke projekte finansirane iz EU fondova. Saradnja između Sarajeva i Dalmacije, posebno kroz turizam, predstavlja značajan potencijal za obje strane.



SUSRET SA GRADONAČELNIKOM ISTANBULA

Načelnik Općine Stari Grad, Irfan Čengić, boravio je u radnoj posjeti Istanbulu, gdje je održao sastanak s gradonačelnikom Ekremom Imamoğluom koji je rezultirao pomoći Grada Istanbula Općini Stari Grad Sarajevo za opremanje vatrogasnih jedinica.



POTPISAN SPORAZUM O SARADNJI SA OPŠTINOM BAR

Općina Stari Grad Sarajevo i Opština Bar potpisale su Sporazum o saradnji, čime su se obavezale na međusobnu saradnju u oblastima privrede, kulture, obrazovanja, turizma i zaštite naslijeđa. Sporazum su potpisali načelnik Irfan Čengić i predsjednik Dušan Raičević, uz prisustvo gradonačelnice Sarajeva Benjamine Karić. Čengić je naglasio značaj saradnje sa općinama sa sličnim historijskim i kulturnim karakteristikama, kao što je Bar.



SASTANAK S KOMANDANTICOM NATO ŠTABA I MINISTROM ODBRANE BIH

Načelnik Čengić razgovarao je s komandanticom NATO Štaba Sarajevo, Pamelom McGaha, i ministrom odbrane Zukanom Helezom o obnovi vanjskog izgleda Doma oružanih snaga i uređenju trga ispred njega. Komandantica je podržala projekt, koji bi poboljšao izgled centra grada.



RADNA VEČERA S DELEGACIJAMA IZ BURSE I IZMIRA

Općinski načelnik Irfan Čengić dočekaio je delegacije iz Burse i Izmira na radnoj večeri u Sarajevu. Delegacije su predvodili Erkan Aydin, načelnik Općine Osmangazi Bursa, i Mehmet Atilla Baysak, pomoćnik načelnika Općine Karşıyaka Izmir. Ova večera bila je prilika za razmjenu iskustava i jačanje suradnje između općina.





SASTANCI SA NAČELNICIMA ISTANBULSKIH OPĆINA

Delegacija Općine Stari Grad Sarajevo održala je sastanke sa načelnicima općina Fatih, Silivri, Bayrampaşa, i Bağcılar. Teme sastanka obuhvatile su dosadašnju saradnju i projekte za budućnost, a posebno se razgovaralo o turizmu i obnovi Doma Oružanih snaga BiH.



NAČELNIK ČENGIĆ U POSJETI IZMIRU

Saradnja u oblasti turizma bila je ključna tema sastanaka sa ministrom turizma Srbije Huseinom Memićem i ministrom Edinom Đerlekom. Općina Stari Grad je predstavila svoju turističku ponudu na sajmu turizma u Beogradu, a razgovarano je i o mogućnostima promocije na EXPO 2027.

NAČELNIK ČENGIĆ NA DEMOKRATSKOJ NACIONALNOJ KONVENCIJI U ČIKAGU

Načelnik Irfan Čengić, zajedno s delegacijom Općine Stari Grad, posjetio je Makarsku povodom proslave Dana grada. Tokom posjete, načelnik je održao sastanak s gradonačelnikom Zoranom Paunovićem, te naglasio želju za podizanjem saradnje na viši nivo, kroz zajedničke projekte finansirane iz EU fondova. Saradnja između Sarajeva i Dalmacije, posebno kroz turizam, predstavlja značajan potencijal za obje strane.

NAČELNIK ČENGIĆ U POSJETI LONDONU

Irfan Čengić boravio je u Londonu, gdje je održao niz sastanaka s britanskim zvaničnicima. Naglasak je bio na podršci Velike Britanije BiH, posebno u vezi s usvajanjem rezolucije o genocidu u Srebrenici. Također, načelnik Čengić je razgovarao s lordovima i predstavnicima organizacije "Remembering Srebrenica" o važnosti istine i pravde za žrtve genocida



SASTANAK SA AMBASADOROM BUGARSKE N.J.E. VALERIJEM YOTOVOM

Načelnik Čengić istakao je važnost podrške Bugarske Bosni i Hercegovini i najavio buduće projekte koji će istaknuti bugarsku kulturu u Starom Gradu, uključujući projekt "Sedmice država".



POSJETA AMBASADORICI AUSTRIJE N.J.E. ULRIKE HARTMANN

Razgovarano je o budućim projektima, uključujući saradnju sa bečkim okrugom Alsergrund, a posebna pažnja posvećena je promociji kulturnih aktivnosti u Starom Gradu.

OBILJEŽAVANJE DANA NEZAVISNOSTI KUVAJTA

Svečani prijem povodom Dana nezavisnosti i oslobođenja Kuvajta, kojem je prisustvovao načelnik Čengić, ukazao je na značaj bilateralnih odnosa i međunarodne suradnje.



SUSRETI SA AMBASADORIMA ŠPANIJE I SLOVAČKE

Razgovarano je o jačanju kulturnih i društvenih veza, kao i o projektu "Aleja ambasadora" kao važnom dijelu međunarodne saradnje.



JAČANJE MEĐUNARODNIH VEZA KROZ SUSRETE SA AMBASADOROM EGIPTA

Načelnik Čengić nastavlja raditi na unapređenju međunarodne saradnje, fokusirajući se na turizam, razvoj zajedničkih projekata i jačanje diplomatskih veza.

PREDSJEDAVALJUĆI ŠKALJIĆ DOČEKAO ŠEFA MISIJE GRČKE

Predsjedavajući Općinskog vijeća, Seid Škaljić, ugostio je zamjenika šefa misije Grčke, Minasa Ounianiana, s ciljem daljnjeg jačanja suradnje sa Grčkom, posebice u kulturnim i društvenim projektima.





SASTANAK S AMBASADOROM SAUDIJSKE ARABIJE

Načelnik Čengić susreo se s ambasadorom Saudijske Arabije, Osamahom Dakhelom Al Ahmadijem, u cilju jačanja saradnje i unapređenja turizma u Starom Gradu, koji je popularna destinacija za saudijske turiste.



SASTANAK SA SEKRETAROM AMBASADE JAPANA

Predsjedavajući Općinskog vijeća Seid Škaljić održao je sastanak s Yoshidom Chisatom, sekretarom Ambasade Japana. Ovaj sastanak bio je nastavak nastojanja Općine Stari Grad da ojača međunarodne veze, a slični susreti su već organizovani s drugim ambasadorima prijateljskih zemalja.



OBILJEŽAVANJE DANA REPUBLIKE ITALIJE

Načelnik Općine Stari Grad, Irfan Čengić, prisustvovao je obilježavanju Dana Republike Italije u Domu Oružanih snaga BiH. Ceremonija, koja je uključivala izložbu djela slavnog italijanskog majstora Perugina, bila je prilika za promociju italijanske kulture i umjetnosti te jačanje prijateljskih odnosa između BiH i Italije.



NAČELNIK ČENGIĆ PRISUSTVOVAO OBILJEŽAVANJU 202. GODIŠNJICE NEZAVISNOSTI BRAZILA

Na poziv ambasadorice Brazila u Bosni i Hercegovini, Marie Clare Duclos Carisio, načelnik Općine Stari Grad Sarajevo, Irfan Čengić, prisustvovao je svečanom obilježavanju 202. godišnjice nezavisnosti Brazila. Ovaj događaj doprinosi jačanju prijateljskih odnosa između Općine Stari Grad i međunarodnog diplomatskog kora u BiH.

DRUŽENJE U REZIDENCIJI BRITANSKOG AMBASADORA

Načelnik Općine Stari Grad, Irfan Čengić, prisustvovao je okupljanju načelnika općina iz cijele Bosne i Hercegovine u rezidenciji britanskog ambasadora Juliana Reillya. Događaj je bio prilika za bolje upoznavanje, razmjenu iskustava i jačanje saradnje među općinama, s ciljem unapređenja života u BiH kroz zajedničke projekte i podršku međunarodnih partnera.

NAČELNIK ČENGIĆ ODRŽAO SASTANAK S MINISTROM DIJASPORE CRNE GORE

Načelnik Općine Stari Grad, Irfan Čengić, ugostio je ministra dijaspore Crne Gore, Mirsada Azemovića, u prostorijama Općine. Susretu su prisustvovali i državni sekretar Adel Omeragić i Anel Mujević, savjetnik u Ministarstvu. Sastanak je imao za cilj jačanje međusobnih odnosa i saradnje između Općine Stari Grad i Crne Gore, a načelnik Čengić je naglasio značaj prijateljskih veza sa crnogorskim općinama Budva i Bar. Posjeta je nastavak zajedničkih aktivnosti i inicijativa za unapređenje saradnje kroz realizaciju zajedničkih projekata.



POSJETA PREDSTAVNIKA MARMARA GROUP FONDACIJE OPĆINI STARI GRAD

Delegacija Marmara Group Foundation, predvođena predsjednikom Dr. Akkanom Suverom, posjetila je Općinu Stari Grad. Tokom susreta, Marmara Group Foundation pozvala je načelnika Irfana Čengića da se pridruži 28. Euroazijskom forumu, koji će se održati u Istanbulu 7. i 8. maja iduće godine.



POSJETA GRADONAČELNIKU TUZLE

Na sastanku sa gradonačelnikom Tuzle, Zijadom Lugavićem, razmijenjena su mišljenja o saradnji i zajedničkim projektima,.



OBILJEŽAVANJE DANA NEZAVISNOSTI KUVAJTA

Svečani prijem povodom Dana nezavisnosti i oslobođenja Kuvajta, kojem je prisustvovao načelnik Čengić, ukazao je na značaj bilateralnih odnosa i međunarodne suradnje.

SADNJA LIPE POVODOM SVJETSKOG DANA ZAŠTITE OKOLIŠA

Povodom Svjetskog dana zaštite okoliša, ambasadori Kuvajta i Japana zasadili su lipe u Aleji ambasadora u Sarajevu. Načelnik Irfan Čengić pridružio se ovom ekološkom činu, a sadnja novih stabala bila je prilika za očuvanje i uljepšavanje popularne starogradske šetnice.





KUD BAŠČARŠIJA NA TURNEJI U FRANCUSKOJ

Kulturno-umjetničko društvo Baščaršija učestvovalo je na Internacionalnom festivalu folkloru u Marseju, Francuska. Na festivalu je predstavljeno bogatstvo bosanske tradicije i kulture, a KUD Baščaršija izveo je koreografiju "Sarajevo divno mjesto" koja je oduševila francusku publiku.

SASTANCI SA RUKOVODSTVOM PRIJATELJSKE OPĆINE STARI GRAD BEOGRAD

Delegacija Općine Stari Grad Sarajevo posjetila je Beograd, gdje su razgovarali o daljoj saradnji u turizmu i razmjeni iskustava, temeljenih na već postojećem Sporazumu o bratimljenju.

POSJETA ISLAMSKOM KULTURNOM CENTRU U BARU

Načelnik Čengić i predsjednik Raičević posjetili su Islamski kulturni centar u Baru, gdje su dogovoreni projekti za očuvanje kulturno-historijskog naslijeđa. Čengić je istakao važnost doprinosa Općine Stari Grad u tim projektima.

NOVI PAZAR SLAVI 563. ROĐENDAN

Delegacija Općine Stari Grad, predvođena predsjedavajućim Općinskog vijeća Seidom Škaljićem i vijećnikom Muamerom Mekićem, posjetila je Novi Pazar povodom proslave 563. rođendana ovog grada. Grad i Sarajevo imaju dugogodišnje prijateljske odnose, a poziv gradonačelnika Nihata Biševca bio je prilika za daljnje jačanje saradnje između ova dva grada.

PREDSTAVNICI OPĆINE STARI GRAD NA SARAJEVO DESTINATION FESTIVALU

Općina Stari Grad Sarajevo, zajedno s KUD-om Baščaršija, učestvovala je na Sarajevo Destination Festivalu, koji je okupio predstavnike turističkih agencija i platformi iz 15 država. Festival je bila prilika za promociju sarajevske tradicije, običaja i nošnji, a Općina Stari Grad ponovo je pokazala svoju posvećenost očuvanju kulturne baštine.



ŠEF DELEGACIJE EU SATTLER I NAČELNIK ČENGIĆ ZASADILI LIPU U ALEJI

Šef Delegacije Evropske unije u Bosni i Hercegovini, ambasador Johann Sattler, i načelnik Općine Stari Grad Irfan Čengić, danas su simbolično zasadili drvo lipu u "Aleji ambasadora" u Općini Stari Grad. Ovo stablo predstavlja 238. po redu zasadno drvo u ovoj jedinstvenoj aleji, koja je od 2002. godine domaćin stabala koja su posadili ambasadori i visoki zvaničnici međunarodnih organizacija.



SASTANAK SA POČASNIM KONZULOM BIH ZA GORNJU AUSTRIJU

Načelnik Općine Stari Grad Sarajevo, Irfan Čengić, sastao se s počasnim konzulom Bosne i Hercegovine za Gornju Austriju, prof. dr. Josefom Weidenholzerom, kako bi razgovarali o mogućnostima uspostavljanja bratimskih veza s nekim gradom iz Austrije. Na sastanku se razgovaralo i o potencijalnim projektima koji bi ojačali međunarodne veze, kao i o političkoj situaciji u BiH i njenoj budućnosti u procesu euroatlantskih integracija. Prof. dr. Weidenholzer obećao je da će nastaviti lobirati za brži ulazak BiH u Evropsku uniju.





OPĆINA STARI GRAD ĆE BITI UZ LJUDE KONJICA I JABLANICE

Načelnik Irfan Čengić s delegacijom posjetio je poplavama pogođene općine Konjic i Jablanicu. Tijekom posjeta, razgovarano je o hitnim mjerama za sanaciju šteta i pružanju podrške za ublažavanje posljedica od poplava. Općina Stari Grad obavezala se da će staviti na raspolaganje sredstva za civilnu zaštitu kako bi pomogla u obnovi pogođenih područja

DELEGACIJA OPĆINE STARI GRAD U POSJETI POBRATIMSKOJ OPŠTINI KARPOŠ U SKOPLJU

Delegacija Općine Stari Grad, predvođena predsjedavajućim Općinskog vijeća Seidom Škaljićem i vijećnikom Nerminom Džinom, boravila je u posjeti Opštini Karpoš u Skoplju. Ova općina je povezana s Općinom Stari Grad kroz pobratimske odnose, a cilj posjete bio je produbiti saradnju između zajednica.





NAČELNIK SELÇUKLU KONYA U POSJETI OPĆINI STARI GRAD

Načelnik Općine Selçuk iz turskog grada Konya, Ahmet Pekyatirmaci, sa saradnicima, boravio je danas u službenoj posjeti Općini Stari Grad. Načelnika Pekyatirmacija dočekali su načelnik Irfan Čengić, predsjedavajući Općinskog vijeća Seid Škaljić i općinski vijećnik Vedad Deljković.

NAČELNIK ČENGIĆ NA SVEČANOSTIMA POVODOM DANA POBRATIMSKIH OPĆINA BUDVA I BAR

Delegacija Općine Stari Grad, predvođena predsjedavajućim Općinskog vijeća Seidom Škaljićem i vijećnikom Nerminom Džinom, boravila je u posjeti Opštini Karpoš u Skoplju. Ova općina je povezana s Općinom Stari Grad kroz pobratimske odnose, a cilj posjete bio je produbiti saradnju između zajednica.



DELEGACIJA OPĆINE STARI GRAD U POSJETI POBRATIMSKOJ OPĆINI OHRID

Delegacija Općine Stari Grad, predvođena dopredsjedavajućim Općinskog vijeća Kerimom Smailbegovićem, posjetila je pobratimsku Općinu Ohrid u Sjevernoj Makedoniji povodom obilježavanja Dana Sv. Klimenta Ohridskog.

SREDNJOŠKOLCI IZ OPĆINE BAĞCILAR ISTANBUL U POSJETI STAROM GRADU

Općina Stari Grad upriličila je poseban prijem i obilazak kulturno-historijskog jezgra Sarajeva za srednjoškolce iz prijateljske Općine Bağcılar Istanbul. Načelnik Općine Bağcılar, Abdullah Özdemir, nagradio 16 srednjoškolaca za izuzetne rezultate u svom radu, organizirajući im turističko putovanje u BiH. Saradnja između Općine Stari Grad i Općine Bağcılar intenzivirana je u aprilu prošle godine, kada je organizovan besplatan iftar na Baščaršiji, uz podršku obje općine. Također, načelnik Irfan Čengić je tada posjetio Istanbul, gdje je nastavljena međusobna suradnja i usmjerenost na jačanje kulturnih i prijateljskih veza.

FESTIVAL "JA BIH 5 DANA SARAJEVA U ZAGREBU" PROMOVISAO KULTURNO NASLIJEĐE SARAJEVA

Od 15. do 19. oktobra 2024. godine, u Zagrebu je održan 13. po redu festival "Ja bih 5 dana Sarajeva u Zagrebu", pod pokroviteljstvom Općine Stari Grad Sarajevo. Festival je pružio zagrebačkoj publici bogat kulturni program, uključujući filmove, koncerte, izložbe i predstave, te je promovirao umjetnost i tradiciju Sarajeva i BiH. U okviru festivala, Kulturno-umjetničko društvo "Baščaršija" i DJ Mahir Beathouse iz Sarajeva nastupili su na platou ispred Napretkovog nebodera, zatvarajući program. Nastupima su prisustvovali načelnik Općine Stari Grad Irfan Čengić, ambasadorica BiH u Hrvatskoj Elma Kovačević-Bajtal, ministar kulture i sporta KS Kenan Magoda, te drugi ugledni gosti. Načelnik Čengić istakao je važnost festivala za promociju Sarajeva i općine Stari Grad, dok se susreo i s bivšim predsjednikom Hrvatske Ivom Josipovićem, s kojim je razgovarao o političkoj situaciji



INTERAKCIJA SA GRAĐANIMA

Općina Stari Grad Sarajevo je jedinica lokalne samouprave, koja je prva instanca građanima za ostvarivanje prava. Sve što smo uradili u prethodnoj godini i što planiramo raditi u 2025. godini je rađeno prema zahtjevama i potrebama građana. Naime, 2024. godinu smo započeli sa zborovima građana, koji su održani u svakoj mjesnoj zajednici, a na kojima su građani imali priliku iznijeti sve svoje potrebe, zahtjeve i probleme. Također, 2024. godinu smo završili u pripremi za 2025. godinu kroz sastanke za savjetima mjesnih zajednica.









SARADNJA OPĆINSKOG VIJEĆA I NAČELNIKA

Kvalitetna saradnja između Općinskog vijeća i načelnika omogućila je realizaciju svih aktivnosti, projekata i blagovremeno usvajanje strateških dokumenata.

Općinsko vijeće Stari Grad Sarajevo zasigurno je sa svojim radom u 2024. godini postavilo visok standard svim predstavničkim i zakonodavnim organima i Bosni i Hercegovini.

Za produktivan rad općine kao jedinice lokalne samouprave neophodna je kontinuirana saradnja između općinskog načelnika, općinskog vijeća, kao i svih službi za upravu i stručnih službi, a sve u cilju zaštite interesa i prava svih građana i građanki.





NAJEFIKASNIJE OPĆINSKO VIJEĆE U KANTONU SARAJEVO U 2024. GODINI

U toku 2024. godine Općinsko vijeće Stari Grad Sarajevo ostvarilo je značajne rezultate, reflektirajući posvećenost vijećnika i uprave u unaprjeđenju života građana općine.

U prethodnoj 2024. godini održano je ukupno 14 sjednica i to:

- 10 redovnih sjednica Općinskog vijeća, od čega je 8 sjednica održano u prethodnom sazivu, dok su 2 sjednice pripadale novom sazivu izabranom na lokalnim izborima,
- Pored toga, organizirane su i 2 vanredne sjednice u prethodnom sazivu, gdje su razmatrana hitna pitanja od značaja za općinu,

Također, u 2024. godini nakon održavanja lokalnih izbora, održana je konstituirajuća sjednica na kojoj je konstituirano Općinsko vijeće u novom sazivu i izvršena verifikacija mandata Općinskih vijećnika za mandatni period 2024–2028. Na istoj sjednici izabrano je novo rukovodstvo Općinskog vijeća, čime je osiguran kontinuitet u radu.

Prethodna godina je dijelom obilježena i lokalnim izborima u Bosni i Hercegovini, koji su rezultirali formiranjem novog saziva Općinskog vijeća Stari Grad Sarajevo. Važno za istaknuti da je Općinsko vijeće Stari Grad Sarajevo jedino od četiri gradske Općine koje čine Grad Sarajevo blagovremeno izabralo gradske vijećnike za Gradsko vijeće Grada Sarajeva, u skladu s odredbama Izbornog zakona Bosne i Hercegovine.

Radna tijela i dnevni redovi

Tokom godine, radna tijela Općinskog vijeća održala su ukupno 65 sjednica, na kojima su detaljno razmatrane pripreme i prijedlozi za Odluke vijeća, kao i druga pitanja iz njihove nadležnosti. Efikasnost rada Općinskog vijeća dodatno potvrđuje činjenica da je u 2024. godini obrađeno čak 407 tačaka dnevnog reda, što svjedoči o sveobuhvatnom pristupu u rješavanju pitanja od javnog interesa.

Godina 2024. bila je intenzivna i produktivna za Općinsko vijeće Stari Grad Sarajevo. Kroz kontinuirani rad, transparentnost i odgovornost prema građanima, Općinsko vijeće je potvrdilo svoju ulogu kao važan stub Općine kao jedinice lokalne samouprave. Postignuti rezultati predstavljaju osnovu za daljnji napredak i unaprjeđenje života u zajednici.




ZAKLJUČAK

Ne postoji publikacija koja je dovoljno obimna, a u kojoj može stati 365 dana rada, truda, rješavanja predmeta, problema, uviđaja na licu mjesta, rada na projektima, tenderima, rješavanje pitanja koja nisu ni u nadležnosti Općine, ali i lijepih manifestacija, pa i onih sjetnih događaja koji nas vrate u prošlost i opomenu da se historija ne može i ne smije zaboraviti. Ukratko smo prikazali presjek rada u 2024. godini, uz tendenciju i napor da 2025. godina bude produktivnija i efikasnija.



"Zajedno sa Općinskim vijećem i administracijom, nastavljam odgovorno raditi, u fokusu su nam ljudi i projekti."





www.starigrad.ba